

А. АЛИЕВ, Қ. СОДИҚОВ

# ЎЗБЕК АДАБИЙ ТИЛИ ТАРИХИДАН

Ўзбекистон Республикаси  
Олий ва ўрта маҳсус таълим вазирлиги  
университетларнинг ўзбек филологияси  
факультетлари талабалари учун ўқув  
қўлланма сифатида тавсия этган

ТОШКЕНТ  
“ЎЗБЕКИСТОН”  
1994

81.2Ўз  
А 49

Тақризчилар: ЎзФА академиги Ш. ШОАБДУРАҲМОНОВ,  
филология фанлари доктори Б. ҲАСАНОВ

Муҳаррир: З. Аҳмаджонова

### ШАРТЛИ ҚИСҚАРТМАЛАР

БХ — Билга хоқон битигтоши

ДЛГ — Маҳмуд Кошғарий. "Девону лугатит турк"

КТ (КТу, КТк) — Култигин битигтоши: у — улуг битиг, к — кичик битиг.

Тұн — Тұніоқық битигтоши

ҚБ — Юсуф Ҳос Ҳожиб. "Қутадғу билиг"

ISBN 5-640-01721-X

▲ 0503020904—51 94  
M 351 (04) 94

©"ЎЗБЕКИСТОН" нашриёти, 1994 й.

## **"ЎЗБЕК АДАБИЙ ТИЛИ ТАРИХИ" ПРЕДМЕТИ, УНИНГ МАҚСАДИ ВА ВАЗИФАСИ**

Ўзбек тили жумҳуриятимизнинг давлат тили деб қонунлаштирилиши халқимизнинг тарихий-маданий ҳаётида катта воқеа бўлди. Бу ўзбек халқининг бирдан-бир ҳал қилиниши лозим бўлган муаммоларидан эди. Чунки ушбу долзарб масалани ҳал қилмасдан туриб, миллий сиёсатнинг тўла амалга ошиши, миллий тиллар ҳақидаги таълимотнинг ўзбек тили тарихи тараққиётидаги ролини атрофлича, илмий асосда тушуниб бўлмайди.

Қонуннинг 19-бандида: "Ўтмишнинг ижтимоий, иқтисадий, тарихий, адабий-бадиий, маданий ва илмий меросини кенг тарғиб қилиш ва чуқур ўрганиш учун ўзбек халқининг тарихий-маданий ёдгорликлари асл нусхада нашр этилиши таъминланади", — дейилади.

Бу умумтаълим мактаблари ва олий ўқув юртларида "Эски ўзбек ёзуви ва тили", "Ўзбек адабий тили тарихи", "Ўзбек адабиёти тарихи" дастурларини ҳозирги талаб даражасида қайта тузишни, шунга мос дарслик ва қўлланмалар яратишни тақозо қиласди.

Университетларнинг ўзбек филологияси ва педагогика институтларининг ўзбек тили ва адабиёти факультетларида "Она тили ва адабиёти" мутахассислиги бўйича "филолог, ўзбек тили ва адабиёти" дан малакали илмий ходим ва ўқитувчилар тайёрлашда "Ўзбек адабий тили тарихи" курси илмий-назарий, амалий, таълимий ва тарбиявий аҳамиятга эга. Чунки бу курс талабаларга ҳозирги ўзбек адабий тилининг асосий тараққиёт босқичларини, унинг лексик, фонетик ва грамматик тизимини чуқур ҳамда атрофлича тушуниб олишларига ёрдам беради.

"Ўзбек адабий тили тарихи" предмети талабаларни тилимизда содир бўладиган турлича ўзгаришларни онгли равишда тушуниб олишларига ёрдам беригина қолмай, балки ҳозирги ўзбек тилини ўрганишда асосий восита бўлади.

Ўзбек тилшунослигининг ажралмас ва энг муҳим соҳалидан бўлган "Ўзбек тили тарихи" курси, "Ўзбек тилининг тарихий грамматикаси" ва "Ўзбек тили тарихи" деб юритилаётган (1970 йилларда) икки предметдан ташкил топган бўлишига қарамай, кўпчилик олий ўқув юртларида "Ўзбек тили тарихи" номи билан бир предмет тарзида ўқитилиб келинган эди. Шу курс дастури бундан 50 йил муқаддам ўзбек тили тарихининг билимдони марҳум Теша Ҳаким ўғли Салимов томонидан тузилган эди.

Бу дастур бир неча марта тўлдирилиб, нашр этилган. Охирги марта 1963 йилда "Ўзбек тили тарихи курси дастури" (педагогика институтлари ва университетлар учун) номи билан нашр қилинган эди. 1963 йилда проф. Ганижон Абдураҳмоновнинг педагогика институтларининг ўзбек тили ва адабиёти факультетлари учун "Ўзбек тилининг тарихий грамматикаси" дастури нашр этилди (1974 йилда ва ундан кейин қайта чоپ қилинди).

Университетларнинг ўзбек филологияси куллиётларида илгариги "Ўзбек тилининг тарихий грамматикаси" ўрнида ҳозирда "Қадимги туркий тил" ва "Эски ўзбек тили" курслари ўтилади. Бу курсда қадимги турк руний, уйгур ва араб алифболари асосидаги ёзувлар ҳамда ушбу ёзувларда битилган обидаларнинг фонетик, лексик, морфологик ва синтактик хусусиятлари ўрганилади.<sup>1</sup>

Университетларда "Қадимги туркий ва эски ўзбек тиллари" курсининг ўтилиши мақсадга мувофиқ. Чунки бу илмгоҳда ўзбек тили ва адабиёти ўқитувчиси ҳамда филолог тадқиқотчилар тайёрланади.

"Ўзбек адабий тили тарихи" тил тарихи курсининг таркибий қисми бўлиб, умумхалқ ўзбек адабий тилининг даврлар оша шаклланиши ва ривожланиши ҳақидаги фан.

Ўзбек адабий тили тарихи — ўзбек элати ва миллати адабий тилининг тарихий тараққиёти бўлиб, умумхалқ тили бойликларининг қайта ишланиши асосида яратилган янги услублар, сўз ва шакллар, иборалар тарихи ҳамdir.

Маълумки, умумхалқ тилининг икки тармоғи бўлиб, бири адабий тил, иккинчиси худудлараро аҳолининг жон-

<sup>1</sup> Ўзбек тили тарихи (дастур), Тошкент, 1940 (логин алифбосида)

<sup>2</sup> "Қадимги туркий ва эски ўзбек тиллари" курси дастури Университетларнинг филология факультетлари учун. Тузувчи ў. Мирзакаримова, Ж. Латипов. Масъул мухаррир проф. И. Кўчқортов. Тошкент, 1987.

ли сўзлашув тили — диалект ва шевалар. Булар доимо бир-бирини тўлдириб, бойитиб боради.

Адабий тилнинг муҳим белгилари: оғзаки ва ёзма шаклларга эгалиги, сўз усталари томонидан қайта ишлангани, сайқал берилгани, кўпфункционаллиги, нисбатан маълум қонун-қоидага, меъёрга туширилганлигидир. Шунингдек, адабий тил кенг кўламда қўлланиши билан ҳам характерланади.

Туркий, жумладан, ўзбек тилининг оғзаки адабий шакли жуда қадимий ва кўп қирралидир. Маҳмуд Кошғарийнинг XI асрда халқ оғзидан ёзиб олган баъзи адабий парчалар мазмунан тўрт-беш минг йил илгариги даврга оиддир. Аммо сўз шакли нуқтаи назардан мазкур парчалар бундан бир ярим минг йилча бурун ёзма шаклга кирган.

Адабий тил тарихи — умумхалқ тилининг, асосан, ёзма шакли тарихи бўлиб, у ўз тарихини замонамизгача етиб келган энг қадимги ёзма ёдгорликлар — бадиий, тарихий асарлар тилидан бошлайди. Бизгача етиб келган умумхалқ тили асосида ёзилган ёдгорликлар қанчалик узоқ даврга оид бўлса, адабий тилимиз тарихи ҳам шунчалик узоқ тарихга эга бўлади.

Ўзбек адабий тилининг ёзма шакли ҳозирги туркий тиллар учун муштарак бўлган ва УП — УПП асрларда битилган урхун-энасой битигтошлари тилига бориб тақалади. Ёзма манбаларнинг санаси маълум ва шакли тургун бўлгани учун ўзбек адабий тили тарихини дарслик сифатида баён этишда адабий тилимизнинг оғзаки манбаларидан четлаб ўтилади. Шу ҳолда ҳам ҳозирча ўзбек адабий тили тарихини мукаммал акс эттириш жуда қийин вазифадир. Чунки ўтмишда китобларимиз асосан эстетик талаблар асосида қўлда кўп вақт сарф қилиб кўчирилганига қарамасдан, илму фан ва адабиётнинг турли соҳаларига оид китоблар жуда кўпдир. Афсуски, уларнинг катта қисми ўрганилмаган, ҳатто рўйхат ҳам қилинган эмас.

Шунинг учун марҳум олим Улуғ Турсун ва проф. Бозорбой Ўринбоев муаллифлигига икки карра нашр қилинган "Ўзбек адабий тили тарихи" қўлланмаси мазкур соҳада биринчи қадам бўлса, мазкур қўлланма иккинчи қадамдир. Бу иш бундан кейин ҳам давом эттирилмоғи, манбалар тўлиқ ўрганилмоғи ва адабий тилимизнинг тараққиёт тарихи ҳар томонлама тавсиф қилинмоғи зарур.

Адабий тилимизнинг илмий ва сиёсий жаҳатлари ҳали кўплаб тадқиқотчиларга муҳтоҷ.

"Ўзбек адабий тили тарихи" предметининг вазифаси ўзбек (туркий) тилининг қадимги даврлардан то ҳозирги кунгача босиб ўтган тараққиёт йўлини тарихан урганишдан иборат.

Талабаларни ўзбек халқи тарихи, адабиёти тарихи, ижтимоий фикр тарихи билан боғлиқ ҳолда адабий тилимизнинг ташкил топиши ва ривожланиши жараённида, турли адабий жанрларда қўлланган умумхалқ тилидаги ифодалар ҳамда даврлараро пайдо бўлган тил услублари билан таништиришнинг ўзи предметнинг вазифасини белгилаб беради.

"Ўзбек адабий тили тарихи" предмети талабаларга дастурда талаб этилган маълум тил фактлари хусусида билим бериши билан бирга, амалий жиҳатдан ёзувчи тили ва услубини таҳлил қилишга ўргатиш, мустақил илмий иш қилиш йўлларини эгаллашларига ҳам ёрдам бериши керак.

Ўзбек адабий тили тарихининг асосий текширув доираси ўзбек адабиётининг турли даврларида яратилган бадиий асарлар ва бошқа турдаги ёзма манбалар тилидир. Бунда бу давр бадиий асарлари тили бошқа давр бадиий асарлари тили билан боғлиқ ҳолда, қиёсланиб текширилади. Халқ тили ва халқ оғзаки ижоди намуналари эса ёрдамчи манба бўлиб хизмат қиласди.

Умуман, тил тарихи курси ўзбек адабиёти тарихи, ўзбек халқи тарихи, ҳозирги ўзбек адабий тили, ўзбек диалектологияси, тилшуносликка кириш, услубият, нутқ маданияти, бадиий матннинг лингвистик таҳлили, ўзбек этнографияси, антропология, она тилини ўқитиш услуби каби фанларнинг маълумотларига суянган ҳолда ўрганилади. Чунончи, этнография ўзбек халқининг қайси уруғ ва қабилага мансуб эканлигини ўрганса, антропология ўзбекларнинг қайси ирқа алоқадорлигини, уларнинг келиб чиқиши тарихини ўрганади. Ўзбек адабиёти тарихи эса даврлараро адабий ҳаракатчилик ва бу ҳаракатчиликнинг йирик вакиллари, уларнинг ёзган асарлари билан таништиради.

"Ўзбек тили тарихи" курси ўзбек диалектологиясига ҳам суянади, чунки шева материаллари ўзида қадимги сўз ва шаклларни сақлайди. Ана шу сўз, шакллар орқали уларнинг тарихий тараққиёт йўли аниқлаб олинади.

Тил тарихини ўрганишда халқ тарихининг ўрни катта. Халқ тарихида нимаики ўзгариш юз берса, у албатта тилга озми-кўпми ўз таъсирини кўрсатади. Бу таъсир, энг аввало, тилнинг лугат таркибида, сўнгра фонетика ва грамматикада содир бўлади.

Юқоридагилардан ташқари адабий тилни тарихий-услубият томонидан ҳам ўрганилади. Бунда адабий тилнинг табиатини ҳисобга олган ҳолда, тарихий-услубий тараққиётнинг даврларо хусусиятлари таҳлил қилинади: бадиий услуб, публицистик услуб, илмий услуб, ҳар турли ёзишмалар услуби ва шу кабилар.

Шундай қилиб, жумҳурият олий ўқув юртларида ўқитиладиган бу предмет талабаларга адабий тил тизимидағи ўзгаришлар, адабий тил типлари ва шаклларининг ўзаро муносабатлари ҳамда адабий тилнинг ижтимоий вазифаси тарихи ҳақида маълумот беради.

**"ЎЗБЕК АДАБИЙ ТИЛИ ТАРИХИ"  
КУРСИННИГ МАКТАБЛАРДА  
ОНА ТИЛИ ВА АДАБИЁТ ФАНЛАРИНИ  
ЎҚИТИШДАГИ АҲАМИЯТИ**

Ўзбек адабий тили ўз тарихи давомида узоқ ва мураккаб тараққиёт йўлини босиб ўтган бўлишига қарамай, унинг тараққиёт йўли умумтаълим мактаблари ва ўрта максус ўқув юртларида ўрганилмайди. Тилнинг ўтмиш тарихини ўрганиш ҳозирги тилнинг хусусиятини, унинг объектив тараққиёт қонунларини чуқур ва атрофлича тушуниб олиш учун кенг имконият тутдиради. Тилни халқ яратади. Халқнинг маданий ва умуман ижтимоий-тарихий тараққиёти ўз изларини биринчи галда тилда қолдиради. Шу маънода: "Тил халқнинг маънавий, кўп асрлик ҳаётининг энг тўлиқ ва энг ҳаққоний йилномасидир".<sup>1</sup>

Адабиёт сўз санъати бўлса, адабиёт тарихи адабий тилимизнинг ривожланиш тарихидир. Шунинг учун адабиёт тарихи борган сари тил тарихи билан яқинлашиб бориши керак, кимёсиз физиология фан бўла олмагани каби, адабиёт тарихи ҳам тил тарихисиз фан бўла олмайди деб ёзган эди А. А. Потебня.<sup>2</sup> Ҳақиқатан ҳам

1

Ушинский К. Д. Таълим ва тарбия масалалари. Тошкент, 1959, 399-б.

2

Мысль и языкк. Одесса, 1922, С. 183.

адабиёт тил билан узвий боғлиқдир. Адабиёт тил заминида вужудга келади ва у билан боғлиқ ҳолда ривож топади.

Адабий асарни ўрганиш, аввало, унинг тилини ўрганишдан бошланади. Адабиёт дарсларида тил асарнинг ғоявий мазмунини очиб борувчи бир восита тарзida ўрганилади. Шу хилда ўрганиш адабий асарни чуқурроқ тушуниб олиш имконини беради.

Умумтаълим мактабларининг ўқув дастурида ўзбек адабиётининг тарихий даври — энг қадимги ёзма ёдгорликлардан то XX аср бошларигача бўлган даврни ўз ичига олади. Бу давр ўзбек тили тараққиётининг ҳам анча мураккаб ўтмишини, турли тиллар билан муносабатини ўзида мужассамлаштирган эди. Ана шу хусусиятлар ўзбек тилида, унинг турли даврларида яратилган ёдгорликларида акс этган.

Ўзбек мумтоз адабиёти асарларининг тили адабиёт дарси давомида дарсдан ташқари консультация ва сұхбат пайтларида, тўгарак машгулотларида ўргатилиши мақсадга мувофиқ деб келинган. Гарчи асарнинг тили ва бадиий хусусиятлари ҳақида умумий бир хил қолипдаги гаплар бўлса ҳам асарлар тили учун маҳсус соат ажратилмаган.

Бунинг учун мактаб ўқитувчилари мавзуни ўтиш давомида тушуниш қийин бўлган сўз ва шаклларни изоҳлаб бориши керак. Масалан: XI аср ёдгорликлари — Юсуф Хос Ҳожибининг "Қутадғу билиг", Маҳмуд Кошварийнинг "Девону лугатит турк" асарлари ўтилганда қамуғ — ҳамма; өкүш — кўп; ажун — дунё; ашыч — қозон; эдгу — эзгу, яхши, яхшилик; ҳөрк — ҳусн, чирой (кўрк); чәчәк — чечак, гул; қутм — баҳт, саодат; билиг — билим; асығ — фойда; нәқ — нарса; йалавач — элчи; бор — ичимлик (май) ва ш. к.

XIУ — XIУ аср намояндаларининг асарларини ўтганда, масалан, Навоийнинг "Ҳайратул аброр", "Фарҳод ва Ширин" достонларида учрайдиган, ҳозирги кунда ўқувчилар тушуниши қийин бўлган ҳайрат — таажжуб; аброр — яхши кишилар; муалло — энг олий, энг аъло; фирмавс — жаннат, боғ; зийнат — кўриниш; гумроҳ — йўлдан адашган; пеша — ҳунар; ганж — хазина; раият — халқ, фуқаро; гала — пода маъносида; шубон — чўпон; тоза — янги; ришта — ип; лаъли — қизил ранг маъносида; сафҳа — саҳифа; нир — устоз маъносида; улус — халқ каби сўзлар изоҳлаб борилиши ва доскага ёзилиши зарур.

Бобур асарлари ўтилганда омиқ — чуқур, Сайхун — Сирдарё; Жайхун — Амударё, сафо — тоза, чирой; самара — мева, натижа; умаро — амирлар; наботот — ўсимликлар; арғувон — қизил, ботшамол; гиёҳ — ўт; дийда — кўз; бадзабон — тили ёмон, заҳар; пушта — тепа, чуст — чақон; кўҳ — тог; сарт — тожик (эроний); черик — аскар ва ш. к. Бунинг сингари тушунилиши қийин сўз ва шакллар Турди, Гулханий, Махмур, Мунис, Муқимий, Фурқат, Завқий, Абдулла Қодирий, Ҳамза асарларида ҳам учрайди. Мактаб дарслик ва хрестоматияларида матн тагида баъзи қийин сўзлар маъноси ёзилган бўлади. Бу ўқитувчининг ишини бироз енгиллаштиради. Ўқитувчилар таҳсил олган олийгоҳларида ўзбек адабиёти тарихи ва ўзбек тили тарихи предметларини яхши ўзлаштирган бўлсалар, ҳеч қийналмасдан мумтоз адабиётимиз матнларини таҳлил қила оладилар.

"Ўзбек тили тарихи" курси мактабларда она тили дарсини ўтишда ҳам асқотади. Масалан, сўз таркиби мавзусини ўтганда айрим сўзларни ўзак ва қўшимчаларга ажратилганда, тил тарихи фактларига мурожаат қилишга тўғри келади: яшил < ёш + ил ; ёш + а = яша; қизил < қизи + л // қиз + ил; қиз + и + қ; қиз + и + гиш; қиз + и + гим + тир; ўрган < ўг + ра + н каби.

Юқоридаги мисолларда яшил сўзининг тарихий ўзаги ёш дир. Қизил сўзининг тарихий ўзаги қиз // қизи сўзиdir. Ҳозирги ўзбек тилимизда бу сўзлар яшил, қизил тарзида бир ўзак ҳолига келиб қолган. Ўрган сўзи асли ўрган бўлиб, ўг — ақл (от). Солиширинг: ўғит — насиҳат, бироқ даврлар ўтиши билан ўг истеъмолдан чиққан. -ра — феъл ясовчи аффикс, -н — феълнинг ўзлик даражасини ҳосил қилувчи қўшимча. Сўзининг дастлабки маъноси "насиҳатга қулоқ сол", ҳозирги маъноси "билиб ол". Сўз ўз тараққиёт тарихида маълум негиз тусини олгач, метатеза ҳодисасига учраган. Ўзакнинг охирги товуши билан ясовчининг биринчи товуши ўз ўринларини алмаштирган, яъни: ўрган < ўрган. Бундай ўзгариш натижасида қадимги негиз бўлинмас ҳолга келган.

## ЎЗБЕК АДАБИЙ ТИЛИ ТАРИХИННИНГ АСОСИЙ МАНБАЛАРИ

- 1) ёзма обидалар — бадиий, тарихий, илмий асарларнинг матнлари;
- 2) шева материаллари;
- 3) жой номлари;
- 4) киши исмлари;
- 5) ҳозирги ўзбек адабий тили матери-

аллари; 6) тарихий лингвистик лугатлар; 7) туркшуносликка оид ўзбек (туркий мисолли), рус ва хорижий олимларнинг тадқиқоту қўлланмалари ўзбек адабий тили тарихини ўрганишда асосий манбалардир. Айниқса, ёзма ёдгорликларнинг матнлари тил тарихини ўрганишда муҳим манба бўлиб хизмат қиласди. Ёзма ёдгорликлар ҳақида алоҳида тўхтalamиз.

## ЎЗБЕК АДАБИЙ ТИЛИНИНГ МАДАНИЯТИМИЗ ТАРИХИДА ТУТГАН ЎРНИ

Агар тил маданият кўзгуси бўлса, халқнинг моддий, маънавий ва маданий савияси, биринчи навбатда, унинг тилида намоён бўлади.

Ўзбеклар ўз тилларида (бир неча алифбода) жуда кўп бадиий, тарихий-филологик, жуғрофий ва бошқа ёзув ёдгорликларини яратганларки, улар ўзбек адабий тили тарихини ўрганишда катта аҳамиятга эга.

Ўзбек халқи маданияти тарихи тараққиётида ўзбек адабий тили улкан роль ўйнаган. Ўзбек (туркий) тилида даврлар оша ёзилган бадиий, тарихий, илмий ёдгорликлар умумхалқ тилининг энг яхши хусусиятларини ўзида сақлаган бўлиб, халқимизнинг қадимги маданиятини акс эттирган обидалар ҳам ҳисобланади. Бизгача етиб келган обидаларни кузатиш орқали халқимиз тарихи ва тилимиз тарихий тараққиётига оид кўпгина қимматли маълумотларга эга бўламиз. XI — XIV асрларда яратилган асарларнинг кўпчилиги туркий халқларнинг муштарак меросидир. Бунга Юсуф Хос Ҳожибининг "Қутадгу билиг", Маҳмуд Кошғарийнинг "Девону лугатит турк" (XI аср), Аҳмад Яссавий "Ҳикматлар" и (XI аср охири XII асрлар), Аҳмад Юғнакийнинг "Ҳибатул ҳақойиқ" (XII аср охири XIII асрлар), Хоразмийнинг "Муҳаббатнома", Қутбнинг "Хусрав ва Ширин", Рабғузийнинг "Қиссаси Рабғузий", "Наҳжул Фародис" (XIV аср), "Меъроҷнома" каби асарларни кўрсатиш мумкин.

Айниқса, XV асрнинг биринчи ярмида Лутфий, Атоий, Саккокий, Юсуф Амирий, Яқиний, Гадоийлар томонидан ривожлантирилган ва улуғ Навоий юксак чўққига олиб чиққан эски ўзбек тилимиз туфайли ўзбек адабиёти, фани, маданиятининг шуҳрати оламга ёйилди. XV асрда

1

Ўзбек адабий тили тарихи курсини ўрганишда тавсия қилинадиган адабиётлар рўйхатини қўлланма охирида келтирамиз.

Навоий ва унинг сафдошлари бошлаб берган адабий тил анъанаси то XIX асрнинг II ярмигача ўз мавқеини сақлаб, давом этиб келди.

## АДАБИЙ ТИЛ, УМУМХАЛҚ ТИЛИ ВА ШЕВАЛАР

Адабий тил тарихан шаклланган, сўз усталари томонидан қайта ишланган, сайқал берилган, меъёрий ва жамиятда киши фаолиятининг ҳамма соҳалари билан боғланган бадиий-публицистик, илмий адабиёт тилидир. Бошқача қилиб айтганда, адабий тил барча ўзбеклар учун намуна бўладиган, умумхалқ тилининг энг яхши ифодатимкониятлари мужассамланган тилдир.

Ҳозирги ўзбек адабий тили Ўзбекистон жумҳурияти ҳудудида яшайдиган ўзбекларнинг миллий тилидир. Ўзбекларнинг бир қисми Қорақалпоғистон, Туркманистон, Қозоғистон, Қирғизистон, Тоҷикистон жумҳуриятларида, Афғонистонда, Ўйғуристонда, Туркия ҳамда бошқа мамлакатларда яшайди.

Ўзбек адабий тили — ҳозирги миллий тил — умумхалқ тилининг энг юқори шакли.

Адабий тил — умумхалқ тилининг ёзма шакли. У ўз тарихини бизнинг замонамизгача етиб келган энг қадимги ёзма ёдгорликлар тилидан бошлиди.

Жонли тил — шева, лаҗжалар маълум ҳудуддаги аҳолининг сўзлашув тилидир. Бу тил ёзув билан таъминланмагани, маълум нормага туширилмагани, қоидалаштирилмагани, қўлланиш доирасининг чекланганлиги билан адабий тилимиздан фарқланади. Шундай қилиб, умумхалқ тилининг икки тармоғи бўлиб, улар адабий тил ва жонли тил (шева) кўринишидан иборат. Ўзбек тилининг кўпгина назарий ва амалий масалаларини ҳал қилиш бевосита шева ва лаҗжаларни ўрганиш билан боғлиқ.

Жонли тил — тарихий ёдгорлик. Шу боис, шеваларда сақланиб қолган айрим сўз ва шакллар ўзбек тили тарихи учун ишончли, муҳим манба ҳисобланади. Ўзбек шевалари адабий тилимиз таркибига кириб, унинг лугат бойлиги ва грамматик қурилишида бирлик ҳосил қиласди.

Адабий тил билан шевалар тўхтовсиз муносабатда бўлади. Адабий тил лаҗжа ва шеваларга таъсир этиб, уларнинг хусусиятларини яқинлаштириб борар экан, ўрни келганда, жонли тилдан озиқланиб, шевалардаги сўз ва иборалар ҳисобига бойиб боради.

Маълумки, айрим нарса ва ҳодисаларнинг номлари адабий тил ва луғатларда учрамайди, лекин лаъжа ва шеваларда мавжуд булади. Бундай вақтда уларни ҳеч иккilanмай адабий тилга киритишимиз керак. Масалан: *умган* — кўкрак, одам ва ҳайвонлар кўкси. Эски узбек тилида *өмгэн* — от кўкраги; *өр* — баландлик, тепалик. Хоразмийнинг "Муҳаббатнома" асарида *өр* сўзи баландлик маъносида ишлатилган:

Бўйурды өргэ шадырван урулды,  
қадаҳ қалтўрдиләр мажлис қурулды.

*Үчә* — орқа. Бу сўз эски ўзбек тилида орқа ва биқин гўшти маъносида ишлатилган: Одил подшоҳ қўзгу ва бу анинг учасидир (одил подшоҳ ойнакнинг бети бўлса, золим подшоҳ унинг орқаси — Навоий); *ғунчаси* — сатанг аёл, *ҷўрпа* — 1) чўчқа боласи; 2) майда болалар маъносида. Бу сўзни Навоий ҳам ишлатган. *Шилон* — турли масаллиқдан тайёрланган оммавий овқат; *текис* — чиройли (аёлларга нисбатан қўлланади); *асқатиши* — фойдаси тегиш; *арпабадиён* — укроп тури, анис (рус.); *қилиқ* — характер; *сирғалиқ* (Фарғ. тип шеваларда) — қулоқнинг пастки қисмидаги исирға осадиган ери (рус. мочка). Тошкент тип шеваларда *солинчоқ*; *узангилик* ёки *бебилчак* — осқининг юзи; *настарин* — сирень (рус.); *хомутоёқ* ёки *чатаноқ* — оёғини кериб юрадиган одам; *ўтиқ* — ўтадиган жой, *кечик* — сувнинг саёз еридан кечиб ўтадиган жой (XI аср ёдгорликларида бу сўз кўприк маъносида ҳам қўлланилган); *чўккала* — лаганбардор; *қаланғи* // *қаланғи* — кўпчилик орасида ўзини тута олмайдиган, енгил табиат, зиёфатларда тезда маст бўлиб қоладиган киши. Тошкент шевасида *қаланғи-қасанғи* тарзida қўлланади; *олим* — олинадиган нарса; *тўтра* (тўлта) — ёғ қўйқаси; *бертмоқ* (мертмоқ) — шикастланмоқ, лат емоқ; *қилчи* — сартарош (бу сўз Турди шеърларида ҳам учрайди); *чекенак* // *чекенай* — тирсак; *хоса* — юпқа оқ материал, дока, докапаранг ва ш. к. Хуллас, шеваларга, жонли сўзлашувга хос сўз ва атамлар адабий тилимиз луғатини бойитишда шак-шубҳасиз катта аҳамиятга эга.

Адабий тилимиз луғатларида учрамаган айрим сўз, атама ва ибораларни адабий тилга олиб кириб, уларнинг ҳуқуқини тиклашда, айниқса, ўзбек ёзувчиларидан Фиграт, Сўфизода, Абдулла Қодирий, Чўлпон, Ҳамза, Ойбек,

**Ғафур Ғулом, Абдулла Қаҳҳор сингариларнинг хизмати катта.**

Бундан бадиий асарларда ишлатилган ҳар бир диалектал сўз келгусида адабий тилда етакчи ўрин эгаллайди деган маъно англашилмаслиги керак. Диалектизмлар бадиий адабиёт учун услубий воситалардан биридир, холос. "Ёзувчи тилини ўрганиш биринчи даражадаги аҳамиятга молик илмий масала бўлиб, асар тилини ўрганиш асардаги воқеалар, ҳодисалар рўй берган давр тилини ҳам ўрганишдир", — деб ёзган эди академик Виноградов.

"Адабий тил" ва "бадиий адабиёт тили" атамалари бир-бирига яқин тушунчалар бўлиши билан бирга, ҳамма вақт ҳам мос тушмайди. Бадиий адабиёт тили умумхалқ тили тараққиёт қонунларига бўйсунади, матбуот тили ҳисобланган адабий тилга ва сўзлашув тили ҳисобланган жонли тилга асосланади. Қайсики, ёзувчи ҳаётий воқеаларни тасвирлаганда, образ яратганда, асосан, адабий тил ифода воситаларидан, жонли тилдаги шева шаклларидан, касб-ҳунарга хос атамалардан ҳам кенг фойдаланади. Бинобарин, бадиий адабиёт тили адабий тилга қараганда кенг қамровлидир.

## **ЎЗБЕК АДАБИЙ ТИЛИ ТАРИХИННИ ДАВРЛАШТИРИШ ҲАҚИДА**

Тил ижтимоий ҳодиса сифатида жамият тараққиётининг барча йўллари билан узлуксиз боғланган. Бу ўзбек адабий тили тарихини даврлаштиришда катта аҳамиятга эга.

Маълумки, ўзбек ҳалқи тарихининг қадимги даврлари яхши ўрганилмаган. Бу даврларда яратилган ёзув ёдгорликлари ва уларнинг тил хусусиятлари ҳам ҳозиғи фан талаби даражасида тадқиқ этилмаган. Шунинг учун қадимги ёзув анъанасига эга бўлган тил тарихини даврлаштириш масаласи анча мушкул. Туркшунослар таснифларининг турли-туманлиги ҳам фикримиз далилдир.

Адабий тил тарихини даврлаштиришда асосий сифат узгаришларини, хусусан, фонетика ва морфологияда содир булган ўзгаришларни ҳисобга олиш лозим бўлади. Қадимги ёдномалар қайси алифбо асосидаги ёзувда яратилган бўлиши ҳеч қандай аҳамиятга эга эмас.<sup>1</sup>

1

Абдуллаев Ф. Ўзбек тили тарихини даврлаштириш масаласига доир // ЎГА, 4, 1977.

Ўзбек адабий тили тарихини даврлаштиришда рус туркшунослари В. В. Радлов, Ф. Корш, А. Н. Самойлович, В. А. Богородицкий, С. Е. Малов, Н. А. Баскаковларнинг таснифлари катта аҳамият касб этади. Булардан айримларини намуна учун келтирамиз:

I. В. В. Радлов туркий тилларни тўрт гуруҳга бўлади.  
1. Шарқий гуруҳ (Сибирь татарлари тили). 2. Фарбий гуруҳ (қиргиз, қозоқ, бошқирд, татар тиллари...). 3. Ўрта Осиё гуруҳи (ўзбек, уйғур тиллари). 4. Жанубий гуруҳ (туркман, озарбайжон, турк, қирим татар тиллари).

II. А. Н. Самойлович Радлов ва Корш таснифларини бирлаштириб олади. I. Жануби-Шарқий ёки чигатой гуруҳига ҳозирги уйғур, ўзбек тилларини ва диалектларини киритади. 2. Жануби-Фарбий ёки ўғуз гуруҳига ўзбек тилининг ўғуз диалектларини киритади.

III. С. Е. Малов таснифидаги янги турк тиллари гуруҳи ўзбек, чигатой тилларидан таркиб топган.

IV. Н. А. Баскаков таснифида турк тилларининг Фарбий хун тармоғининг қарлуқ тиллари гуруҳига: а) қарлуқ-уйғур гуруҳи; б) қарлуқ-хоразм гуруҳи киради. Бунга қораҳоний-хоразм (Аҳмад Яссавий асарлари) тили, ҳозирги ўзбек тили ва диалектлари, ҳозирги уйғур тили ва диалектлари киритилган (бунда айрим лингвистик белгилар ҳисобга олинган).

V. В. А. Богородицкий (1921) таснифида Ўрта Осиё гуруҳига ўзбек, уйғур (таранчи диалекти), қозоқ, қиргиз, қорақалпоқ тилларини киритган (халқларнинг худудига қараб тузилган).

Юқоридагилардан Н. А. Баскаков таснифи туркий тилларнинг хусусиятларини ҳисобга олган ҳолда тузилган.

Ўзбек тили тарихини даврлаштириш масаласи, асосан, 1940 йилдан бошланди.

I. Теша Ҳаким ўғли Салимов 1940 йилда тузган "Ўзбек тили тарихи" дастурида тилимиз тарихини қўйидагича даврлаштирган:

1. Қадимги даврда Ўрта Осиё адабий тиллари (VIII асрдан XIV аср ярмигача).
2. XIV аср адабий тили.
3. XV — XVI асрларда адабий тил.
4. XVII — XIX асрларда адабий тил тараққиёти.
5. XIX асрнинг охири ва XX асрнинг бошларида ўзбек адабий тили.

6. Ўзбек адабий тили тараққиётида янги давр (ҳозирги замон ўзбек тили).

1948 йилда тузган "Ўзбек тили тарихи" дастурида:

1. Ўрта Осиёдаги қадимги тиллар ва ёзувлар (VIII асрдан XI асргача).

2. XI — XII асрларда қадимги турк адабий тили.

3. XIII — XIV асрлардаги адабий тил.

4. XV — XVI асрларда ўзбек адабий тили (темурийлар давридаги адабий тил).

5. XVII — XIX асрларда ўзбек адабий тили (мустамлака даврида ўзбек адабий тили).

6. Ҳозирги замон ўзбек адабий тили.

Ўзбек тили тарихини даврлаштиришга оид маҳсус ишлар 1950 йилда тилшунослик соҳасидаги мунозардан кейин юзага келди.

II. Фахри Камол 1952 йилда "Ўзбек миллий тилининг ташкил топиши ва тараққиёти" мақоласида тил тарихини қўйидаги босқичларга бўлади:

1-босқич — У асргача бўлган даврда уруғ-қабила характеристига эга бўлган тил; 2-босқич — V-XI асрларда халқ тили элементларига эга бўлган қабила тили; 3-босқич — XI — XII асрлардан Октябрь инқилобигача бўлган даврдаги миллий тил элементларига эга бўлган халқ тили; 4-босқич — Октябрь инқилобидан кейинги ҳозирги миллий тил.

Бу даврлаштиришда Фахри Камол тил тарихини халқ тарихи билан боғлаб ўрганишни олга сурса ҳам амалда бу даврлаштириш халқ тарихидан узилиб қолади.

Ф. Камол 1953 йилда "Ҳозирги замон ўзбек тили" рисоласида даврлаштиришнинг янги таснифини беради. Бунда ягона умумхалқ тилининг тараққиёт босқичлари ва турли ёзув тизимлари билан адабий тил алоқасини назарда тутиб, уч асосий даврга бўлади:

1. Қадимги турк адабий тили. 2. Эски ўзбек адабий тили. 3. Ҳозирги замон ўзбек адабий тили. Бу даврнинг ўзига хос хусусиятлари кўрсатилмайди.

III. Т. Салимов таснифи (1952). Бунда Т. Салимов ўзбек тили тарихини даврлаштиришда мезон сифатида ўзбек -туркӣ тилларида яратилган асарлар, тилшуносликдаги асарларни асос қилиб олган.

1-давр — XI асрдан XVIII асргача яшаб ижод қилган Маҳмуд Кошғарий, Алишер Навоий, Ибн Муханна, Мирза Маҳдикон каби туркшунослар фаолияти билан боғланади. 2-давр — XIX аср бошлиридан то XX аср чорагигача

бўлган даврлар бўлиб, бу даврни Т. Салимов қиёсий-тариҳий тилшуносликнинг, яъни тилларни қиёсий-тариҳий ўрганиш услубининг ривожланиши билан боғлайди. 3-давр — XX асрнинг биринчи чорагидан то 1950 йилгача бўлган давр бўлиб, бу даврни муаллиф академик Н. Я. Марр ва унинг издошларининг фаолиятлари билан боғлайди. 4-даврни эса тилшуносликка оид И. В. Сталин асарларининг яратилиши билан боғлайди.

IV. А. М. Шчербак таснифи (1953):

1. Энг қадимги давр ўзбек адабий тили (Х — XII асрлар).

2. Ўрта давр ўзбек адабий тили (XIУ — XҮI асрлар).

3. Янги давр ўзбек адабий тили (XҮII — XIX асрлар)

4. Энг янги давр ўзбек адабий тили (XIX аср охири ва XX аср бошлари).

V. Олим Усмон таснифи (1957):

1. Турк хоқонлиғи даврида қадимги тугю турк тили (VI — IX асрлар). (А. VI — VIII асрлар; Б. VIII — IX асрлар).

2. Қадимги ўзбек тили (IX — XII асрлар).

3. Эски ўзбек тилининг илк даври (XIII — XIV асрлар).

А. Шарқий адабий тил анъанаси ва унинг таъсири ("Ҳибатул ҳақойиқ", "Қисссасул анбиё", "Тафсир").

Б. Farбий адабий тил анъанасининг вужудга келиши ва унинг таъсир доираси ("Муҳаббатнома", "Хусрав ва Ширин").

4. Эски ўзбек тили (XIV асрнинг охиридан XIX аср II ярмигача).

5. Ҳозирги замон ўзбек адабий тили.

А. XIX асрнинг II ярмидан Октябрь инқилобигача булган давр ўзбек адабий тили.

Б. Ҳозирги давр ўзбек миллтий адабий тили.

VI. F. Абдураҳмонов, Ш. Шукуров таснифи (1973):

1. Энг қадимги туркий тил (VII асргача).

2. Қадимги туркий тил (VII асрдан XI асргача).

3. Эски туркий тил (XI асрдан XIII асргача).

4. Эски ўзбек адабий тили (XIV асрдан XIX асргача).

5. Ҳозирги замон ўзбек адабий тили.

VII. У. Турсун, Б. Ўринбоев таснифи (1982):

I. Илк давр ўзбек ҳалқ тили (X асрдан XIV асрнинг ярмигача булган давр.)

II. Ўзбек халқ тилининг такомиллашиш даври (XIV асрнинг охиридан XIX асрнинг II ярмигача).

III. Миллий тил элементларининг пайдо бўлиши, шаклланиши ва ривожланиши давридаги узбек адабий тили (XIX асрнинг II ярмидан ҳозирги кунгача бўлган давр).

VIII. Э. Фозилов таснифи (1977):

A. Туркий тиллар учун муштарак бўлган обидалар — VI — X асрнинг биринчи чораги.

B. Эски туркий ёдномалар — IX — XII асрлар ("Қутадғу билиг", "Девону лугатит турк", "Ҳибатул ҳақойиқ").

I. Тарих олди ўзбек тили — XII — XIV асрлар (Манбалари: "Тафсир", Сайфи Саройи — "Гулистон бит-туркий", "Муҳаббатнома", "Хусрав ва Ширин", "Наҳжул фародис"...)

II. Илк ўзбек тили — XV — XVI асрлар (Манбалари: Сиди Аҳмад, Хўжандий, Атойи, Саккокий, Бобур, Навойй).

III. Ўрта ўзбек тили — XVII — XIX асрлар. (Манбалари: Ёқуб Чингий, Ҳоксор, Абулғозий...)

IV. Янги давр ўзбек тили — XX аср (Ҳамза ва унинг замондошлари — миллий ўзбек тилининг асосчилари).

IX. Ф. Абдуллаев таснифи (1977):

1. Туркий тиллар тарихининг энг қадимги даври (V — X асрлар).

2. XI — XIV асрлар:

а) биринчи босқич — "Қутадғу билиг", "Девону лугатит турк" — XI — XII асрлар.

б) иккинчи босқич — Ўрта Осиё, Қозоғистон, Волга буйларидаги кўплаб ёзув ёдгорликларини ўз ичига олади (XIII — XIV асрлар).

3. XV асрдан XIX асрнинг ярмигача бўлган давр ўзбек адабий тили.

4. XIX аср ярмидан XX асрнинг 20-йилларигача бўлган даврдаги ўзбек адабий тили.

1) XIX асрнинг II ярми ва XX асрнинг 20-йилларигача;

2) Ҳозирги замон ўзбек адабий тили.

Юқорида қайд этилган ўзбек тили тарихини даврлаштириш таснифлари тўлалигича ҳозирги талабга жавоб бермайди. Уларнинг кўпчилигида "эски ўзбек адабий тили" босқичи билан "эски туркий адабий тил" босқичи қориштириб юборилади. Ўзбек миллий адабий тили, 1905-1917 йиллардаги ўзбек адабий тили босқичлари ҳам турлича берилади.

Ўзбек адабий тили тарихини даврлаштиришда Ф. Абдуллаев, О. Усмон ва А. Шчербак таснифлари тил тараққиёти қонуниятларини ҳисобга олган ҳолда тузишган.

Биз ўзбек адабий тили тарихини даврлаштиришга оид таснифлардан фойдаланиб ва шу курсни уқитиш жараёнида тўплланган тажрибаларга асосланиб, қуйидагича даврлаштириш таснифини таклиф этамиз:

1. Энг қадимги туркӣ тил (V асрғача).
2. Қадимги туркӣ адабий тил (V—X асрлар).
3. Эски туркӣ адабий тил (XI асрдан XIV асрнинг ярмигача).
4. Эски ўзбек адабий тили (XIV асрнинг II ярмидан XX асрнинг бошларигача).
5. Ҳозирги ўзбек адабий тили.

## ЎЗБЕК АДАБИЙ ТИЛИНИНГ ШАКЛЛАНИШИДА БОШҚА СИСТЕМАДАГИ ТИЛЛАР ИШТИРОКИ

Ўзбек адабий тилининг тарихин тараққиёт даврига назар ташласак, ўзлашган сўз ва шакллар турли даврларда турлича ижтимоий сабаблар билан кириб келган. Ўзбек адабий тилининг луғат таркибидаги сўзлар тарихий шаклланиши жиҳатидан фақат туркӣ тилларга хос бўлмай, балки форс-тожик, араб, муғул, рус, уйғур тили орқали хитой тилидан кириб узлаштирилган сўзлардан иборатdir.

Жаҳонда ҳеч бир тил йўқки, унинг луғати фақат ўз сўзларидан ташкил топган бўлсин. Бошқа тиллардан олинган сўзлар ўша тилда ё ўз шаклини қандай бўлса, шундайлигича сақлайди, ёки унинг табиати, грамматик қурилиши, суз ясалиши, имло ва талаффуз қоидаларига уйғуналашади.

Ўзбек адабий тили ва шеваларига бошқа тиллардан кирган сўзлар ҳам сўзлашув тили, ҳам китобий тил орқали узлашган. Агар бу фикрни арабча сўзларга нисбатан қулласак, у вақтда адабий тилимизга арабча сўзлар купроқ китобий тил ва тожик-форс тили орқали, шунингдек, оғзаки нутқ орқали кириб узлашганини курамиз. Ўзбек шевалари луғат таркибига эса асосан оғзаки сўзлашув орқали кириб келган.

Айрим ўзлашган сўзлар тилимизга шу даражада сингиб кетганки, унинг қаиси тилдан кириб узлашганини аниқлаш жуда қийин. Масалан: ўзбек тилидаги лаб, павкар, гул, шоти, имло, феъл, синф, идора, дарс, шиша,

астойдил каби. Булардан лаб сузи асли ҳинд-европа тилиларига хос булиб, биз уни тожик тилидан узлашган деб юритиб келмоқдамиз. Солиштиринг: *лабиат*, *лабиализация*, *делабиализация*.

Қадимги туркий ёдгорликларда бу сўз урнида *тұтақ* // *дудақ* ишлатилган (*tum* + -*ak* ~ *dud* + -*aq*). Бунинг дудақ варианти ўгуз гуруҳига киравчи тиллар ва шеваларда ҳозир кенг қўлланади.

Эски ўзбек тилида *лаб*, *дудоқ* сўзлари билан бирга эр-*(и)* и сузи ҳам кенг ишлатилган.

*Навкар* сўзи барча луғатларда тожикча-форсча сўз деб изоҳланган. *Навкар* сўзи мӯғул тилининг қадимги сузларидан булиб, "аскар, хизматкор, мулозим, күёв жўралари" сингари маъноларда ишлатилади. Қиёсланг, *куевнавкар* < күёв + *навкар* — күёвни келиннинг ўйига кузатиб борувчи күёв жўралар; *Раис даға беги эмас, даға навкари* (Ойбек). В. Радлов *навкар* сўзини чигатой тилида ўртоқ, хизматчи, солдат, амалдор маъноларини билдирган деб изоҳлади (Рдл., III, 695).

Олтин сузи қадим зар (золото) маъносida туркча *ал* (қизил) ва хитойча *түн* // *түң* — мис сузларидан таркиб топган булиб, қизил мис маъносини билдирган. Қиёсланг, ўзбек тилининг Хоразм шеваларина *түнччи* // *түнгча* — мисдан ясалган кичикроқ чой қайнатадиган идиш. Олтин Ўрда сўзи таркибидаги *олтин* эса, *алтын* — олдинги, пастки, қуйидаги, қуийи паст текисликдаги маъноларини билдирувчи туркий сўздир. Лекин бу сўз ўз-ўзидан ўхашаш бўлгани учун уни "золотая орда" тарзида таржима қилиб қуллаб келгандар. Асли Қуийи ўрда — пастликка, қуйиликка жойлашган ўрда, қароргоҳ (бу шаҳарнинг ўзи ҳам Волганинг қуийи, паст қисмига ўринашган) номи билан юритилиши керак эди. Қиёсланг, Олтин ўрда — Сирдарё вилоятидаги қишлоқ номи.

Гул сўзи тожикча-форсча булиб, унинг туркчasi *чечакдир*. *Шоти* сўзи ўзбек тилига ўйғур тили орқали хитой тилидан ўтиб, Фарғона водийсидаги ҳамма шеваларда ишлатилади. *Имло*, *феъл*, *синф*, *идора*, *даре* сузлари арабчадан кирган. *Шиша* ва астойдил (< аз таге дил) сўзлари тожик-форс тилларидан узлашган.

Жавон — шкаф, комот-жавон (< хитойча *цзабань* < цза — ром, чорчўп + *башы* — тахта). Қиёсланг, ўйғур тилида *жаванг* — полка. Бу сўз ўйғур тили орқали хитой тилидан ўзлашган (*жаванг* > *жавон*) ва ш. к.

Ўзлашган сўзлар тилимизда товуш ва маъно жиҳатдан ўзгартирилиб қўлланиши ҳам мумкин. Масалан: *саржин*—узунлик ўлчови русча *сажень* (2—2,5 метрга тенг); *патнус*—русча *поднос*; *дармон* ўзбек тилида, асосан, куч-қувват маъносида, шунингдек, дори ва кўчма мадад, таянч маъноларида ишлатилади. Тожика —дори ва кўчма маънода; *бедов* (бедов от) — арабча бадавий; *Ахмар* — киши исми, арабча — қизил. *Бария* — аёллар исми, арабча *барийя* — чўл, саҳро, биёбон ва ш. к.<sup>1</sup>

Ўзлашган сўзларнинг маълум қисми давр ўтиши билан ўрнини бошқа сўзларга беради ва муайян тил луғатидан архаик ёки тарихий сўз сифатида чиқиб кетади. Масалан, илм-фанга оид жуда кўп арабча атамалар 1940 йилгача "интернационал" атамалар билан алмаштирилди. Бу ҳаракат 1989 йилгача, яъни ўзбек тилига давлат мақоми берилгунга қадар тез суръатлар билан давом этди. Ўзбекча сўз ва атамаларни алмаштириш масаласига, хусусан, руслаштиришга ижобий масала, прогресс деб қаралган бўлса ҳам, аслида тилимиз табиатини йўқотишга, унинг ўзлигини унудишига яқинлаштириб қўйилган эди.

Ўзбекистон жумҳурияти давлат тили ҳақидаги қонуннинг 19-моддасида: "Ўзбек халқининг илм-фан тилини такомиллаштириш учун ўзбек тилида илмий-техник ҳамда ижтимоий-сиёсий атамаларни яратиш ва ривожлантириш таъминланади", — дейилган.

Кейинги пайтларда жумҳуриятимизда чиқадиган рўзнома, ҳафталик, ойномаларда, радио ва ойнаижаҳонда сўз, атама ва ибораларни қўллашда ҳар хиллик, бошбошдоқлик юз бермоқда. Шу билан бирга, сўз қўллашга бағищланган мақолаларда ҳам бир-бирига зид фикрлар айтилмоқда. Қувонарлиси шуки, кўпчилик мақола муаллифлари тилимизнинг табиатини ҳисобга олган ҳолда иш тутмоқдалар.

Сўз ва атамалар ишлатиш эркин бўлиши керак. Яқин-яқингача *домла* — ўқитувчи маъносида, *фаол* — актив, *талаоба* — студент, *хонадон* — квартира, *бекат* — станция, остановка; *режа* — план, *фоиз* — процент, *таомнома* — меню, *тасрифнома* — визитная карточка, *бадан-*

1

Абдуллаев Ф. Ўзбек тили лексикасининг баъзи бир масалаларига доир. Тил ва адабиёт институти асрлари. Тошкент, 1949, 80-102-б; Шоабдураҳмонов Ш. Ўзбек адабий тили ва ўзбек халқ шевалари. Тошкент, 1962, 213-220-б; Ҳозирги ўзбек адабий тили. I, Тошкент, 1966, 172-173-б; Ўзбек тили лексикологияси (тўплам). Тошкент, "Фан", 1981, 94-ва ундан кейинги бетлар.

*тарбия* — физкультура, *дорилфунун* каби сўзларни ишлатишга қаршилик қилиб келинди.

Ўзбек адабий тили лугат таркибидаги ўзлаштирилган сўзларни тахминан қуйидаги гурӯҳларга бўлиш мумкин:

1. Тожикча сўзлар
2. Арабча сўзлар
3. Мўғулча сўзлар.
4. Хитойча сўзлар.
5. Русча-европача сўзлар.

### ТОЖИКЧА СЎЗЛАР

Ўзбек ва тожик халқлари жуда узоқ даврлардан бери ёнма-ён яшаб, бир-бирлари билан иқтисодий-ижтимоий ва маданий муносабатда бўлиб келмоқда. Улар ўтмишда биргаликда йирик қурилиш иншоотларини яратганлар, душманларга қарши жанг қилганлар, оиласвий ҳаёт ке-чирганлар ва маданий ёдгорликлардан ҳамкорликда фойдаланганлар.

Б. Ф. Гафуровнинг ёзишича, ўзбек ва тожик халқлари ўртасидаги яқинлик милодий ЎІ асрдан бошланган.<sup>1</sup>

Икки халқ ўртасидаги бу ижтимоий алоқалар бизнинг давримизда янада мустаҳкамланди.

Ўзбек ва тожик халқлари ўртасидаги ўзаро ҳамкорлик ва яқинлик уларнинг тилларига таъсир этмай қолмади. Натижада тожик тилидан ўзбек тилига кўпгина сўз, сўз шакллари ва турли иборалар ўтиб ўзлашади. Шу билан бирга ўзбек тилидан тожик тили ва унинг шеваларига ҳам анча сўз ва иборалар, аффикслар кириб келган.

Ўзбек тилининг лугат таркибида майший ҳаёт, касб-хунар, адабиёт-санъат, ҳайвонот дунёси, ўсимликлар, қишлоқ хўжалиги, табиат ҳодисалари, вақт, масофа, ўрин-жой ва бошқа соҳаларга оид тожикча сўзлар учрайди.

Қуйидаги мисолларни солиштиринг.

Тожик тилида	Ўзбек тилида
анор	анор
баҳор	баҳор, кўклам
ожиз	ожиз, кўр, кучсиз
лозими	лозим, иштон

<sup>1</sup> Гафуров Б. Г. История таджикского народа. М., 1952, С. 99-110.

<i>Тожик тилида</i>	<i>Ўзбек тилида</i>
олуфта	олифта
лаган	лаган, тавоқ
пойгаҳ	пойгак
пайпок	пайпок
чалчик	чалчик, туриб қолган лойқа сув
чапғалат	шамгалат
арzon	арzon
бодом	бодом
дастархон	дастурхон
гулқанд	гулқанд, гул мураббоси
себ	одма (пахта себ)
зардоб	зардоб
сабзазор	кўкаламзор, сабзазор
марғузор	марғузор, утлок
дегча	декча, қозонча
навruz	навruz, янги кун
тезоб	тезоб, озот кислотаси, тез
устокор	уста, айёр
пардоз	пардоз
хоҳпш	хоҳиш
хазон	хазон
шўр	шўр, тузли, нордон
боло	баланд
гапхўр	гап ёювчи
акка	акка, загизгон
хунук	хунук, совук
зиёд	зиёд (куп, ортиқ), киши исми
кабуд	кўк (чойи кабут)
муйчинак	мўйчинак
кулұла	кулала, юмалок, ғужанак
чорво (чаҳор + по)	чорва, чорва мудири
гардан	гарлон, бўйин

**Юқоридаги** тожикча сузлар, асосан, от туркумига, қисман сифат, равиш ви сон туркumlарига оид бўлиб, улар узбек тили луғатига кириб, урнашаб қолган.

Маълумки, IX аср охирига келиб, Ўрта Осиёда араблар ҳукмронлиги сусая бошлади. Ана шу даврда пойтахти Бухоро бўлган сомонийлар давлати барпо бўлади. Сомонийлар давлатининг подшоҳи И smoил Аҳмад Сомоний (874-907) ва унинг авлодлари 999 йилгача ҳукмронлик қиласидар. Бу даврда тожик-форс адабиёти ривожланади. Тожик-форс элат адабий тили ҳам шаклланиб, мамлакатнинг расмий тилига, шеърият тилига айланниб, шуҳрат топган эди. Тожик-форс адабий тили билан бир қаторда илм-фан тили бўлмиш араб тили кенг тарқалган эди. Дарий қабила диалекти негизида шаклланган тожик-форс элат адабий тили сомонийлар давлатига қарашли бўлган Мовароуннаҳр, Афғонистон ва Эрон худудидаги ҳалқларнинг адабий тили булиб мустаҳкам урнашган эди. Проф. Н. М. Малласев бу ҳақда қўйидагича маълумот беради: "Бу територияда давлат тили ва адабий тил дарий тили эди. Фазнавийлар ва салжуқийлар аслида туркий қабила-лардан бўлсалар ҳам, улар сомонийлар традициясининг изидан бориб, дарий тилини давлат тили ва адабий тил сифатида қабул қиласидар. Улар босиб олган ўлкаларига, жумладан, Кавказ (Аррон, Ширвон ва қисман Грузия ҳамда Арманистон) га ва Ҳиндистоннинг шимолий районларига дарий тилини давлат тили ва адабий тил сифатида олиб кирди.ар. Улар қарам қилинган ўлка ҳалқларининг адабий тили таракқиётига тўсқинлик қиласидар. Масалан, салжуқий подшоҳлари ва уларнинг вассаллари Озарбайжонда шундай сиессат юргизган эдилар. Шунинг учун ҳам улғоз озарбайжон шоири Низомий Ганжавий "Лайли ва Мажнун" достонининг муқаддимасида уз асарларини она тилида — озарбайжон тилида ёзолмай, форс тилида ёзишга мажбур бўлганини ачиниш билан таъкидлаган эди".

Шундай қилиб, тожик-форс тили X—XV асрларда жуда кўп элатларнинг муштарак адабий тили булиб хизмат қилиб келган.

Ҳатто улуғ Навоий яшаган даврда — Хурсонда ҳам дастлаб тожик-форс аниъанаси кучли эди.

Ўзбек адабий тилига тожик-форс тилидан кирган сузлар миқдори мумтоз адабиетимиз номояндалари асарларида ўзига хосдир. Масалан, Навоий асарларида купроқ,

Бобур, Муҳаммад Солиҳ, Ҳожа, Мажлисий, Абулғози Баҳодирхон асарларида нисбатан оз. Лутфий, Саккокий, Атойи каби Навоий зомондошларининг асарларида ҳам узлашган сўзлар ўз қатламга нисбатан оздир.

Тожикча сўз ва шаклларнинг ишлатилишида маълум услубий мақсад ва ўзича ижтимоий сабаблар бўлган булиши мумкин. Масалан, Навоий туркий ном билан аталган эски ўзбек тилини тожик тили даражасидаги адабий тилга тенглаштиришни мақсад қилиб қўйган эди. У ўзининг "Хамса", "Чор девон", "Мажолисун нафонс", "Мезонул авzon", "Маҳбубул қулуб", "Муҳокаматул лугатайн" ва ш. к. ўттиздан ортиқ асарлари билан ўзбек адабиёти ва ўзбек адабий тилининг шуҳратини жаҳонга ёйди. Хўш, Навоий бу асарларини ёзишда адабий тилни қайси манбалар ҳисобига бойитди? Таниқли навоийшунос Алибек Рустамовнинг фикрича, Навоий энг кўп фойдаланган ва энг бой манба туркий лаҳжалар бўлди. Иккинчи манба илмий рисолалар ва ўша давр зиёлиларининг оғзаки нутқи. Навоий асарларида учрайдиган тожикча ва арабча сўзлар Навоий давридаги зиёлилар тилида мавжуд бўлган деб тахмин қиласа бўлади. Чунки, оғзаки тилда ишлатил маслиги аниқ бўлган ўзга тил элементлари Навоий тилида ҳам учрамайди. Туркий лаҳжалардаги лугавий ва грамматик элементлар Навоий асарларида чегараланмаган ҳолда, тожик ва араб тилларига оид элементлар чегаралган ҳолда ўтган дейиш мумкин.

Навоий асарларида тожикча сўз ва ибораларнинг ҳаддан зиёд мўллигини Хурросон элининг икки тиллилиги билан ҳам изоҳлаш мумкин. Навоийнинг ёзишича: "... туркнинг каттадан кичигигача, хизматкоридан бегигача сарт (тожик-форс) тилидан баҳрамандирлар. Шундайки, ўз тирикчиликларига оид аҳволлар устида сўзлаша олурлар, балки баъзилари адабий равишда сўзлаша олурлар. Ҳаттоқи, турк шоирлари форсий тилда рангдор шеърлар ва ширин ҳикоялар юзага чиқара олурлар". Бунга ўхшаш хусусиятлар ҳозир жумҳуриятимизнинг баъзи шаҳар ва қишлоқларида ҳам кузатилади. Масалан, Бухоро, Самарқанд, Чуст, Косонсой, Риштон аҳолиси икки тилда бамалол сўзлаша олади.

---

Алишер Навоий. Муҳокаматул лугатайн. Тошкент. 1940, 46-б. (лотин алифбосида).

Бадиий ижоддаги икки тиллилик масаласи эса XIX асрдан то XX асрғача давом этиб келди. Машҳур "Муҳаббатнома" достонининг муаллифи Хоразмийдан то Ҳамза, Фитрат, Айний, Аширматгача бўлган ёзувчилар икки тилда ижод этганлар.

Тожик тилидан кирган сўзларнинг муайян қисми тилимизга шу даража сингиб кетганки, улар янги сўзлар ясашда ҳам иштирок этади ва ўзбекча шакллар қаторида қўлланаверади. Масалан: *йўл + a + ки - йўлаки*; *йўлаки зиёфат* (йўл устидаги, енгил зиёфат). Қиёсланг, тожик тилида *роҳаки* (роҳ + аки); *декча* — қозончада шавла қилибди (тож. *дег + узб - ча*); Тож. *бардор* — бардор — ўзб. *кўтар*: *Ноз қил бардорингга, кўтарса харидорингга* (мақол) ва ш. к.

Шунингдек, тожикча: *-хона, -парвар, -фуруш, -истон* (-стон), *-параст, -хон, -паз, -бон, -боз, -дўз, -гоҳ, -бон, -он* (равон), *-шунос, -ваш* (маҳваш), *-ор* (харидор), *-вачча, -поя, -соз* каби морфемали сўзлар тилимизда кенг қўлланади.

Эски ва ҳозирги адабий тилимизда тожикча изофалар ҳам сақланган: *Себи Самарқанд дерлар ва аюри Хўжанд дерлар* (Бобур); *Кулдиради ҳалқни иши Майсара* (Чустий); *гултожихўроз, гулибеор, Тарафи бозор, Богишамол, Мозори кўхна* (жой номлари).

Ўзбек (туркий) тилдан ҳам тожик-форс тилига узоқ вақтлаудан бери кўпгина сўз, морфема ва иборалар ўзлашган: *тагин*-шаҳзода, жасур (Фирдавсий "Шоҳнома" сида учрайди); *чорўқ* (< сагоқ)— чориқ, оёқ кийими; *сумак* (< somaq); *қорақат* (барбарис); *тўп* — тўп (пушка); *туфанг* — милтиқ; *қушун* — қўшин; *сочма* — сочма (дробь); *қўндоқ* (приклад); *хатер* (< қатыр) — хачир; *сахлов* — гарнizon; *юзбоши* (сотник); *тўшак* — тушак; *элак* — элак; *тугма* — тугма; *қошуқ* — қошиқ; *қайчи* — қайчи; *дўлма* — дўлма; *қаймоқ* — қаймоқ; *ёрлиқ* — подшоҳ ёрлиги; *яsavул, хотун* — малика; *аёқчи* — соқий; *безак* — безак; *кўчак* — кичик; *ғаз* — ғоз; *қотирма* — қотирма; *қапичи* — швейцар; *суртма* — чана;<sup>1</sup> Ёки Алишер Навоий "Муҳокаматул луғатайн" датаъкидашича, *тўппи, ёғлиқ, қалпоқ, терлик, бўза, совлиқ, явош* — ёвош, елка, қирор, *арғамчи* — арқон, *қимиз, тутмоч, умоч, кўмоч, талқон* ва ш. к. сўзлар сарт тилида булмагани учун уларни туркча атаганлар.

1

Пейсиков Л. С. Лексикология современного персидского языка. М., 1975. С.46-49.

## АРАБЧА СҮЗЛАР

Ўзбек адабий тили лугат таркибида араб тилидан узлашган сўзлар ҳам мавжуд. Бу сузларнинг ўзлашув жарасни арабларнинг истилочилик ҳаракатлари билан боғлиқ.

Араблар VII асрнинг иккинчи ярми ва VIII асрда Ўрта Осиёни босиб олганларидан кейин ерти аҳолига мажбуран ислом динини қабул қилдирганилар. Ислом билан бирга араб ёзуви ҳам оммалаша бошлаган. Мактаб, мадраса, диний ва идора ишларида араб тилининг мавқеи кучайди. Ана шу жаҳатдан сендашсак, арабча суз, шакл ва иборалар ўзбек адабий тилига китобий тил ва қисман сузлашув тили орқали ҳам ўзлашган.

Араблар Ўрта Осиёга келганларидан кейин бу ердаги маҳаллий турк руний, уйғур, хоразмий, сүғд ёзувларини сиқиб чиқарди ва уларнинг урнига араб ёзуви ишлатила бошлади. Бу араб тили ва ёзувининг таъсир доирасини янада кенгайтириб юборади. Маданий даврияси жиҳатдан араблардан анча юқори бўлган Ўрта Осиё халқлари уз адабиёти ва маданиятларини араблар таъсирида давом эттиришга мажбур булганлар. Араб тили илм-фан тилига айланди. Хоразмий, Абу Райхон Беруний, Фаробий, Ибн Сино, Маҳмуд Кошғарий каби олимлар ўз асарларини ана шу тилда ёздилар.<sup>1</sup>

Алишер Навоий "Муҳокаматул лугатайн" асарида араб тилининг хусусиятларини қўйидагича таърифлаган эди: "Бу тилларнинг барчасидан араб тили нағислик билан ажralган ва бадиийлик безаги билан мұъжиза кўрсатувчандирки, бунда ҳеч бир тил аҳлларининг даъвоси йуқ...".<sup>2</sup>

Араб тили сомий тилларининг жанубий шаҳобчасига киради. Бу тилда сўзлашувчи халқлар Миср, Сурия, Ироқ, Ливан, Тунис, Ливия, Жазоир, Саудия Арабистони, Судан, Яман, Марокаш каби мамлакатларда яшайди. Тарихий жиҳатдан араб тили уч даврга бўлинади: 1) қадимги араб тили; 2) классик араб тили; 3) янги араб тили.

<sup>1</sup> Араб тили билан бирга XIII асрларгача қадимги хоразм тили (Эроний тил) оғзаки ва ёзма шаклларда қулланиб келганилиги ҳақида маълумотлар бор. Қаранг: Фрейман А. А. Хорезмийский язык. Материалы и исследования. М.—Л., 1951, С. 8.

<sup>2</sup>

Алишер Навоий. Муҳокаматул лугатайн. Ўша нашри. 44-б.

Ўрта Осиё халқлари тилларига таъсир қилған классик араб тилининг энг ривожланган даври VII — IX асрлар булиб, бу тилда жуда күп илмий, бадиий асарлар яратилган. Лекин ҳозир бу тил истеъмолдан чиққан.

„...Европада лотин тили бир вақтлар халқаро тил, илм-фан тили булганидек, араб тили ҳам Осиёда уч юз йил давомида шунга ухшаш мавқеда бўлган. Бунда ўзбек ва тожик олимлари, ёзувчиларининг роли жуда каттадир...

Агар тожикча сузлар узбек тилига сўзлашув тили орқали, адабиёт орқали в. б. йуллар билан кирган бўлса, араб сўзлари, биринчидан, китоб, мадраса, дин орқали, иккинчидан, тожик тили орқали кирган<sup>1</sup>. Айрим мутахассисларнинг факрича, ҳозирги ўзбек адабий тилида арабча сузлар бундан 20—25 йил илгари лугат таркибининг 13% дан 20% гача булган миқдорини ташкил этган.

Ўзбек тилида ишлатиладиган арабча сўзлар турли соҳаларга оид бўлиб, булар ҳам тожик тилидан ўзлашган сузлар каби фонетик, морфологик ва семантик жиҳатдан ўзбек тилига мослашган ҳолда қулланади. Масалан, **ع**-айн товуши сўз бошида ўз хусусиятини йўқотади. Адабий тилимиизда (имлода) фақат иккита суздагина шу ҳолатда ҳ говушига ўтган: **ل**-ҳайит, **ل**-ҳасса;

**ع** — айн суз охирида *и*; э (*e*)га мойил айтилади, лекин ҳозирги имло қоидасини биноан айриши (ъ) белгиси ёзилмайди: **ع** — моне, **ع** — тобе;

**ع** — "a" унлисидан кейин келганда, шу унли чўзиқроқ талаффуз қилинади ва чўзиқлик ҳозирги имломизда айриши (ъ) белгиси билан берилади: **ع** — таъна, **ع** — маъно, **ع** — яъни; сўз ўргасида икки ундош қават келиб, унинг кейингиси **ع** — айн бўлса, ҳозирги ёзувда тушиб қолади: **ع** — шам, **ع** — наф, **ع** — жам каби.

Баъзи арабча сўзлар узбек адабий тили ва унинг шеваларида ўз асл маъносида қўлланиши билан бирга, маъноси кенгайган, торайган ва ўзгарган ҳолда ҳам учрайди. Масалан, **فاسول** сўзи араб тили ва унинг диалектларида, умуман "юувчи, тозаловчи" маъноларида ишлатилади; идёҳум **فاسولىنىن** — улар қўлларини ювишиди каби.<sup>2</sup> Наманган шевасида эса **فاسول** ( // фоссол)

1

Усмонов С. Ўзбек тилининг лугат составида тожикча-форсча ва арабча сўзлар. Навоийга армугон" (Туплам). Тошкент, "Фан", 1968, 123-б.

2

Винников И. Н. Словарь диалекта бухарских арабов. Палестинский сборник, вып. 10 (73), М. — Л. 1962, С. 152.

сўзи фақат "ўлик юувчи" (Тошкент шевасида йўғучи) маъносини билдиради.

Арабча сўзларнинг айрим фонетик ва грамматик белгилари марҳум профессор С. Усмоновнинг "Ўзбек тилининг лугат составида тоҷикча-форсча ва арабча сўзлар" мақоласида изчил ёритилган<sup>1</sup>.

Ўзбек тилининг лугат таркибида шундай сўзлар ҳам учрайдики, уларни қайси тилга тааллуқли эканини айтиш мушкул. Бу сўзларнинг таркиби ўзбекча + арабча, арабча + тоҷикча, арабча + ўзбекча, арабча + тоҷикча + ўзбекча, тоҷикча + тоҷикча + арабча ёки унинг аксича тузилганини кўрамиз. Масалан: *атирнок* (ар. *атир* + ўзб. *нок*), *учтaloқ* (ўзб. *уч* + ар. *تالوқ*), *касалванд* (ар. *касал* + тож. *-ванд*), *дуогўй* (ар. *دُوْغُويْ*), *димоғдорлик* (ар. *دِمَوْغْ* + тож. *-дор* + ўзб. *лик*), *соатсоз* (ар. *صَاعِدَة* + тож. *соз*), *ҳасибхўр* (ар. *حَسِيب* + тож. *хўр*), *улфатчилик* (ар. *عَلْفَات* + ўзб. *-чилик*), *бекарор* (тоҷ. *بے* + ар. *كَارَوْر*), *ғайрли* (ар. *غَيْرِيْ* + ўзб. *-ли*) ва ш. к.

### МЎГУЛЧА СЎЗЛАР

Ўзбек тилининг мўғул тили билан алоқаси жуда узоқ даврларга бориб тақалади. Ўзбек тилининг лугат таркибида XIII асртагача ва ундан кейин кириб ўзлашган мўғулча сўзлар мавжуд: *Нарын* < нариин ингичка, тор, юқа маъносидаги от; овқат номи. Бу сўз мўғулчадан ўтган. Солиштиринг: *Кўз ёшим бўлди мўғулнинг норини* (Бобур). *Норин дарёси* каби;

ўлтон — тагчарм, мол терисидан тайёрланган чарм: *Хом терини ийласанг ўлтон бўлур, Нафсини тийган одам сulton бўлур* (Мақол). Мўғул тилида ул — подошва, подметка; шина; полозъя саней, основание, базис, основа; основательно; блок шестерни (МРС, 102). Маҳмуд Кошварийда *улдақ* — қўй оёғи. *Ўрда* < ўр — баланд, тепалик, юқорилик; ўрда — баландликка қурилган сарой, қалъа, қароргоҳ. *Ўрдукент* < ўр+ду+кент — тепаликка жойлашган шаҳар.

*Навкар* — аскар, мулозим, хизматкор, куёв ўртоқлари маъноларида ишлатилади. Қиёсланг, куёв *навкарлари*; *Раис далабеги эмас, дага навカリ*; *улус* < мўғ. улс — эл, халқ, кишилар (XIII аср); қўл остидаги мамлакат ва ш.к.

<sup>1</sup>

Курсатилган тўплам, 125 — 127 - бетлар.

Туркий тиллар билан мӯгул тилининг келиб чиқишига назар ташласак, уларнинг қариндош тиллар эканлиги кўринади. Энг қадимги даврда ҳозирги туркий, мӯгул, тунгус-манжур тиллари олтой тили оиласи таркибиға кирган. Улар кўп сонли уруг, қабилалар иттифоқидан иборат бўлиб, бир-бирларига яқин лаҗжаларда сўзлашганлар. Олтой оиласига кирган тиллар гуруҳлари у вақтда ҳали умумий эди.

Тил тараққиётининг кейинги давларида туркий ва мӯгул тиллари ўзаро ажralиб алоҳида тараққий этганлар. Шунинг учун туркий ва мӯгул тиллари ўртасида айrim фонетик фарқларни ҳисобламаганда, бир-бирларига ўхшаш сўзлар анчагина бор. Буларни туркча-мӯгулча ёки мӯгулча-туркча сўзлар деб аташ мумкин. Ҳозирги ўзбек адабий тили лугат таркибидаги турли соҳаларга оид сўзлар билан мӯгулча сўзларни муқояса қилсак, юқоридаги фикримиз янада ойдинлашади.

<i>Ўзбек тилида</i>	<i>Мӯгул тилида</i>
ака	ах (а)
хотин	хатан
қуда	худ ( // қуда)
божа	баз
овсин	ависан
тойлок (бўталоқ)	тайлоқ
хўкиз	ухор
буқа	бух
бурундуқ	бурунтағ
ғунаҗин	ғунж
қўй	хонъ
эчки	ишиғ
арғимоқ	арғамак
така	тәх
қўчқор	хуц
бўй	бис
манглай	магнай
чирой	царай

<i>Ўзбек тилида</i>	<i>Муғул тилида</i>
суям	сөөм
қора	хар (а)
кўк	хөх
қурут, қурт	хуруд
бўсаға	босго
жайрон	ээзрон
йўлбарс	барс
буғдой	буудай
арпа	арвой
қорамуқ (чечевица)	хармаг
тегирмон	тээрэм
муз	мөс
булоқ	булаг
денгиз	тэнэс
тузон	тоосон
чоғ	цаг
эрта	эрт

### ХИТОЙЧА СҮЗЛАР

Ўзбек адабий тили лугат таркибида уйғур тили орқали хитой тилидан ўзлашган сузлар ҳам учрайди.

Тарихий манбалардан маълумки, ўзбек ва уйғур халқлари тилларининг ташкил топиш жараёни кўп жиҳатдан бир-бирларига ухшайди. Ана шу нуқтаи назардан қараганимизда, бошқа туркий тилларга нисбатан, тил хусусиятларига кура ўзбек ва уйғур тиллари жуда яқин туради. Чунки бу икки тил элат тиллари бўлиб шакланишида бир манба — қарфуқ қабилалар уюшмаси тили — лаҳжаси асос бўлган эди. Буни ҳозирги узбек адабий тили, хусусан, "уигурлашган" — "умлаутли" шевалар материаллари ҳам тасдиқланди. Академик К. К. Юдахин: "Ўзбек ва уйғур халқи орасидаги маданий алоқалар бизга қадим замонлардан маълум. Бу масала маҳсус адабиётларда бир неча марта қайд этилган. Қадимги турк адабиёти ёдгорлиги "Қутадғу билиғ" нинг (XI аср) фанда

машхур бўлган уч қўлзесмасидан бири Наманганда топилган... Наманганлик Машраб (XVIII аср) асарлари ўзбеклар орасида тарқалгани каби уйғурлар орасида ҳам қенг кўламда тарқалган эди. Ҳозир ҳам уйғурлар Эргаштوم билан Қашқар йўлидаги девонни Машраб номи билан атайдилар. ... Ўзбеклар ва уйғурлар орасидаги бой маданий алоқа ва умумийликни кўрсатувчи мисолларни кўплаб келтириш мумкин", — деб ёзган эди<sup>1</sup>.

Уйғур тили орқали хитой тилидан ўзлашган барча сўзлар ўзбек адабий тили ва шеваларида қўлланади. Масалан: *басай* — овқатга солинадиган кўкат тури. Хитой тилида *байцай* — кўкат, карам (*бай* — оқ, *цай* — кўкат, сабзавот). Бу сўз уйғур тилида *бәсәй* шаклида ишлатилиди. Қиёсланг, *Дятда басар* — тог саримсоқ пиёзи.

*Сай* — турпдан тайёрланган салат: *Сайни жуда боллади*. Уйғур тилида: 1) карам ва қисман гўшт аралаштириб тайёрланган салат; 2) умуман кўкатлардан тайёрланган газак. Яна қиёсланг, уйғур тилида: *сәй самса* — кўк сомса; *сәйхина* — сабзавот сақланадиган омбор (хит. *цай* — тож. хона).

*Жусай* — хушбўй, овқатга соладиган ва гарнир тарзида истеъмол қилинадиган кўкат. Қиёсланг, уйғур тилида *жүсәй* — хушбўй пиёз; *Лағман* — хамирни чўзиб ёки узун ингичкароқ кесиб тайёрланган, юзига қайла солиб ёниладиган хамир овқат тури. Қиёсланг, уйғур тилида *ләімән* — хитойча *лянмянь*, *лян* — совуқ, *мянь* — угра, хамир. Буни айрим манбаларда тунгон уграси, гўштили угра ҳам дейилади.

*Шиман* — хамири юқа кесилган лағмон. Қиёсланг, уйғур тилида *шимән*. Хитойча *Симянь* (си — юқа, *мянь* — кесилган хамир, угра); *манти* — хамир орасига гўшт ёки қовоқ (баъзан картошка) солиб, туғиб парда пиширилган овқат. Уйғур тилида *манта*, хитойча *маньтоу*. Лугатларда "*манти*" сўзи крупные пельмени, вареные на пару — деб изоҳланади. Қиёсланг, *мантипаз*, *мантичи*, *манти қасқон*.

*Манпар* — хамирни тасмага ўхшатиб кесилиб, *сўнг* узуб шурвасига солиб тайёрланадиган хамир овқат тури. Қиёсланг, уйғур тилида *мәңдер*, хитойча *манпээ*. *Хоршап* — хамир орасига қийма, қовоқ, картошка солиб, ўраб ефда ва баъзан парда пишириладиган овқат тури. Уйғур

<sup>1</sup> Юдихин К. К. Ўзбек ва уйғур халқлари тилларидаги яқинлик. // ЎТАМ, 1, 1958, 31 - б.

**тилида хошан**, хитойча **хошан** — блины с мясом. Буни бизда қўпинча **хоним** дейилади. **Юто-ютоза**, хамирни ёйиб, ёғ суртиб воронка шаклига келтириб, парда пишириладиган овқат. Уйғур тилида жутаза, хитойча **ютацзы** (*ю* — ёғ, *та* — баланд, минора). Лугатларда **ютаза** — слоеный хлеб, выпекаемый на пару деб изоҳланган.

**Чой**. Хитойча *са*, *ча* — чой. Қиёсланг, чафанд (ча — чой, фан — уй, хона) — чойхона.

**Шийпон** — далада дам оладиган усти ёпиқ жой (шалаш, беседка). Уйғур тилида **шипаң**, *ши:* *пан*. Хитойча **сифан** (*си* — бўйра, қамиш, *фан* — уй, хона) — устига қамиш ёки бўйра ёпилган уй, чайла.

**Лаза** — янчилган гаримдорини ёқقا қориб тайёрланган паста. Уйғур тилида **лаза** — қизил гаримдори. Хитой тилида **лацзы**. Қиёсланг, уйғур тилида **лазижан** — гаримдори пастаси; **лазидан** — гаримдори идиш.

**Таван** — патнус, баркаш маъносида. Хитой тилида *то-панъ* (*то* — патнус, *панъ* — тарелка). Уйғур тилида *тэвәк*, *пәтмус* тарзида қўлланади. Қиёсланг, Тошкент шевасида: *Нима таван қиб борас* — (тўй каби маросимларга) нима пишириқ қиласиз маъносида. Демак **таван** сўзи адабий тилда ва шеваларда **патнус**, **баркаш**, тоғорада маросимларга олиб бориладиган пишириқ маъносида ишлатилади. Қиёсланг, **таванхона**.

**Занг** — занг урди, Уйғур тилида: **җаң** чалмақ. Бу сўз хитойча **чжан** — қўнғироқ, бонг маъноларидағи сўзлардан олинган. Қиёсланг, уйғурча **жанчи** — қўнғироқ чалувчи (занг урувчи). Бу сўз **чжан + -чи** тарзида ҳосил бўлган.

**Жавон** — шкаф, комод. **Жавончи** — жавон ясадиган уста, дурадгор. Уйғур тилида **жаван** — токча, шкаф; **жаванчи** — жавон ясовчи. Хитойча 1) **цзябань** — (цзя — рама, бانь — доска); 2) **цзябань** — (цзя — сжимать, бань — доска). Уйғур тилида **жаван** — хомутнинг ёғоч қисми, клешня маъносида ҳам қўлланади.

**Жимбил** — манти пишириш учун маҳсус тайёрланган темир решетка (манти қасқон ичидагини ҳам шундай дейилади. Қиёсланг, уйғур тилида **жимбил**.

**Пўпуса** — дўқ, қўрқитиш, юзаки дағдаға. Қиёсланг, уйғур тилида *попуз* 1) дўқ уриш, қўрқитиш, товлаш; 2) жанжал кутариш. Яна қиёсланг, *попузачи* — жанжалкаш.

**Чўтал** — (хитойча *чота*) — чўтал; қимар, карта ўйинларида ютган томондан олинадиган пул, улуш (про-

цент олиш). Уйгур тилида *чота*, *чотучи* — чұтал олувчи. Қиёсланг, ўзбекча *чұтальчи* — қиморда ютуқдан процент олувчи.

Чийлаш, чийламоқ — ўйн картасини аралаштироқ: Картани яхшилаб чийлаб юборинг. Қиёсланг, уйгур тилида *шилимақ* // *чилимақ* — аралаштироқ: хитой тилида *си* — картани аралаштириш.

Шон — этикдўз шони (сапожный клин). Уйгур тилида *шан*; хитойча *шан*.

Жоди — беда, бичан, сомон қирқадиган махсус асбоб. Қиёсланг, Faфур Гуломда:

Беда тамаъида  
Бўйинни чузиб  
Боши жоди ичра қолган  
Эшакдай —  
Манфур, чинқироқ  
Овозингни радиодай  
Ҳамма эшитди  
(“Мен яҳудий” шеъридан).

Уйгур тилида җаду. Хитой тилида бу сўз асли ҷадао (чжа — қирқмоқ, дао — пичноқ)

Жужунча — уст кийим учун 70-йилларгача кенг ишлатилиб келинган қалинроқ, оқ-сарғиш рангдаги ипак газлама: *Хитой жужунчаси*: жужун камзул; жужун шим каби. Қиёсланг; уйгур тилида чочунча.

Шоти — нарвон. Бу суз хитойча *шатанг* сўзидан олинган бўлиб, Фаргона водийсидаги деярли барча шеваларда *шоти*, *шоти*, шўти каби шаклларда кенг қўлланади.

Тай-тай — 1) болаларнинг дастлабки қадам босиши, юриш; шу юриш пайтида айтиладиган сўз: *тай-тай*, *тай-тай қизинг* каби. Қиёсланг, хитой тилида *тайтай*; уйгур тилида *тәйтәйләтип* манғузмақ — болаларни қўлидан ушлаб юргизмоқ.

2) *тайтай* сўзи хитой тилида (уйгурлар тилида ҳам) хоним, бека маъноларида ҳам ишлатилади.<sup>1</sup>

Эслатма: 20-йиллар охири ва 30-йиллар бошида ҳозирги Эскижўвада оёқлари болаларнинг оёғи сингари кичкина, лекин гавдали хитой аёллари турли рангдаги юқа (хитой) қоғозлардан ўйинчоқлар, еллигич ва коптоқлар сотишарди. Ана шу кичкина оёқли хитой аёлларини Тошкентда *тай-тай* деб атаганлар.

1

Юқоридаги хитойча сузлар ҳақида қараңг: Уйгурско-русский словарь. М., 1939; Уйгурско-китайско-русский словарь. Пекин, 1952; Уйгурско-русский словарь. М., 1968; Радымов Т. Р. Китайские элементы в современном уйгурском языке. М., 1970.

Ўзбек тили лугат таркибининг маълум қисмини рус тили ва у орқали Европа халқлари тилларидан кирган сўзлар ташкил қиласди.

Ўзбек ва рус халқи Октябрь инқилобидан илгари ҳам иқтисодий, маданий ҳаётда ўзаро муносабатда бўлиб келган. Агар биз Ўрта Осиё хонликларининг Москва давлати билан XVI — XVII ва XIX асрларда олиб борган савдо ва дипломатик алоқаларига оид турли ёрлиқлар, элчилар мактублари, тарихий-илмий ҳужжатларига назар ташласак, ўрус, кноз, пут (пуд), дужна (дюжина), яшик (ящик), самовар, конфут (конфета), патнус (поднос), лампа қаби сўзларни ўзбек тилида қўлланганини кўрамиз.<sup>1</sup> Ушбу сўзлар кўпроқ сўзлашув орқали киргани учун фонетик ўзгаришларга учраб ўзбек тилининг ички тараққиёт қонунларига бўйсунган.

Ўзбек ва рус халқлари ўртасидаги муносабатлар XIX асрнинг II ярмига келиб, яъни Ўрта Осиё рус мустамла-качилари томонидан истило қилингандан кейин кенг қулоч ёди. Натижада ўзбек тилининг лугат таркибига савдо, транспорт, молия, почта-телеграф, саноат, ҳарбий, маъмурий, уй анжомлари, табобат, санъат-адабиёт ва бошқа соҳаларга оид кўпгина сўз ва атамалар ўзлашган Европа халқларининг тилига мансубдир. Масалан: поезд, вагон, вокзал, почта, телеграф, конфет, адрес, завод, фабрика, машина, вексель, банк, доктор, фельдшер, газета, генерал, губернатор, фонар, суд, солдат, пристав, дума, печь, лампа, поднос, тарелка, картошка ва ш. к. Ўзбек тили лексикасига рус тилидан кирган сўзларнинг аксарияти от туркумига киравчи сўзлар ва қисман нисбий сифатлардан иборат бўлган. Юқорида келтирилгэн сўзлар ўзбек тилида айнан, фонетик ўзгаришлар билан ва калька ҳолида ишлатилиб келинган.

Айниқса, рус тилидан кирган сўз-атамалар Улуғ Ватан уруши ва ундан кейинги йилларда ҳаддан ташқари кўпайиб кетди. Бу даврда ўзбек тилида илгаридан ишла-

1

Материалы по истории Узбекской, Таджикской, Туркменской ССР. Ч. I., Л., 1933, стр. 418 — 440; Хива давлат ҳужжатлари. I, II Тошкент, 1960; Ҳамдамов Ж. Из истории русских заимствований в узбекском языке (вторая половина XIX в.), АКД, Ташкент, 1962, стр. 9 — 10; Олим Усмон, Узбекистонда рус тилининг ilk тарғиботчилари. Тошкент, 1962, 51—55-бетлар.

тилиб келган сўз-атамалар русчаси билан алмаштирилиб қўлланаверилди.

Ўзбек тилига давлат мақоми берилиши муносабати билан жуда кўп сўз ва атамалар тилимизнинг табиатини ҳисобга олиб, янгиланмоқда ва эскилари қайтадан тикла-ниб кенг қўлланмоқда.

Хуллас, ўзбек адабий тилининг луғат таркибида ўзбекча — умумтуркӣ шу билан бир қаторда, тоҷикча-форсча, арабча, русча-европача, хитойча ўзлашган сўзларнинг ишлатилиши тилимизнинг лугавий бой ва мураккаб жараённи босиб ўтганлигини кўрсатади.

## ЎЗБЕК АДАБИЙ ТИЛИНИНГ НОМЛАНИШ ТАРИХИ

Ўзбеклар йирик туркий халқлардан бўлиб, тарихий манбаларнинг гувоҳлик беришича, уларнинг ота-боболари қадимдан Ўрта Осиё худудининг асосий аҳолиси бўлган. Ўзбеклар умумбашарий маданиятни яратувчи бошқа халқлар қаторида узоқ вақтлардан бери жаҳон маданияти ҳазинасига ўз улушкини қўшиб келмоқда. Аждодларимиз инсониятга жуда кўп буюк фан ва маданият арбобларини етказиб берди. Улар фан-маданиятнинг турли соҳаларида ақл-заковатлари билан инсониятни ҳайратда қолдиради.

Ўзбек халқи ўзининг узоқ тарихига эга бўлиб, ўтмишдан то XIX асрнинг II ярмигача турк, сарт, чигатой ва ниҳоят ўзбек атамалари билан юритилиб келган.

*Турк атамаси ҳақида.* Даставвал ўзбек халқи *турк* номи билан юритилган. Шуни ҳам айтиш керакки, ўзбекларгина эмас, Ўрта ва Марказий Осиёда яшайдиган барча туркий халқлар *турк* номи билан юритилган. Жумладан, қорақалпоқ, қозоқ, қирғиз, туркман, уйғур, Волга бўйидаги татар, бошқирд,чуваш; Кавказдаги озарбайжон, қумиқ, нўғой ва Сибирдаги олтой, хакас, тува, ёқут каби халқлар ҳам *турк* деб аталган. Уларнинг тиллари эса *туркий тил* дейилган.

*Турк атамасининг келиб чиқиши* куп олимларни қизиқтириб келади. Бунга бағишлиланган тадқиқотлар бўлишига қарамай, ҳалигача *турк* атамасининг келиб чиқиши масаласи аниқ ҳал қилинмаган. *Турк* атамаси ҳақида маълумотлар Шарқ манбаларида милодий VI асрдан, гарб манбаларида эса VII асрдан учрайди. В. В. Бар-

тольднинг фикрича, турк атамаси дастлаб сиёсий-ижтимоий маънони англатган. У қабилалар ҳарбий уюшмасининг номини билдирган. Кейинчалик элат ва тил гуруҳининг номи маъносига қўлланган. Бу фикрни А. Н. Бернштам ва С. П. Толстов ҳам қувватлайди.<sup>1</sup> Агар биз урхун-энасой битигларидағи турк атамасини назарда тутсак, у қабилалар уюшмаси маъносидадир.

VI аср ўрталарида Олтой, Еттисув ва Марказий Осиёдаги турли, лекин бир-бирига яқин лаҳжаларда сўзлашувчи қабила ва элатлар бирлашиб, йирик турк хоқонлигини барпо этганлар.

VI—VIII асрларда ана шу турк хоқонлиги сиёсий-ижтимоий уюшмасига кирган қабилалар гуруҳига "турклар"<sup>2</sup> деган умумий ном берилган эди.

Урхун-энасой битигтошларида бу атама "турк бўдун", "қора бўдун" ёки "кўк турк" тарзида кенг қўлланилган. "Бўдун" сўзи ҳалқ дегани "қора бўдун" оддий ҳалқни, кўк турк даги "кўк" эса "эркин, озод" маъносини англатган.

Хитой йилномаларида ҳам турк номи учрайди. У манабаларда тук-ю~туг-ю шаклида қўлланган. Яъни хитойларда *r* товуш ишлатилмаган. Булардан ташқари хитой тилининг Контон диалектида *mark* (~ торк) — ут — турклар сўзи учрайди, у дубулға (шлем), алоҳида жангчилар, қуролсозлар тоифасини англатган.

Суй династияси тарихининг изоҳларида (580—619) туг-ю сўзининг дубулға сўзига алоқадорлиги таъкидланган. Қадим эрон тилида ҳам *mark* сўзи дубулға маъносини билдирган. Турк номи аскарларнинг бош кийимига нисбатан берилганлиги ҳам эҳтимолдан ҳоли эмас.

Тарихда айрим ҳалқларнинг номланиши уларнинг бош кийимларига нисбатан бўлганлиги ҳақида тахминлар бор. Масалан: қорақалпоқлар, қизил бошлар.

1

Бартольд В. В. Очерк истории туркменского народа.—"Туркмения", I. Л., 1929. С. 9; Бернштам А. Н. Происхождение турок. К постановке проблемы.— Проблемы истории докапиталистических обществ. М.—Л., 1935, N5,6. С.43—54; Толстов С. П. К истории древнетюркской социальной терминологии.— ВДИ, 1938, 1(2). С.81.

2

Бернштам А. Н. К вопросу о возникновении классов и государства у турок VI — VIII вв. н. э. (отдельный оттиск), С. 888-889.

Алишер Навоий "Муҳокаматул луғатайн" асарида ўзбек халқини турк, унинг тилини турк тили деб, амалда турк, туркий, турк улуси, турк тили, туркий тил, туркий алфоз каби сўз ва ибораларни кенг қўллаган.

"Бобурнома"да ва уйғур ёзуви қадимги ёдгорликларда турк сўзи "кучли, қудратли" маъноларида қўлланган: Турк ва мардана киши эди (Бобурнома).

В. В. Радлов турк атамаси устида тўхталиб, VI — VIII асрлардаги уруғ номидан келиб чиқсан дейди.

Г. Вамберининг фикрича, турк сўзи "садда" маъносини билдирган. Қиёсланг, туркона одам, турканда дори каби.. А. Н. Кононов "Турк атамаси таҳлилидан бир тажриба" мақоласида "турк" сўзи этимологиясига алоқадор тадқиқотларга анча мукаммалроқ изоҳ беради<sup>1</sup>.

Г. Ф. Благованинг ҳам "турк" сўзининг рус тилида қўлланиб келган вариантлари хусусига бағишланган мақоласида ушбу сўзининг ишлатилиш тарихи атрофлича тадқиқ қилинган.<sup>2</sup>

Шундай қилиб, турк сўзининг ўтмишда уруғ, элат, кучли, қудратли, алоҳида жангчилар гуруҳи, қуролсозлар, дубулға, содда маънолари бўлган. Шунингдек бу ном ўзбек ва бошқа туркий тилли халқларга нисбатан ҳам қўлланган (туркий, қашқар туркийси, ўзбек туркийси, туркман туркийси ва ш. к.).<sup>3</sup>

*Сарт атамаси ҳақида.* XVI асрдан кейин ўзбекларниң маълум бир қисми — шаҳар аҳолиси *сарт* деб аталадиган бўлди.

*Сарт* сўзининг маъноси ҳақида турли қарашлар мавжуд. Айрим манбаларда *сарт* атамаси ўзбек ва тоҷиклардан бошқа алоҳида элатни ифодалайди деб таъкидланса, бошқа манбаларда бу сўз маҳаллий халқни камситиш

1

Турк атамаси ҳақида қаранг: Кононов А. Н. Опыт анализа термина турк.— СЭ, 1, 1, 1949, С. 42 и сл.

2

Благова Г. Ф. Вариантные заимствования турок // тюрок в русском языке. "Тюркологический сборник", 1972, М., 1973, С. 93-140. Шу мақолада адабиётлар рўйхати ҳам берилган.

3

Н. А. Басқаков турк сўзи ҳақида қўйидагиларни ёзади: "Этнонимы по названию родственных отношений свойства, например турк монг. туркун — торкун — торхом — родители и родня замужней женщины". Басқаков Н. А. Модели тюркских этнонимов и их типологическая классификация.— Ономастика Востока. М., 1980. С.199—207.

учун рус мустамлакачилари томонидан ўйлаб чиқарилган — ҳақоратни билдирувчи сўз дейилади,

Бизнингча, *сарт* атамаси алоҳида элатнинг номини билдирган эмас. Шунингдек, ўзбекларни таҳқирлаш учун ҳам ишлатилмаган (умуман, мустамлакачи амалдорлар маҳаллий халқа паст назарда бўлгани тарихий ҳақиқат). XVI асрдан бошлаб, Чирчиқ, Оҳангарон, Қорадарё ва Норин дарёси водийсида яшовчи аҳоли, уларнинг қайси тилда сўзлашишларидан қатъи назар, *сартлар* дейилган. Бундан сўнгроқ Зарафшон водийси ва Хоразм воҳасидаги ўтроқ деҳқон-косиб, ҳунарманд аҳоли ҳам *сарт* номи билан юритила бошлаган эди.<sup>1</sup>

Демак, *сарт* атамаси этник маънони эмас, кишиларнинг касби, хўжалиги, турмуш тарзини англатган.

*Сарт* атамаси биринчи марта Юсуф Ҳос Ҳожибининг "Қутадғу билиг" (XI аср) асарида учрайди: Эшикил иёку тэр бу *сартлар* башы. Бунда сартлар алоҳида гуруҳ бўлиб, уларнинг бошлиқлари ҳам бўлгани хусусида гап боради. Маҳмуд Кошварийнинг "Девону лугатит турк" асарида ҳам *сарт* сўзи "савдогар" маъносида қўлланган.

Рашидиддиннинг "Жоме-ут-таворих" китобида мӯгуллар қарлуқларни *сарт* деб атаганликлари тўғрисида маълумот берилган. Араблар эса Ўрта Осиёдаги мусулмонларни *сарт* номи билан аташган.

Навоий ва Бобур *сарт* атамасини тожик-форсларга нисбатан қўллаганлар. Умуман, XVI асргача Ўрта Осиё шаҳарларида яшовчи тожикларни *сарт* дейилган. Шайбоний истилосидан кейин бу ерлардаги ўтроқ туркий аҳоли ҳам кўчманчи ўзбеклар томонидан *сарт* деб юритилгани маълум.

Венгер олими Вамбери "Ўрта Осиё бўйлаб саёҳат" (1865 йил) асарида *сарт* сўзи шаҳарлик маъносини билдиради деб ёзган эди. М. Қодиров бу фикрни таъкидлаб ёзади: "Ҳақиқатан ҳам, шаҳар сўзидағи иш қипчоқлар талафзузида с га ўтган бўлиши мумкин: яни шаар — саар шаклида. Сўз ўртасидаги ҳам товушининг тушиб қолиши тилимизда ҳозир ҳам учрайди".<sup>2</sup>

<sup>1</sup> "Сарт" атамасига оид айрим фикрларни баён қилишда M. Ваҳобовнинг китобидан ҳам фойдаландик. Қаранг, Ваҳобов M. Ўзбек социалистик миллати. Тошкент, 1960, 30-32-б.

<sup>2</sup> Қодиров М. Сўз мулкига саёҳат. "Меҳнат ва турмуш", 4, 1972, 20-21-б.

*Сарт* атамаси аслида санскрит тилида олинган бўлиб, "карвонбоши, савдогар, шаҳарлик" маъноларини англатган. Кейинчалик, хусусан, XIX аср II ярмидан кейин *сарт* атамаси ўзбек маъносида ишлатиладиган бўлди: сартия эли, сартия лисони (лисони сартия, сарт тили, сарт иборати, сарт қавмлари, "Сартча-русча сўзлук" ва ш. к.)

*Чигатой* атамаси ҳақида. *Чигатой* атамаси мӯғуллар истилосидан кейин пайдо бўлган. Чингизхон вафотидан оддин босиб олган қўл остидаги ўлкалари ўғил ва набиралари ўртасида тақсимланган эди. Шунда Ўрта Осиё ва Шимолий Афғонистон замини ўртанча фарзанди Чигатойга берилган. Чигатойхон тасаруфига қарайдиган ерлар чигатой юрти, эли; элатлар эса Чигатой улуси; бу худудда яратилган адабий, тарихий асарлар *чигатой адабиёти*, унинг тили (умуман шу худуддаги ҳалқлар тили) *чигатой тили* номи билан юритиладиган бўлди. Демак, *чигатой* атамаси ҳукмдор номи билан боғланган.

Навоий "Чор девон" ида *чигатой*, жўжи атамалари уруг (қабила) кишилар тўдаси, гурӯҳи номларини билдиргани ҳақида маълумот берилган: *Турк қавмлари жўжидур, иноқ, чигатой*.

Чигатой номи ҳозир ҳам жумҳуриятимизнинг турли ерларидаги жой, сув номларида, кишилар исмида сақланган: *Чигатой Оқтепа, Чигатой кўчаси, Чигатой маҳалла, Чигатой қишлоғи, Чигатойхон, Чигатойниса, Чигатоев* ва ш. к.

Туркшуносликда баъзан *чигатой адабиёти* ва *чигатой тили*, *чигатой туркийси* атамалари учрайди. Бу ўриндаги *чигатой адабиёти* атамасини, ўзбек мумтоз адабиёти деб тушунмоқ керак. *Чигатой тили, чигатой туркийси* атамаси эса эски ўзбек адабий тилини англатади.

Изоҳ: Мавлоно Лутфий ўз девонига кирган бир газалда *Чигатой* сўзини Тошкент вилояти ёки Туркистон эли маъносида ишлатгани маълум:

*Сендеқ санамни кўрмади Лутфий Чигатойда,  
Чин сўйла Хито кўбларига не булурсен деб.*

*Ўзбек атамаси ҳақида.* Ўзбек ҳалқининг келиб чиқиши, унинг номланиш тарихи хусусида С. П. Толстов, А. Ю. Якубовский, Я. Ф. Гуломов, Л. В. Ошанин, М. Ваҳобов, А. Асқаров, Б. Аҳмедов, И. Жабборов, Х. До ниёров каби олимларнинг ҳар хил йўналишдаги тадқиқотлари мавжуд. Қадимда бу сўз нимани англатгани аниқ

эмас. Марҳум адабиётшунос Абдураҳмон Саъдий тадқиқотларидан бирида: "Азизий деган шоир дашти қипчоқ ва Сирдарё бўйларида яшаган кучманчи қабилалардан эди. Бу қабилалар темурийлар сиқигида яшаб келганлар. Темурийлар устидан ғалаба қилганларидан сўнг мустақил беклик, хонлика эришганлар. "Ўзи беклик ўзбекка чирой" мақоли ҳам шунга алоқадор", — деб ёзган эди.

М. Ваҳобовнинг ёзишича: "... Ўзбек сўзининг лугавий маъноси "узи бек"ни ифода қилса ҳам, аммо тарихда бу суз қабила номи эдими, ёки фақат атоқли исмгина эдими, бизга маълум эмас. Шуни айтиб ўтиш жоизки, ҳозирги Жиззахнинг Ўзбек қишлоғида яшовчи аҳоли ўзини, биз ўзбеклар уруғидан, деб ҳисоблади. Бироқ, ўтмишда бундай алоҳида ўзбек уруғи бизга ҳозирча маълум эмас. Ўзбек сўзи тарихий ёдгорликларда биринчи марта Рашидиддиннинг "Мӯғуллар тарихи" деган китобида учрайди... Бундан кейин ўзбек сўзи Олтин Ўрда хонларидан Ўзбекхоннинг (1312 — 1342) исми сифатида учрайди. Алишер Навоий "Садди Искандарий" да ўзбек сўзини уруғ еки қабила номи сифатида талқин қиласди... Муҳаммад Солиҳ ҳам ўзбек сўзини қабила ва уруғ номи сифатида ишлатади. "Абдулланома" китобида ўзбек сўзи "отлиқ қўшин" маъносини билдирган. Тарихий асарларда Шайбонийхон бошчилигида Ўрта Осиёни ишғол қилган барча қабила ва уруғлар ўзбеклар деб аталади.

Ўзбек сўзининг дастлабки маъноси нимадан иборат булишидан қатъи назар, бизнинг фикримизча, Шайбонийхон томонидан Ўрта Осиёнинг истило қилиниши даврида ўзбек сўзи Абулхайрхон ва унинг невараси Шайбонийхон теварагига тупланган барча уруғ ва қабилаларнинг умумий — йиғма номи эди".

Ўзбеклар Тошкент, Хоразм воҳалари, Фарғона, Қашқадарё, Сурхондарё, Зарафшоннинг шаҳар ва қишлоқларида яшовчи асосий ва қадимий аҳоли эди.

Анрим манбаларда курсатилишича, ўзбек тилининг келиб чиқиши Даشت Қипчоқда ташкил топган Оқ Ўрда ва шайбон улусида, яъни Волга буйлари оралиғидаги кенг худудда кўчиб юрган, XIV аср урталаридан бошлаб ўзбеклар деб юритилган турк-муғул қабилалари билан боғлиқdir. Бу қабилалар XV аср давомида ниҳоятда зур

1

Ваҳобов М. Ўзбек социалистик миляти. Тошкент, 1960, 49-6.

ҳарбий сиссий кучга эга бўлган давлат ташкил қилиб, XVI аср бошларидан Муҳаммад Шайбонийхон бошчилигида Ўрта Осиёга, шу жумладан, ҳозирги Ўзбекистон худудига бостириб киради ва ўрнаша бошлайди.

Айрим тадқиқотчилар ўзбек халқининг келиб чиқиши тарихини мазкур истило даври билан боғлаб, ўзбекларнинг шаклланиши XV — XVI асрлардан бошланади, деган мутлақо гайри илмий фикр юритиб келган эдилар.<sup>1</sup>

Ваҳоланки, XI аср охири ва XII асрларда қарлуқ қабила диалекти таркибиغا чигил, аргу, тухси, яғмо каби қабила диалектлари қўшилиб, қарлуқ қабилалар уюшмаси ва лаҳжасини ташкил этган. Ана шу қарлуқ қабила лаҳжаси негизида ўзбек элати ва тили шаклланган. Ўзбек элати тилининг шаклланишида ўғуз ва қипчоқ лаҷжаларининг излари ҳам сезиларли даражада бўлган. Лекин бу даврда ўзбек атамаси элат ва унинг тили маъносида оммалашмаган эди. Б. Аҳмедов ўзбекларнинг келиб чиқиши тарихига бағишлиланган рисоласида ўзбекларнинг номланиши ҳақидаги Н. А. Аристов, А. Ю. Якубовский, П. П. Иванов, Г. Хаворс, А. Вамбери каби олимларнинг фикрларини умумлаштириб шундай ёзади: "Ўзбек сўзи Жувайний ва Рашидиддин (XIII аср) замонидан маълум. Илхон Абақаҳон (1265 — 1282) замонида я'чаган Пури Баҳо (Тожиддин ибн Баҳоиддин) нинг мӯғул қасидасида ва Рашидиддиннинг "Жомеут таворих" асарида ҳам ўзбек сўзи учрайди... Рашидиддиннинг китобида келтирилган ўзбек сўзи ҳам бирор қабила ёки ургунинг номи бўлмай, балки Жўгихоннинг еттинчи ўғли Бўкалнинг набираси, Мингқударнинг ўғли шаҳзода Ўзбекнинг номидир... Кўчманчи ўзбеклар Тўхтамишхон қўшинининг асосий қисмини ташкил қилган эди... Ҳондамир бу тўғрида анча қимматли маълумотлар қолдирган... У 1388 — 1391 йил воқеалари тўғрисида, яъни Темур билан Тўхтамишхон ўртасида бўлиб ўтган урушлар тўғрисида ҳикоя қиласар экан, Тўхтамишхон қўл остида бўлган қўшинни ҳамиша "ўзбек сипоҳи" ("сипоҳи ўзбек"), деб атайди... Юқорида келтирилганлардан кўриниб турибдики, XIV асрнинг II ярмида Даҳти Қипчоқнинг катта қисми, хусусан, Оқ Ўрда ва Шайбон улусида кўчиб юрган

I

Набиев А. Тарихий ғлакашинослик. Тошкент, "Ўқитувчи", 1979, 63-74-б.

турк-мұғул қабилалари ўзбеклар, бу бепоён худуд ўзбеклар өміршілігі, деб атала бошланди. Бундан ўзбеклар Дасти Қипчоқда фақат XIV асрнинг II ярмидан пайдо бўлган, деган хулоса келиб чиқмайди".<sup>1</sup>

Ўзбек сўзи Фарғона водийисидаги қипчоқ гурӯҳ шеваларида өзвәк-өзбәк шаклида талаффуз этилади ва содда, тўғри, инсофли одам маъноларида ишлатилади: *Мунуц атасы жықа өзвәк; Өзвәклик қып қаған.* Қиёсланг, Муҳаммад Солиҳнинг "Шайбонийнома" сида:

Ҳоли анинг ери Туркистондур,  
Ўзбак элинга муazzам ҳондур.

Ўзбек сўзининг келиб чиқиши ва юритилиши ҳақида проф. X. Дониёрвоннинг мақоласида ҳам анча батафсил маълумот берилади. Муаллиф манбаларга суюниб ўзбек атамасининг XI асрда ҳам ишлатилганлигини таъкидлайди. У ёзади: "Ўзбек номининг профессор А. Ю. Якубовский, академик А. А. Асқаров ва бошқа кўпгина тарихчилар айтганидек, фақат XIV ёки XVI асрдан кейин пайдо бўлмасдан, балки анча илгари юзага келганлиги, шунингдек шу билан аталувчи қавмларнинг ҳозирги Ўзбекистон, Ўрта Осиё ва ҳатто араб мамлакатлари териториясида ҳам анча илгаридан бери яшаб келаётганлигига қўйидаги мисоллар жуда ёрқин далил бўла олади. Масалан, XI асрда Сурияда яшаган араб тарихчиси Исома ибн Мунқизнинг "Китоб ал эътибор" ("Ибратли китоб") деган асарида ёзилишича, "ўзбек" қавмига мансуб бўлган кишилар ўша вақтдаёқ Арабистонда анча мавқе эгаллаганлар ва европаликларнинг салб юришларида мусулмонлар томонида туриб жанг қилганлар. Исома ибн Мунқизнинг ўзи ҳам шу жангнинг иштирокчиси бўлган: "509 йил (ҳижрий ҳисоби билан — X. Д.) отам, Тангри уни раҳмат қилсин, қўшин билан лашкарбоши Бурсуқ ибн Бурсуқ ҳузурига чиқди. Бурсуқ сultonнинг амири билан урушга отланган эди. У билан кўпчилик халқ бирга бўлиб, бир жамоа амирлар уни кузатиб борар эди, улар орасида қўшин амири (отабеги) Мавсил ҳокими Ўзбек, Ваҳба ҳокими Сунқур Дириз, амир Кунтуғди, Бош Ҳожиб Бектемир Зангий ибн Бурсуқ каби баҳодирлар ҳамда Темирақ, Исмоил Бекчи ва бошқа амирлар бор эди... "яна"..."

<sup>1</sup>

Ахмедов Б. Ўзбекларнинг келиб чиқиш тарихидан. Тошкент, 1962, 3 — 6-б.

Бурсуқ унга қўшинлар амири Ўзбек бошлиқ уч минг отлиқ аскарни юборди".

Кўринадики, ўзбек қавмига мансуб бўлган кишилар у ерга фақат европаликларга қарши уруш қилиш учун борган эмас, балки аввалдан у ерларда яшаб келган, баъзилари эса кичик бўлса ҳам, ўша срдаги шаҳарларга ҳоким бўлганлар ва уларнинг ихтиёрларида ўз лашкарлари бўлган (айниқса, турк, жамладан, ўзбек аскарлари бошқалар орасида ўзларининг жасурликлари билан машҳур бўлган).<sup>1</sup>

Ўзбек сўзи уруғ, қабила, әлат, саҳий, одамохун, дилтортувчи, суюкли маъноларида Лутфий, Атойи, Навоий асарларида ҳам учрайди:

Тузуб ўзбак шилошининг қўйини,  
Сунуруб юз била қайсар ўйини.

(Лутфий).

Бу улус то хублар кўрдик эй ўзбеким,  
Дилраболиҳда сизингдек шўхи  
раъно кўрмадук.

(Атойи).

Ўзбаки гулнора тўндун куйдум, аммо ўлтутур.  
Лемун терлик анинг остидаким жонон кияр

(Навоий)

Шоҳу тожу хилъатиким, мен томоша қилғали,  
Ўзбаким бошида қалпоқ, эгнида ширдоғи бас  
Ҳалол она сутидеклур гар ўзбаким тутса,  
Табуқ қилиб юкунуб тустиғон ичинда қимиз

(Навоий).

Хуллас, ўзбеклар ўзининг узоқ ўтмиш тарихига, ёзув маданиятига эга бўлган қадимги халқлардандир. Ўтмишда бу халқ турк, сарт, чигатой ва ўзбек атамалари билан юритилиб келган. Юқоридагилардан маълум бўладики, халқ ва тилнинг номланиш тарихи ўша халқ ва унинг тилининг таркиб топиш жараёни билан доим тенг бўлавермайди. Халқ ва тилнинг номланиши унинг келиб чиқиши тарихини белгиламайди.

1

Дониёрөв X. Ўз тарихимизни биламиزم? "Гулистои" журнали, 9, 1990, 14-6..

## ТУРКИЙ ТИЛЛАР ВА УЛАР ОРАСИДА ЎЗБЕК ТИЛИНИНГ ТУТГАН ЎРНИ

Ўзбек тили туркий тилларга мансуб бўлиб, олтой назариясига кўра мўғул, тунгус-манжур, корейс ва япон тиллари билан биргаликда олтой тиллари оиласини ташкил қиласиди.

Шунга кўра туркий тилларнинг, жумладан, ўзбек тилининг тарихи, олтой тилларининг қадимда бир тил бўлган — олтой давридан бошланади. Олтой бобо тили дастлаб тунгус-манжур ва турк-муғул тилларига; турк-муғул тили эса турк ва мўгул тилларига ажралган. Шундан сўнг туркий тиллар тарихида хун даври (милоддан аввалги учинчи асрдан мелодий тўртинчи асртагача) бошланиб, туркий тиллар икки тармоқقا — шарқий хун ва гарбий хун тилларига бўлинади. Туркий тиллар тарихида хун даврининг алоҳида кўрсатилишига ўша даврда Марказий Осиёдан Шарқий Европагача бўлган худудни ишғол қилган хун хонлигининг вужудга келиб, кейинчалик иккига ажралиши асос қилиб олинади.

Сўнгра мелоднинг бешинчи асиридан ўнинчи асригача бўлган узоқ вақтни ўз ичига олган турк даври келади. Умумхалқ ўзбек тилининг тарихи олтой давридан бошланса, ўзбек адабий тилининг тарихи ёзма ёдгорликлари маълум бўлган қадимги турк давридан бошланади. Бу даврниң обидалари барча туркий халқлар учун муштаракдир.

Ҳозирги ўзбек тили қадимги туркий тилидан ажралиб чиқкан. Туркий тиллар ўртасидаги қариндошлиқ, яқинлик синтактик қурилмаларнинг бирлигига, сўз ўзгартувчи, сўз ясовчи, шакл ясовчи аффиксларнинг ўхшашлигига, товуш тузилиши ва лугат бойлигидаги барқарор, зарурий тушунчаларни билдирадиган сўзларнинг умумийлигига яққол кўринади. Ана шу умумий белгиларга тўғри келмайдиган фонетик, лексик ва қисман грамматик фарқлар тил тарихи тараққиётининг сўнгги даврларида пайдо бўлган хусусиятлардир. Ҳозирги туркий тилларнинг ўзига хос хусусиятлари уларнинг мустақил тиллар сифатида тараққий этишидан<sup>1</sup>, далолат беради. Буни қуйидаги схемада кўрамиз:

<sup>1</sup> Абдураҳмонов F. Рустамов A. Қадимги туркий тил. Тошкент, 1982.  
3-б.

<sup>2</sup>

Айрим мисоллар транскрипцияси узгаририлди.

қоши	қаш	қаш	қас	қаш	хаваҳ, биң	кир-кэмиска	гаш
Күн	Күн; Күнш	Күн	Күн	Күн	Хүн	Күн	Гүн
ер	йар	*яд	жар	жер	чөр	чири	йср
күк	кек	кек	кек	кек	кек	кек	кек
кызил	кызыл	кызыл	кызыл	кызыл	кызыл	кызыл	кызыл
кичин	кичин	кичинә кичиг	кичине	кичине	биче	кичиғ	кичи
чиқ	уч	уч	юш	уч	үш	уч	уч
үч							
түрт	терт	терт	терт	терт	терт	терт	дерг
етти	йэтэ	жети	жети	жети	чеди	чиди	йеди
түксин	токуз он	тохсан	токсан	токсан	тозан	тогъизон	тогсан
мен	миң	мән	мен	мен	мен	мин	мен
сиз, сизлар	сиз	сиз; смад	сиз	сиз	сиз, смалер	сизлер	сизлер, смалер
кел	(чи,	кэл	келу	келиу	келиу	келиу	келиу

Ўзбек тили туркий гуруҳга кирувчи тиллардан бири бўлиб, ундаги фонетик, морфологик, синтактик, лексик ўхшашликлар Марказий Осиёда истиқомат қилувчи уйғур, қозоқ, қорақалпоқ, қирғиз, туркман халқларининг тилларида кўпроқ учрайди. Бу ўзбек халқининг тил жиҳатдан юқоридаги халқлар билан узоқ вақтлардан бўён ижтимоий муносабатда бўлиб қелганлигининг натижасидир. Шунинг учун ҳам маълум ўзига хосликни ҳисобламаганда, ўзбек, қозоқ, қирғиз, уйғур, қорақалпоқлар бир-бирларини қийналмасдан тушуна олади. Уларнинг яшаш шароитлари, урф-одатлари ва диний эътиқодларида ҳам муштараклик бор. Агар ёқут, тува, хакас тилларини олсак, буларда ўзбек тили билан муштараклик бўлса ҳам, лекин узоқ вақтлардан бери ижтимоий алоқанинг бўлмаганлиги (руслар билан бўлгани), яшаш шароитларининг, тирикчилигининг ҳар хиллиги туфайли тил хусусиятларида фарқлар кўп. Биргина лексикасини олсак, масалан, ёқут тилида чорвачилик бўйича кийик, лос тармоқлари ривожланган. Ана шу соҳага оид сўз-атамалар жуда кўп. Боғдорчилик, пахтачилик, полиз экинларига оид сўз-атамалар йўқ. Ўзбек тилида эса бу соҳага хос сўзлар жуда кўп.

Бундай ўхшашлик ва фарқларни Волгабўйи, Кавказ, Сибирь ва бошқа худудларда яшайдиган туркий халқларнинг тилларида ҳам учратиш мумкин. Туркий тиллар ўртасидаги ўхшаш ва фарқли хусусиятлар фонетика, морфологиядагина эмас, балки лексикада ҳам яққол кўринади. Масалан: ўзбек тилида *бошоқ*; уйғур тилида *башақ-машақ*; қозоқ, қорақалпоқ тилларида *масақ*; туркман тилида *суммул* (ар. *сұмбула*); ёқут тилида *куолос* (рус. *колос*) ва ш. к.

Туркий тилли халқлар миқдор жиҳатдан дунёда катта ўрин тутади. Улар:

I. Мустақил давлатларига эга бўлган туркий халқлар: 1) турк, 2) ўзбек, 3) қозоқ, 4) туркман, 5) озарбайжон, 6) қирғиз.

II. Мухтор жумҳуриятлардаги туркий халқлар: 7) қорақалпоқ, 8) татар, 9) бошқирд, 10) тува, 11) чуваш, 12) ёқут.

III. Мухтор вилоятлардаги туркий халқлар: 13) олтой, 14) хакас.

IV. Кўпмиллатли жумҳуриятлар ва мухтор жумҳуриятларда яшовчи туркий халқлар: 15) гагауз (Молдова),

16) қорачой-болқор (Кабардин-Болқор мухтор жумҳурияти ва Қорачой-Черкас мухтор вилояти), 17) қрим-татар (Қрим, Ўзбекистон ва Қозогистон), 18) қумиқ (Дөғистон мухтор жумҳурияти), 19) нўгой (Россия).

V. 20) уйғур (Шарқий Туркистон, шунингдек, Қозогистон ва Ўзбекистонда ҳам яшайди).

Туркий тилда сўзлашувчи яна шундай элатлар мавжудки, уларнинг она тили асосан майший ҳаётда фойдаланилади, ижтимоий вазифаси жуда чегараланган. Улар ўзларининг расмий ёзувларига эга эмас. Зарурат туғилганда, эски алифбодан фойдаланадилар. Бунга караим, шор, чулум тиллари киради. Ушбу тиллар бўйича илмий тадқиқот ишлари олиб борилган.<sup>1</sup>

Туркий тилда сўзлашувчи халқлар Афғонистон, Эрон, Хитой, Югославия, Албания, Греция ва бошқа хорижий мамлакатларда ҳам яшайди.

Булардан биргина ўзбекларни олсак, Ўзбекистон жумҳуриятидан бошқа Тожикистон, Қозогистон, Туркманистон, Қирғизистон ва Қорақалпогистонда ҳам бу тилда сўзлашувчи миллионлаб ўзбеклар истиқомат қиласди.

Ўзбеклар хорижий ўлкалардан Афғонистонда, Хитойнинг уйғурлар яшайдиган вилоятларида, Туркия, Эрон, қисман Германия, Америка ва бошқа жойларда тургун бўлиб қолганлар.

Ўзбек тилининг туркшуносликдаги обрўи кейинги йилларда ортиб бормоқда. Бу тил ҳозир Американинг кўпгина университетларида, Германия, Туркия, Ҳиндистон ва Афғонистонда алоҳида ўрганилмоқда. Ўзбек тили, унинг тарихи ва мумтоз адабиётимизга оид китоблар, илмий тадқиқотларнинг хорижда нашр қилинишининг ўзиёқ фикримизни тасдиқлайди.

XV аср оламида улуғ мутафаккир шоир, маданият ва давлат арбоби Алишер Навоийнинг машаққатли меҳнати, изланишлари ҳамда Ҳусайн Бойқаронинг хомийлиги туфайли туркий тиллар орасида ўзбек тилининг мавқеи жаҳон миқёсига кўтарилиган эди. Ана ўша вақтда адабий тил бўла олади деб амалий ва назарий жиҳатдан исботланган эски ўзбек (туркий) тилимиз бизнинг давримизгача ўзининг асосий фонетик, грамматик қурилиши ва лугат хусусиятларини сақлаган ҳолда етиб келди. Ҳозирги ти-

1

Юқоридаги тасниф *H. A. Басқаков* рисоласидан олинди. Қаранг, Алтайская семья языков и ее изучение. М., "Наука", 1981, С. 118-119.

лимиз эски узбек адабий тилининг давоми — ўзбек халқининг давлат тили сифатида кенг халқ оммасига хизмат қилиб келмоқда.

## ҚАДИМГИ ТУРКИЙ АДАБИЙ ТИЛ

Туркий халқларнинг бизга маълум бўлган энг қадимги ёзма ёдгорликлари эрамизнинг V — X асрларига мансуб бўлиб, туркшуносликда бу даврни қадимги туркий тил деб юритилади. Ёзма ёдгорликлар тили адабий тил меъёрларини белгилашда асос бўла олади. Чунки ёзма тил, маълум даражада, тартибга солинган, меъёрлаштирилган бўлади. Шунинг учун ҳам ўзбек адабий тилининг тарихи ёзма ёдгорликлари маълум бўлган қадимги турк давридан бошланади.

Шуни таъкидлаш лозимки, энг кўхна ёдгорликлар тили ҳар қандай фикрни ифодалашга қодир, ривожланган, фонетик, грамматик, услубий жиҳатдан мукаммал тил бўлган. Демак, туркий тил бунга қадар ҳам улкан тараққиёт даврини босиб ўтган деган хуносага келиш мумкин. Лекин у даврларга оид ёзма ёдгорликлар сақланмаган.

Қадимги турк даврига мансуб ёдгорликлар турк рунии (урхун-энасой), уйғур, монивий, суғд, брахма, сурений ёзувларидадир.

## ТУРК РУНИЙ ЁЗУВИ ВА УНИНГ ЁДГОРЛИКЛАРИ

Ҳозирги пайтда "турк руний", "урхун-энасой" атамаси билан юритилувчи ёзув туркий халқларнинг бизга маълум бўлган энг эски хатидир. Турк руний ёдгорликлари XVII асрнинг иккинчи ярмидан маълум бўла бошлаганига қарамай, уларни тўлиқ ўрганиш ишлари бирмунча кеч — ушбу ёзувни ўқий бошлаганларидан кейин авж олди.<sup>1</sup>

Турк руний ёдгорликларининг энг иириклари турк амалдорлари хотирасига қўйилган қабр тошларидир. Бу хатнинг тошлардан ташқари олтин, кумуш, суюк, ёғоч, сопол буюмларга ёзилган намуналари ҳам бор. Шунингдек, Шарқий Туркистондан қоғозга битилган ёдгорлик ҳам топилган.

<sup>1</sup> Ёдгорликларнинг топилиши ва урганилиши ҳақида қаранг. Айдаров Г. Язык орхонских памятников древнетюркской письменности VIII века. Алма-Ата. 1971 (кириш қисми).

Жуғрофий ўрни, тил ва ёзув хусусиятларига кўра руний ёдгорликларини уч гуруҳга ажратиш мумкин:

1. Энасой ёдгорликлари.
2. Талас ёдгорликлари.
3. Урхун ёдгорликлари.

Энасой атрофлари, Тува, Олтой, Хакасия, Красноярск улкаларидан топилган битиклар Энасой ёдгорликлари гуруҳига киради. Улар тошларга, қояларга битилган бўлиб орасида танга, металл буюмлар, олтин ва кумушга ёзилгандарига ҳам учрайди. Энасой ёдгорликлари у қадар йирик эмас: энг йириклари ўн-ўн беш йўлли, кичиклари — бир, икки, уч йўлли матнлардир. Энасой ёдгорликлари руний битигларининг қадимиylаридан бўлиб, V — XII юзийлликларга тўгри келади. Ҳозирги кунда ушбу ёдгорликлар Қизил, Минусинск, Абакан, Красноярск, Москва, Хельсинки ҳамда Санкт-Петербург музейларида сақланмоқда. Уларнинг ялпи сони 150 га яқинлашади.

Талас ёдгорликлари насбатан оз:ўн икки битиг топилган. Улар асосан қояларга, тош ва таёқчаларга ўйиб ёзилган.

Урхун комплексига киравчи битиглар турк руний ёдгорликларининг энг йириклиридир. Улар VII — VIII асрларга мансуб бўлиб, Урхун ва Селенга дарёлари яқиндан топилган. Қутлуғ ҳоқон (Унгин), Билга ҳоқон, Култигин, Тўньюқуқ, Куличур, Мўюнчур битигтошлари шулар жумласидандир. Ушбу битигтошлар машҳур турк ҳоқон ва амалдорлари шарафига ўрнатилган. Улар туркий ёзма адабиётнинг илк намуналари, шу билан бирга, амалдорлар билан боғлиқ тарихий воқеаларни баён қилувчи йирик ҳажмли тарихий-бадиий асарлардир. Характерли томони шундаки, ёдномаларда тарихий фактлар тўғридан-туғри санаб ўтилмайди, балки бадиий усулда ҳикоя қилинади. Улар бадиий тасвир воситаларига бой. Буни қуйидаги мисоллардан ҳам кузатса бўлади:

*Ол сабығ эшидип тун удъсықым кәлмәди, кунтуз олурсықым кәлмәди — Ўша гапни эшитиб, тун ухлагим келмади, кундуз ўтиргим келмади (Тўн. 12); Йўйқа иркилиг топулғалы учуз әрмииш, йинчга иркилиг үзгэли учуз, йўйқа қалын болсар, топулғулуқ алп әрмииш, йинчга ўған болсар, үзгүлүк алп әрмииш — Юпқа йигин тор-мор қилишга осон эмиш, ингичка йигин узишга осон. Юпқа қалин бўлса, тор-мор қиласиган баҳодир эмиш, ингичка йуғон бўлса, узадиган баҳодир эмиш (Тўн. 13—14); Тәири*

күч бәртүк үчүн қаңым қаған сүси бөри-тәг әрмис, йағысы қон-тәг әрмис — Тангри күч бергани учун отам хоқоннинг лашкари бўридай экан, душмани қўйдай экан (КТу, 12); Қамуғы бәш отуз сўләдимиз, ўч йигирми сунгушдимиз, эллигиг элсираётдимиз, қағанлығығ қағансыратдымиз, тизлигиг сөкүртимиз, башлығығ йўқунтүртимиз — Ҳаммаси бўлиб йигирма беш (марта) лашкар тортдик, ўн уч марта жанг қилдик. Давлатлини давлатсизлантиридик, хоқонлини хоқонсизлантиридик, тиззаси борни чўккалатдик, боши борни таъзим эттиридик (КТу, 18); Иним Култигин кәргәк болты, өзум сақынтым: көрүр көзум көрмәз-тәг, билир билигим билмәз-тәг болты — Иним Култигин вафот этди, ўзим алам чекдим: кўрар кўзим кўрмәётгандай, билар ақлим билмаётгандай бўлди (яъни эс-ҳушимдан ажралдим) (КТу, 50).

Битигларда туркий қавмларнинг душманга қарши мустақиллик учун олиб борган кураши ўз ифодасини топган. Бинобарин, ёдномаларнинг муҳим гояси ҳам туркий қавмларни бирлаштириш, душманга қарши курашдир.

Ёдномалarda мадҳ этилган саркардалар халқ мустақиллиги учун курашадилар, уни ташқи душмандан ҳимоя қиласидилар. Улар халқ ижодига хос руҳда тасвиранади. Қаҳрамонларнинг мардлиги оғиздан-оғизга кўчиб юрган. Булар таъсирида оғзаки ижод намуналари ҳам юзага келгани эҳтимолдан холи эмас. Шу боисдан бўлса керак, тадқиқотчилар ҳозирги туркий халқлар орасидаги айrim достонларнинг илдизларини ўша даврларга боғлаб, урхун ёдномалари билан улар орасида яқинлик қидирадилар.

Урхун ёдномалари қадимги туркларнинг бадий ижоди намунаси сифатида катта ўрин тутади. Улар адабиёт тарихини ўрганиш учун муҳим манбадир.

Яна бир муҳим томони ёдномаларда туркларнинг VI — VIII юз йиллар оралиғидаги тарихи, ижтимоий ҳаёти, қўшни халқлар билан муносабати, жангу жадаллари ҳақида аниқ маълумотлар бор. Шу жиҳатдан ёдномаларни қадимги туркларнинг тарихий хроникаси дейиш мумкин. Улардаги маълумотлар тарихчилар учун ҳам қимматлидири.

Ёдномаларни битувчилар, албатта, оддий кишилардан бўлмаган. Бу ишларни ўта билимли, шоиртабиат, ўз даврининг фозил кишилари бажарган.

Ана шундай ёдномалардан бири иккинчи турк хоқонлиғига асос солган Элтарис (Қутлуғ) хоқоннинг маслаҳатчиси ва саркарда Тўнюқуқقا аatab тахминан 712—716

Йилларда ўрнатилган битигтошdir. Тунюқуқ ушбу битигни тириклиг чоғида ёздирган, 62 сатрдан иборат матн иккита тош устунга ўйиб ёзилган. Унда саркарда Тұнюқуқнинг ўзи қатнашган тарихий воқсалар ҳикоя қилинади. Ёдномада ёзилишича, Тұнюқуқ табғач давлатида таҳсил олди. Хитой манбаларида у Ашиде Юанчжен деб юритилган, Тұнюқуқ исмини эса кейинчалик олган.

Ёдномалардан әнг йириги 732 йилда Күлтигин шарағыға қўйилган ёдгорликдир. Баландлиги уч метрдан ортиқроқ бўлган тошнинг юз томонига 40 сатр, ўнг ва чап томонларида 13 сатрдан, тарошланган ён қирраларига 4 та туркий ёзув битилган. 13 сатрли матнни кичик битиг, 40 сатрлисини эса улуғ битиг деб атайдилар. Битигнинг орқа томонига хитой тилида унинг ўрнатилиш тарихи ва яна 14 сатр хитойча ёзув битилган. Хитойча битигнинг ёнида ҳам икки сатр туркча битиг бор.

Ёдгорликда қайд этилишича, уни табғач хоқонининг саройидан чақирилган наққош ишлаган. Битигтош маҳсус зиёратгоҳга ўрнатилган бўлиб, атрофи сайргоҳ булган. Бу ҳақда битигда шундай маълумот бор: Анар адынчығ барақ йаратуртыйм, ичин ташын, адынчығ бэдиз уртутурм, таш тоқытдым, көнгүлтэки сабымын ол... [он оқ оғлың] а татыңа тэги буны көрү билиң! Бэнгү таш тоқытдым, б [у әриг] әрсэр мат, қа әриг йэртэ әрсэр! анча әриг йэртэ бэнгү таш тоқытдым, битидим... (Унга маҳсус зиёратгоҳ яраттирдим. Ичи тошига маҳсус нақш солдиридим, тош ўрнаттирдим, күнгилдаги сўзларимни ул... [ун ўқ авлоди] га, тотгача буни кўриб, билинг! Мангу тош ўрнаттирдим. Бу сайргоҳ бўлгач, мақбара сайргоҳ ерда бўлса! Шундай сайргоҳ ерда мангутош ўрнатдим, [битиг] битидим). (КТк, 12—13).

Кичик битигда унинг ўрнатилиш сабаби баён этилади. Улуғ битигда туркларнинг узоқ ўтмиши, мустақиллик учун олиб борган қураши ҳикоя қилинади. Муаллиф ўтмишни эслаш билан турк давлати ва унинг мустақиллигини сақлаб қолишга чақиради. Асар мазмунини марказлашган давлатни мустаҳкамлаш, халқларни бирлаштиришга чақириқ ташкил этади. Эътибор берилса, Күлтигин ёдномасидаги бир ўрин Унгин ёдгорлигига ҳам, Билга хоқон битигида ҳам шунга яқин мазмунда такрорланади. Бу эса ёдномаларнинг ғоявий жиҳатдан узаро яқинлигини кўрсатади.

Ёдномада Култигиннинг фаолияти, душман билан бўлган курашлар бирин-кетин ҳикоя қилинади. Матн сўнгидаги Култигин ўлимининг санаси қайд этилган: Култигин қон йылқа йэти йигирмикә учды, тоқузынч ай йэти отузқа йоғ эртўртимиз. Барқын бэдизин битигташ [ын] бичин йылқа йётинч ай йэти отузқа қоп алқды (м) ыз (Култигин қўй йилида, ўн еттинчи [кун] да учди (ўлди). Тўққизинчи ой [нинг] йигирма еттисида азасини ўтказдик. Биносини, нақшини, битигтошини маймун йилида, еттинчи ой [нинг] йигирма еттисида бутунлай тугатдик (КТу, 53).

Битигнинг муаллифи Йўллуғ тигиндир.

Култигин битигтошидан унча узоқ бўлмаган ерда унинг акаси Билга хоқон (Мўғилон) шарафига қўйилган ёдгорлик бор. Билга хоқон 683 йилда туғилиб, 734 йилда вафот этган. Битигтош унинг ўлимидан бир йил кейин қўйилган. У 80 сатрдан иборат бўлиб, қариндоши Йўллуғ тигин томонидан ёзилган. Бу ҳақда ёдгорликда шундай қайд этилади: *Билга қаған б(итигин) Йоллуғ тэгин битидим, бунча барқығ бэдизиг узу... қаған атысы Йоллуғ тэгин мэн ай артуқы төрт күн олуруп битидим, бэдизтим* (Билга хоқон битигини Йўллуғ тигин ёздим. Бундай иморатни, нақшни, санъатни... хоқон биродарзодаси Йўллуғ тигин мен бир ою тўрт кун ўтириб ёздим, нақшладим) (БХ, 1).

Унгин (тахминан 731 й.), Куличур (тахминан 721), Мўюнчур (тахминан 759 й.) номлари билан юритиладиган битигтошлар ҳам ана шундай йирик ёдгорликлар бўлиб, тарихий ва адабий маъна сифатида жуда қадрлидир.

## УЙҒУР ЁЗУВИ ВА УНИНГ ЁДГОРЛИКЛАРИ

Қадимда туркий халқлар қўллаган алифболардан яна-бири ҳозир фанда "уйғур ёзуви" деб юритилади. Ушбу ёзув эрамизнинг VI — VIIасрларида сурʼуд хати негизида шаклланди ва узоқ асрлар мобайнида туркларнинг асосий ёзувларидан бири бўлиб келди. Маҳмуд Кошгарий ўзининг "Девону лугатит турк" асарида уни "турк ёзуви" деб атайди ва унинг қадимийлигини таъкидлаб ёзади: "Барча хоқонлар ва сultonларнинг китоблари, ёзувлари қадимги замонлардан шу кунгача, Қашқардан Чингача — ҳамма турк шигарларида шу ёзув билан юритилган" (1, 50).

Маълумки, 960 йилда қорахонийлар давлатида ислом расман қабул қилинди. Шу муносабат билан араб ёзуви

ҳам оммалашди. Ана шу кезлардан бошлаб турклар ҳар икки ёзувни қўлладилар. Уйгур хати кейинчалик ҳам турк дунёсида шуҳрат топди. XIII асрда ундан мўғул хати, мўғул хатидан эса манжур ёзуви ажраб чиқди. Олтин Ўрда давлатида уйгур хатига эътибор кучли бўлган. Тесмурийлар ҳам ўзларининг давлат ишларида мазкур ёзувни кенг қўлладилар. Айниқса, XIV — XV аср Мовароуннаҳр ва Хурросон маданий муҳитида ушбу ёзувнинг ўрни катта бўлди.

Уйгур ёзуви Ўрта Осиёнинг туркий халқлари орасида XV аср охирларига қадар араб хати билан ёнма-ён қўлланилди. Кейинги асрдан бошлаб унинг ўрнини тамоман араб ёзуви эгаллади. Ислом таъсири ҳали тўла етиб бормаган шароитда Турфондаги будда ибодатхоналарида XVII асрда ҳам ундан фойдаландилар.

Кўринадики, руний хатидаги ёдгорликлар қадимги турк давригагина мансуб бўлса, бизгача сақланиб қолган уйғур ёзувли ёдгорликларнинг даври бирмунча кенг: улар қадимги туркий (V—X асрлар), эски туркий (XI—XIV) ва ҳатто эски ўзбек тили (XV) давларига мансуб.

Уйгур хатидаги ёдгорликларнинг энг қадимгилари VI—X асрларга мансуб. Бу даврга оид жуда кўп ёзма ёдгорликлар маълум. Айниқса, улар орасида Шарқий турк маданий муҳитида яратилган обидаларнинг ўрни катта. Маълумки, VIII асрнинг иккинчи ярмида иккинчӣ турк хоқонлигининг емирилиши натижасида маркази аввал Қорақурум, кейинроқ Турфонда бўлган уйғур хоқонлиги ташкил топди. Энди туркий адабиёт ва маданиятнинг маркази ҳам шу ерга кўчди. Шарқий туркларда Энасой туркларидан фарқли ҳолда монивийлик, буддизм ва қисман христианликка ҳам амал қилинди. Бу, ўз навбатида, таржима адабиётнинг ривожланувига йўл очиб берди. Турклар билан қўшни яшаган халқлар тилидан ана шу диний қарашларни акс эттирувчи асарлар таржима қилина бошлади. Будда, монивий диний ғояларини туркларга сингдиришда бундай таржималар қулай восита сифатида кенг тарқалди.

Уйгур хатидаги қадимги турк даврига оид диний-фалсафий асарлар уч гуруҳга бўлинади: будда, монивий ва християн ёдгорликлари. Улар орасида энг кўп тарқалгани будда ёдгорликлариdir.

Будда ёдгорликларидан бири санскритча "Суварнапрабҳаса" асарининг хитойча вариантидан қадимги туркий

тилга қилингандар таржимадир. Унинг туркча номи "Алтун ёңлүг йаруқ йалтрықлығ қопда көтүрүлмүш ном элиги" ("Олтин рангли нур товланадиган, ҳаммадан буюк бўлган китоб тождори") бўлиб туркшунослигимида қисқача "Олтун ёруқ" дейилади. Мазкур асарни X асрда Бешбалиқда яшаган Сингқу Сели тутунг хитой тилидан таржима қилган. "Олтун еруқ" нинг ўнга яқин қўллёзмаси маълум. Бошқаларига нисбатан тўлиқ бўлган бир қўллёзмаси XVII аср охирларида кўчирилган бўлиб, ҳозир Россия ФА Шарқшунослик институтининг Санкт-Петербург бўлимида сақланмоқда. Уни С. Е. Малов 1910 йилда Шарқий Туркистонга экспедицияси чоғида олиб келган. Мана шу қўллёзмани В. В. Радлов ва С. Е. Малов нашр эттирилдилар. F. Абдураҳмонов ва A. Рустамов ҳам ўзларининг "Қадимги туркий тил" китобига ушбу асарнинг бир бўлагини киритдилар.

Будда адабиётининг нодир ёдгорликларидан яна бири "Майтри симит" ("Майтри симит ном битиг") деб юритилади. *Майтри* — бўлгуси будда, *симит* — учрашув, яъни "Майтри билан учрашув" деган маънони беради. Ушбу асарнинг ҳам бир қанча қўллёзмаси маълум. Уларнинг энг мукаммали 1959 йилда Қумул яқинидан топилган (Шарқий Туркистон).

"Майтри симит" асли анаткак (санскрит) тилидаги асар бўлиб, анаткак тилидан тўхри тили (эроний тиллардан бири)га, ундан эса Партанаракшиц исмли шахс қадимги туркий тилга ўтирган. Бу ҳақда асарнинг ўзида ҳам маълумот берилади. Лескин асар қачон туркий тилга таржима қилингандиги маълум эмас. Шунингдек, Қумул қўллёзмасининг кўчирилиш санаси ҳам бирон ўринда қайд этилмаган. Ҳар икки масала юзасидан бир қанча фикрлар билдирилган: баъзи олимлар маълум белгилари асосида асар туркий тилга VIII—IX асрлар оралиғида таржима қилингандеса, бошқа бирлари X, ҳатто XI асрга ҳам нисбат берадилар.

Асар тилининг урхун-энасой сдгорликлари тилига яқинлиги мазкур ёдгорлик туркий тилга тахминан IX асрда таржима қилингандар дейишга имкон беради. Қумул қўллёзмасининг хати ҳам кўхна ёзув туридадир. Мазкур қўллёзма китобни туркларнинг ажойиб ва нодир ёдгорлиги деса бўлади.

"Майтри симит" қадимги туркий адабиётининг ilk драматик асари. У 27 бўлимдан иборат булиб, ҳар

қайсисида дастлаб воқеа ўрни тасвирланади. Шундан сўнг қаҳрамонлар суҳбати диалог шаклида берилади.

Немис олимаси А. Ф. Габен 1957, 1961 йилларда ушбу асарнинг маълум қисми фотосини нашр эттирган. Шинжон ҳалқ нашириёти (Урумчи) эса 1988 йилда Қумул қўлёзмасининг маълум қисмини чоп этди. Будда ёдгорликлари орасида Турфондан топилган "Секиз юкмак", "Тишаствистик" сутраси, "Шаҳзодалар Қалянамқара ва Папамқара ҳақида қисса" ва будда афсоналаридан парчалар ҳам бор.

Монивий ёдгорликларига мисол қилиб "Хуастуанифт" ("Монивийларнинг тавбаномаси") асарини кўрсатиш мумкин. "Хуастуанифт"нинг уч қўлёзмаси маълум: Турфон яқинидаги Остона деган жойдан топилган Санкт-Петербург қўлёзмаси уйғур ёзувида. Турфондан ҳамда Минг будда горидан топилган Берлинда ва Лондонда сақланаётган қўлёзмалари эса монивий хатидадир. Асарнинг чет элдаги қўлёзмалари А. Лекок томонидан немис ва инглиз тилларида, уйғур ёзуви нусхаси В. В. Радлов томонидан немис тилидаги таржимаси билан нашр этилган. 1963 йилда Л. В. Дмитриева ҳар учала қўлёзмаси асосидаги матнини рус тилига таржимаси ва изоҳлари билан нашр этирди.

Асар дастлаб қадимги эроний тиллардан бирида яратилган бўлиб, кейин қадимги туркий тилга ўгирилган. Лекин қачон таржима этилганлиги маълум эмас. В. В. Радлов айрим белгиларига асосланиб, таржима У асрга мансуб дейди. С. Е. Малов ҳам унинг араб истилосигача таржима этилганлигини тан олган эди. Асар тилининг урхун-энасой ёдгорликлари тилига яқинлиги унинг қадимги турк даврида таржима қилинганлигини кўрсатади.

Қадимги турклар орасида қисман насторийлик (христианлик) ҳам ёйилган. Лекин туркий тилда насторийликка мансуб ёдгорликлар жуда кам. Уларга мисол қилиб, "Христианликнинг сигиниш битиги"ни кўрсатиш мумкин.

## ҚАДИМГИ ТУРКИЙ АДАБИЙ ТИЛ ФОНЕТИКАСИ ВОКАЛИЗМ

Ёзма ёдгорликлар қадимги туркий тилда саккизта унли товуш мавжуд бўлганлигини кўрсатади: *a*, *ə*, *ы*, *и*, *о*, *ө*, *ү*. Бу унлилар ҳосил бўлиш ўрнига кўра иккига бўлинади:

Орқа қатор унлилар: *a*, *ы*, *о*, *у*.

Олд қатор унлилар: *ә*, *и*, *ө*, *ү*.

Лабларнинг иштирокига кўра ҳам икки хил:

Лабланмаган унлилар: *a*, *ә*, *ы*, *и*.

Лабланган унлилар: *о*, *ө*, *у*, *ү*.

Қадимги туркий тилда сўзлар ҳам, морфемалар ҳам қаттиқ ва юмшоқ турларга бўлинади. Қаттиқ ўзакли сўз ва шакллар фақат орқа қатор унлилар ва ундошларнинг қаттиқ талаффуз этилувчи вариантларидан тузилган бўлади. Юмшоқ ўзакли сўз ва шакллар эса олд қатор унлилар ва ундошларнинг юмшоқ талаффузли вариантларидан тузилади.

Ҳозирги ўзбек адабий тилидаги *а* унлиси ёдгорликлар тилида икки мустақил товуш: орқа қатор *а* ва олд қатор *ә* сифатида фарқланади. Орқа қатор *а* унлиси қаттиқ морфемаларда, *ә* эса юмшоқларида келади:

*аб* "ов", *ат* "от", *ал-* "ол"-

*әб* "уй", *әт* "эт, гўшт", *әл* "қўл"

*ы* билан *и* ҳам мустақил товушдир. Биринчиси қаттиқ морфемаларда, кейингиси юмшоқларида келади:

*йығ-*"йиғ"-, *тық-*"тиқ"-

*йиғ* "яхши", *тиқ-*"тиқ"-

Қадимги туркий тилда лабланган орқа қатор о лабланган олд қатор *ө* га қарама-қарши қўйилади:

*от* "олов", *тор* "тузоқ" бол-(быть), *ол* "у"

*өт* "дори", *төр* "йўнинг тўри", *బөл-*(делить) *өл-*"ўл"-

Ёдгорликлар тилида у билан *ү* ҳам мустақил товушлардир: *уч* "тугаш жой", *туз* "ош тузи"

*уч* "З", *туз* "тўғри, чин".

Қадимги туркий тилда бирламчи чўзиқ унлилар ҳам фарқланган. Бундай чўзиқлик турк руний хатида маҳсус усул билан, уйғур ва монивий ёзувларида эса ҳарфларни иккилантириш йўли билан ифода этилган. Жумладан, урхун-энасой ёдгорликларида қуйидаги сўзларда чўзиқликни учратамиз: *а:т* "исм, от", *а:чық* "оч", *а:рқада* "орқада"; *ба:й* "бой", *йа:ш*"ёш", *та:ш* "ташқи" ва б. Уйғур ёзувли ёдгорликларда: *ө:ч* "уч, қасос", *о:т* "олов" *йи:л* "ел, шамол" ва б. Мазкур чўзиқлик мустақил эмас, балки қисқа унлиларнинг фонетик вариантидир деб қараш тўғрироқ бўлади.

## КОНСОНАНТИЗМ

Урхун-энасой ёдгорликлари тилида жарангсиз *n*, *t*, *s*, *ш*, *ч*, *х*, *к* ундошлари, жарангли *b*, *d*, *з*, *r*, *г* ундошлари, *m*, *н~ñ*, *ң*, *p*, *л*, *й* сонорлари фарқланган. Уйғур ёзуви ёдгорликлар тилида эса *в*, ўзлашган сўзлар таркибида *х*, *ж*, *ф* лар ҳам учрайди.

Қадимги туркий тилнинг қуйидаги хусусиятлари мавжуд. Жумладан, сўз бошида *м* билан бир қаторда *б* ҳам кела олган. Бу хусусият ёдгорликларга қараб бир-биридан фарқ қилган: руний битигларида *б* (*бән*, *буң*, *бүн*), уйғур ёзуви ёдгорликларда *м* келган (*мән*, *муң*, *миң*). Ҳар икки гуруҳ ёдгорликларнинг бир-биридан айириб турувчи яна бир хусусияти бор: урхун-энасой ёдгорликларидан олинган қуйидаги мисолларни кузатинг: *табғач*, *табар*, *аб*, *суб*, *саб*, *чаб*. Бу сўзлардаги *б* ўрнида уйғур ёзуви ёдгорликларда *в* келган: *тавғач*, *тавар*, *ев*, *сув*, *сав*, *чав* каби.

Қадимги туркий тилда *д*-лашиш кучли: *бод* "бўй", *қод*-*"қўй"*-, *тод*-*"тўй"*-, *ыд*- *"юбор"*, *әдгү* "эзгу", *қадғу* "қайғу"; *адғыр* "айғир", *адақ* "оёқ" ва *б*. Ўша даврда *д* билан келган сўзлар ҳозирги ўзбек тилида *й*, *з*, *г* га айланган: *қадғу* > *қайғу*, *тод*->*тўй*; *әдгү* > *эзгу*; *иди* > *идә* > *ийә* > *эга*. Баъзан ҳозирги тилимизда қадимги *д* нинг қолдиқлари ҳам учрайди: *қудуқ*, *идиши*.

Урхун ёдгорликлари тилида назаллашган һ ҳам учрайди: *қоһ* "қўй", *чығай* "камбағал".

Урхун-энасой ёдгорликларида *х* йўқ; унинг ўрнида қ келади: *қаған* "хоқон", *қалық* "осмон", *қалы* "агар", *қатун* "хотин" каби.

## УНДОШЛАРДАГИ ЮМШОҚЛИҚ ВА ҚАТТИҚЛИҚ

Ёзма ёдгорликлар тилида олд қатор унлилар билан ёндош келган ундешлар уйғунлик қонунинг мувофиқ уларга мослашиб юмшоқ талаффуз этилади. Жумладан, *билиг*, *көнгүл*, *тәңқри* каби сўзларда олд қатор унлилар таъсирида ундошлар ҳам юмшоқ (*б*', *л*', *з*', *к*', *ң*', *т*', *r'*) талаффуз этилади. *Йол*, *қаған*, *ат* каби сўзларда орқа қатор унлилар билан фақат қаттиқ ундошлар (*й*, *л*, *ң*, *r*, *н*, *t*) келади. Маълумки, *қ*, *ғ* фақат қаттиқ сўз ва шаклларда, *к*, *г* эса юмшоқларида келади. Лекин қолган ундошларни ҳам қуйидаги юмшоқ ва қаттиқ вариантларга ажратиш мумкин: *б*-*б*', *д*-*д*', *й*-*й*', *л*-*л*', *н*-*н*', *r*-*r*', *c*-*с*', *t*-*t*', *ң*-*ң*' ва *б*.

Руний хатида туркий тилнинг ана шу ҳусусияти жуда уйлаб ҳисобга олинган эди. Бу ёзувда бир қатор ундошларнинг юмшоқ ва қаттиқ вариантларига алоҳида-алоҳида ҳарфлар бор. Уйғур ёзувидаги ундаидар эмас. Бир ҳарф товушнинг ҳар икки вариантини ифода этавсрган.

### СИНГАРМОНИЗМ

Сингармонизм деб сўздаги товушларнинг бир-бирига ҳамда қўшимчаларнинг талаффузига кўра мослашувига айтилади. Ёдгорликлар тилида сингармонизмнинг қўйидаги турлари кузатилади:

1. **Унлилар уйғунлиги.** Бу қонун икки хил:

1) Танглай уйғунлиги: сўздаги товушларнинг бир-бирига ва қўшимчаларнинг ўзакка қаторда ва қалин-ингичкаликда мослашуви. Мазкур қонунга кўра ўзак-негизга қўшиладиган аффикслар ҳам фонетик вариантлардан иборат бўлади:

қапығ "эшик", билиғ "билим"  
қағанқа "хоқонга" эбкә "уйга"  
огузгару "ўғузга" илгәру "олдинга"

2. Лаб уйғунлиги: биринчи бўғиндаги унлига кейинги бўғиндаги унлиниң ёки ўзакнинг охирги бўғинидаги унлига қўшимчадаги унлиниң лабланиш жиҳатдан мослашуви:

әлимиз "давлатимиз" сўмуз "лашкаримиз"  
атым "отим" бодунум "халқим"

Бу қонунга кўра ҳам бир қатор аффиксларнинг лабланган унлили ва лабланмаган унлили вариантлари булган. Жумладан; қаратқиң аффикси -ның, -ниң нинг -нуң, -нуң варианти, сифат ясовчи -лығ, -лиғ аффиксининг -луғ, -луғ варианти ҳам бор.

II. Ундошлардаги жаранглилик ва жарангсизлик уйғунлиги. Мазкур қонунга мувофиқ ўзак-негиз жарангсиз ундош билан тугаса, қўшимчанинг биринчи товуши ҳам шунга мослашади, яъни жарангсиз ундошли булади: отқа "оловга", тиләккә "тилакка". Ўзак-негиз унли товуш, жарангли ёки сонор билан тугаган бўлса, унда аффикснинг жарангли ундош билан бошланувчи варианти қўшилади: йулғуч "омбир", бардуқ "борган".

Қадимги туркий тилда ўзак-негиз унли, жарангли ёки сонор билан тугаган ҳолда ҳам қўшимчанинг фақат

жарангсиз ундошли варианти қўшилиши мумкин. Жумладан, урхун ёдномаларида жўналиш келишиги аффикснинг -қа, -кә вариантигина қўлланилган. Ўзак-негиз охирги товуши қандай булишидан қатъи назар шу варианти қўшилган; *тағқа* "тотга", *қапығқа* "эшикка", *йарқа* "срға", *өгүзқа* "дарёга" ва б. Бу хусусият эски туркий тил даврида ҳам қисман давом этган. Жумладан, эски туркий тилнинг "Қутадғу билиг", "Девону луғатит турк" каби ёдгорликларида ҳам бу шакл устун. Шу билан бирга унинг -ға, -ғә варианти ҳам учрайди. Кўринадики, жаранглилик ва жарангсизлик уйғунилиги ксийинчалик кенгроқ амал қила бошлаган.

Жаранглилик ва жарангсизлик уйғунилиги қонуни асосида аффиксларнинг жарангли ундош билан бошланувчи ҳамда жарангсиз ундош билан бошланувчи варианtlари бўлган. Жумладан, сифатдошнинг -дуқ, -дук // -туқ, -туқ; -дачы, -дәчи // -тачы, -тәчи, равишдошнинг -ғалы, -ғәли // -қалы, -қәли аффиксли варианtlари қўлланилган ва б.

## ҚАДИМГИ ТУРКИЙ АДАБИЙ ТИЛИНИНГ МОРФОЛОГИК ХУСУСИЯТЛАРИ

Қадимги туркий адабий тили морфем тузилишининг ҳозирги ўзбек адабий тили билан мос келувчи ва фарқ қилувчи томонлари бор. Баъзи шакллар истеъмолдан чиқсан бўлса, баъзиларининг вазифаси ўзгарган. Айримлари турли фонетик ўзгаришларда ҳозирги тилимизда ҳам учрайди. Қадимги туркий тилда мавжуд бўлиб, ҳозирги ўзбек адабий тилида сақланмаган, лекин умумхалқ тилида ёки бошқа туркий тилларда учрайдиганлари ҳам бор. Қадимги туркийда фаол саналган айрим шакллар ҳозирги ўзбек тилида қолдиқ сифатида ҳам учраши мумкин.

Маълумки, давр утиши билан морфемалар маъно ўзгаришига учраши мумкин; сўз-морфема ҳам, аффикс-морфема ҳам ўз маъносини йўқотади. Яъни улардан бири истеъмолдан чиқади. Шунда тарихан мустақил морфемалар бир сўзга айланиб, ҳозирги пайтда маъноли қисмларга бўлинмайдиган бўлиб қолади. Жумладан, ҳозирги бошла, ишла сўзларини биз осонлик билан икки морфемага ажратса оламиз. Улар қадимда ҳам шундай бўлинган: *баш-ла*, *иш-ла*. Лекин ула сўзи ҳозирги тилимизда иккига ажралмайди. Қадимги туркий тилда эса икки морфемага бўлинган: *у* — *боғ*, *-ла* — *фөъл* ясовчи. Ҳозирги тилимизда

бир бўлак сифатида қарайдиган алда сўзи ҳам қадимги туркий тилда икки: ўзак (ал—ҳийла) ва аффикс (да—фесьл ясовчи) морфемаларга ажралади. Биз қўллайдиган қишин-ёзиндаги -ин ҳозирги тилимиз учун мавҳумдир. Шунинг учун биз ҳозирги тилимиз меъёрига биноан уларни морфемаларга бўла олмаймиз. Лекин тарихан -ин восита келишигининг кўрсаткичи бўлган ва шунга биноан морфема ҳисобланган: қышын, йазын. Ҳозирги тилимизда восита келишиги ўрнини кўмакчилар эгаллаган. Шунинг учун бу сўзларни ҳозирги тилимизга қиши билан, ёзи билан деб ўғирамиз. Ҳозирги илгари, ташқари, юқори сўзларимиз ҳам тарихан икки морфемага бўлинган: илгари, ташқару, йуқ-(қ) ару. Ушбу мисоллардаги -қару, гәру жўналиш аффиксининг тарихий шаклидир.

Ёдгорликларни кузатар эканмиз апасы, элчиси сўзларини қуидаги тартибда морфемаларга бўла оламиз: апа-сы, эл-чи-си. Чунки апа, элчи сўзларининг маъноси маълум. Энди усы сўзи биз учун бир оз мураккаб, чунки у ҳозирги тилимизда учрамайди. Қадимги туркий тилда бу сўз "уйқу" маъносини англатган. Шунинг учун усы сўзи тарихан икки морфемага ажралган: у-сы "уйқуси. Оғулқа даги -қа жўналиш келишиги кўрсаткичи. ықа даги -қа ҳам худди шу аффикснинг ўзи. Сабаби ы қадимги туркийда "ўт, ўсимлик" маъносини билдирган (ықа—ўтга).

Демак, ёдгорликлар тилини морфологик таҳлил этганда ҳозирги тил нуқтаи назаридан эмас, балки морфемаларнинг ўша даврдаги ҳолатидан келиб чиқиб бўлакларга ажратмоғимиз лозим.

Муҳим томони яна шундаки, қадимги туркий тил морфемалари ҳозирги адабий тилимиздагидан фонетик вариантларининг борлиги билан фарқланади. Ҳозирги адабий тилимизда кўпроқ морфологик принципга амал қилинса, ўтмишда фонетик принцип устун бўлган. Яъни талаффуз қандай бўлса, ёзувда ҳам кўпроқ шунга амал қилинган ва бу адабий тил меъёри ҳисобланган.

Энди қадимги туркий адабий тилининг сўз туркумларига хос муҳим хусусиятларни кўриб чиқамиз.

## ОТГА ХОС ХУСУСИЯТЛАР

*Кўплик.* Қадимги туркий тилда кўпликнинг асосий ва кенг қўлланилган қўшимчаси -лар, -лэр дир: атлар

"отлар", бәгләр "беклар", әрләр "эрлар", күдәгүләр "куёв-лар".

Бундан ташқари кўпликтининг бошқа кўрсаткичлари ҳам бўлган. Жумладан, -ан, -эн: оғул—оғлан, әр—әрен. -т аффикси: тәгин (шаҳзода)—тәгит (шаҳзодалар), тарқан (тархон)—тарқат (тархонлар).

Қадимда биз, сиз сўзларидаги з кўпликтин англатган деган факрлар бор (би—мен, си—сан сўзларидан). Шунингдек, мазкур аффикс тарихан иккиликни ҳам англатган дейиш мумкин: мөңуз "шох", көкүз "кўкрак", мәңиз "юз", икиз "эгизак".

*Келишик.* Қадимги туркий тилда келишиклар еттита:

1. Бош к.—
2. Қаратқич к. -ның, -ниң // -нүң, нүң; -ың, -иң// -үң, үң.
3. Жўналиш к. -қа, -қә // -ға, -ғә; -ғару, -ғару // -қару, -қару; -а, -ә; -ру, -рү; -ра, -рә.
4. Тушум к. -н; -ны, -ни; -ы, -и; -ғ, -ғ (-ығ, -иғ // -уғ, -үғ).
5. Ўрин-пайт к. -та, -тә // -да, -дә.
6. Чиқиши к. -дын, -дин // -тын, -тин; -дан, -дэн // -тан, -тэн, -да, -дә // -та, -тә.
7. Восита к. -н (-ын, -ин // -ун, -ун).

Жадвалдан кўринадики, қаратқич қўшимчаси -ның, -ниң; -ын, -иң, шунингдек, ўзак-негизнинг охирги бўгинида лабланган унли бўлган тақдирда ана шуларнинг -нүң, -нүң; -үң, -үң варианти қўшилган.

Қадимги туркий тилда жўналиш келишигининг кўрсаткичи бир қанча бўлган. Урхун ёдгорликларида жўналишнинг -ға варианти ўрнида ҳам -қа, -қә қўлланилган: тағқа "тоғга", қапығқа "қопиққа", йәрқа "ерга", өғүзқа "дарёга", Жўналишнинг -ға, -ғә шакли энасой ёдгорликларидагина қўлланилган: қунчуйымға "бекачимға", эдгүгэ "эзгуға". Таъкидлаш лозимки, қадимги туркийда -қа, -қә устун эди.

Ёдгорликларда жўналишнинг -ғару, -ғару // -қару, -қару (-қа + - ру) қўшимчаси ҳам қўлланилган: оғузғару "ўғизга", йоқ (қ) ару "юқорига", илғару "илгарига", эбгәрү "уйга".

-а (-йа), -ә (-йә) аффикси: бодунума "халқимга", қаныңа "хонингга", инимә "инимга", бирийә "ўнгга", йырайа "сўлга".

-*и*, -*и* кўрсаткичи: *ацару* "унга қараб". -*ра*, -*ра:* *ташра* "сиртга", *иҷра* "ичга".

Қадимги, қисман эски туркий тилга хос бўлган -*ғару*, -*ғару* аффиксининг қолдиқларини ҳозирги ўзбек тилида ҳам учратамиз. Ҳозирги *иҷкари*, *тескари*, *ташқари*, *юқори* сўзларидаги -*қари*, -*қари* бўлаклари қадимги жўналиш қўшимчасининг қолдиқларидир. Лекин у ҳозирги тилимизда ўз маъносини йўқотиб, сўз таркибида сингиб кетган. Шунинг учун бу сўзларга жўналиш қўшимчаси қўшиб ҳам, қўшмай ҳам қўллаш мумкин. Солиштиринг: *иҷкари* *кирди* — *иҷкарига* *кирди*, *тескари* *ўғирилди* — *тескарига* *ўғирилди*, *ташқари* чиқди — *ташқарига* чиқди... каби.

Қадимги туркий адабий тилида тушум келишигининг -*и*; -*ни*; -*ы*, -*и* аффикслари билан бир қаторда -*ғ*, -*ғ* аффикси ҳам кенг қўлланилган. Бу аффикс ундош билан тугаган сўз ва шаклларга қўшилганда олдида бир тор унли пайдо бўлади. У негизнинг қалин-ингичкалиги, охирги бўғин унлисининг лабланган-лабланмаганилигига боғлиқ: бодунуғ "халқни", сўғ "лашкарни", исиг "ишни", *ташығ* "тошни".

Ўрин-пайт қўшимчаси -*та*, -*тә* // -*да*, -*дә* дир: *элтә*", "элда", *қағанта* "хоқонда", *тағда* "тогда".

Чиқиши келишигини ифодалаш учун -*дын*, -*дин* // -*тын*, -*тин*; -*дан*, -*дән* // -*тан*, -*тән* билан бирга -*да*, -*дә* // -*та*, *тә* ҳам қўлланилган.

Қадимги туркий тилда ҳозиргидан фарқли ҳолда еттинчи — восита келишиги ҳам қўлланилган. Бу келишик аффикси -*и* булиб, сўзнинг табиатига боғлиқ ҳолда -*ын*, -*ин* // -*ун*, -*үн* шаклига эга бўлади: Көзүн көрмәдүк, қулқақын әситмәдүк "Кўзи билан курмаган, қулоғи билан эшифтмаган".

Восита келишигининг қолдиқлари ҳозирги ўзбек тилида ҳам учраб туради. Жумладан, у қишин-ёзин сўзлари таркибида сақланиб қолган (қиши билан, ёзи билан ёки қиши буйи, ёз буйи).

## СИФАТГА ХОС ХУСУСИЯТЛАР

Қадимги туркий тилда *көк*, *қызыл*, *йашыл*, *сәмиз*, *улуғ*, *кичиг* каби аслий сифатлар билан бир қаторда *йағысыз*, *йылсығ* (давлатли), *қон-тәг* (қўйдек) каби нисбий сифатлар ҳам қўлланилган. Шунингдек, ҳозирги ўзбек тилидаги каби қадимги ёдгорликлар тилидаги сифатларни ҳам уч

даражага ажратиш мумкин: 1) оддий даража: қызыл "қизил", қара "қора"; 2) қиёсий даража -рақ, -рәк аффикси билан ясалган; 3) ортирма даража маҳсус сўз қўшиб ясалган: эң илки "анг аввал".

## СОНГА ХОС ХУСУСИЯТЛАР

Қадимги туркий тилда тартиб сон -ни; -ни аффикслари билан ясалган: иккити "иккинчи", учунч "учинчи", бисинч "бешинчи", йэтинч "еттинчи", онунч "ўнинчи", йигирминч "йигирманчи". Ёдгорликларда "аввалги, биринчи" сўзи баштынқы, илки; "ўттизинчи" эса отузқы шаклларида ҳам учраган.

Жамловчи сон -ғу, -ғу аффикси билан ясалган: учегу "учов". Тақсим сон - (р) ар, (р) -эр қўшимчаси билан ифодаланган: бирэр "биттадан", икирэр "иккитадан".

Қадимги туркий тилда икки хонали сонларда қўйидаги тартиб бўлган:

1) аввал бирлик айтилиб, кейин шу сон қўшилган ўнлик эмас, балки ундан юқори ўнлик айтилган: йётийигирми "17", сәкиз йигирми "18", алты отуз "26", бис йигирми "15"; 2) ҳозиргига яқин тартиб бўлиб, фақат ўнликдан сўнг артуқы сўзи қўшилган: отуз артуқы төрт "34". Кўринадики, туркий тилларнинг кейинги тараққиёт даврида иккинчи усул устун даражага қўтарилди.

Қадимги ёдгорликларда аз (оз), қон (кўп) үкүш (кўп), қамуғ (бари) сонлари ҳам қўлланилганин.

## ОЛМОШЛАР

Қадимги туркий тилда қўйидаги олмошлар қўлланилган: Кишилик олмошлари:

I ш. мән, бән биз

II ш. син, сән сиз

III ш. ол олар

Кўрсатиш олмошлари: бу, ол.

Ўзлик олмошлари: өз, кәнту.

Сўроқ олмошлари: ким?, кимкә?, нә?, нәкә?, қалы?

Белгилаш олмошлари: қамуғ (ҳамма), бары, барча, бунча.

Инкор олмоши: нән "ҳеч".

## ФЕҮЛГА ХОС ХУСУСИЯТЛАР

*Сифатдош.* Қадимги туркий тилда сифатдошларнинг қуидаги аффиксли шакллари қўлланилган:

-тачы, -тәчи // -дачы, -дәчи аффиксли сифатдош: қалтачы — қолувчи, өлтәчи — ўлувчи, болдачы — буладиган.

-дүк, -дүк // -туқ, -туқ аффиксли сифатдош: бардуқ — борган, қазғантук — фойдаланган, кәлмәдүк — келмаган.

-мыш, -миш // -мыс, -мис // -муш, -мұш аффиксли сифатдош: болмыш — бўлган, кәлмиш — келган, өтүнмұш — ўтинган.

-р аффиксли сифатдош: көрүр көзүм — кўрап кўзим, билир билигим — биладиган ақлим. Бу аффикс баъзан -йур, -йур шаклида ҳам қўшилган: Атығ ықа байур эртимиз — Отни бутага бойлар эдик.

Келаси замон сифатдошининг бўлишсиз шакли -маз, -мәз аффиксини қўшиб ясалган: кәлмәз — келмас, билмәз — билмас.

-ғу, -ғу аффиксли сифатдош: барғу — бориладиган, кирғу — кириладиган.

-ғлы, -ғли аффиксли сифатдош: барығлы — борадиган, кәлиғли — келадиган, көрүғли — курадиган.

-ғма, -ғмә аффиксли сифатдош: йаратығма — ясалган, тутуғма — тутадиган, көрүнгәмә — куринадиган, куринувчи.

-ғучы, -ғучи // -кучы, -кучи аффиксли сифатдош: айғучы — маслаҳатчи, қулғучи — куловчи.

-сық, -сик // -суқ, -сүк; сығ, -сиг // -сүғ, -сүғ аффиксли сифатдош: алқансық — олқишлинувчи, тутусуқ — тутшишилик.

*Равишдош.* Қуидаги аффикслар равишдош ясаган:

-п (-ып, -ип // -уп, -үп) аффикси: қылыш — қилиб, олуруп — ўтириб, тәп — деб, сунгушуп — урушаб.

-а, -ә аффикси: ача — очиб, кәчә — кечиб, уча — учиб.

-у, -ү (-у, -үй) аффикси: өлү — улиб, сүләйү — урушаб, көрү — кўриб.

-пан, -пән аффикси: йорыпан — юрибон, кәлипән — келибон, тутупан — тутибон.

-ғалы, -ғәли // -қалы, -қали аффикси: алғалы — олгани, уққалы — уққани, олурғалы — ўтиргани, өлғәли — ўлгани.

*Замон шакллари.* Ўтган замоннинг биринчи шахс бирлиги -дын, -дим/-тын, -тим аффикси билан (бардым), учинчи шахс бирлиги эса -ды, -ди // -ты, -ти аффикси билан ясалган:

*өлти* — ўлди, *қалмады* — қолмади каби. Биринчи шахс кўплиги эса *-миз*, *-биз* қўшимчаси билан ясалган: *суңусдимиз* — урушдик, *тæгдимиз* — етдик.

Иккинчи шахс бирлиги *-дығ*, *-диг* // *-тығ*, *-тиғ* аффикси билан ҳам ясалган; *адырылтығ* — айрилдинг. Купликда унга *-ыз*, *-из* қўшилган: *эртигиз* — эрдингиз.

Бошқа замон шаклари сифатдош, равишдош қўшимчалари билан ясалади.

*Буйруқ шакли*. Ёдгорликларда буйруқнинг иккинчи шахс бирлиги феъл негизи билан бир хил: *бар-*, *биликаби*. Кўплиги эса ана шу шаклига *-қ* қўшимчасини қўшиб ясалган: *барық*, *билиқ*.

Буйруқнинг учинчи шахс бирлиги қадимги туркий тилда *-зун*, *-зүн* аффикси билан ясалган: *йарлақазун* — ёрлақасин, *барзун* — борсин.

Ёдгорликларда буйруқ шакли *-ғыл*, *-ғил* // *-қыл*, *-қил* аффикси билан ҳам ясалган: *урғыл* — ургин, *эсидғил* — эшигил.

Истак шаклининг биринчи шахс бирлиги *-(а) йын*, *-(ә) йин* аффикси билан ясалади: *айтайын* — айтай, *болайын* — бўлай, *тиләйин* — тилай. Биринчи шахс кўплиги эса *-(а) лым*, *-(ә) лим* аффикси билан ясалган: *қабысалым* — бирикайлик, *баралым* — борайлик, *сұләлим* — урушайлик.

Шарт шакли *-сар*, *-сәр* аффикси билан ясалган: *тод-сар* — тўйса, *сұламасәр* — лашкар тортмаса, *келсәр* — келса.

## ЭСКИ ТУРКИЙ АДАБИЙ ТИЛ

### ЭСКИ ТУРКИЙ АДАБИЙ ТИЛИНИНГ НОМЛАНИШИ

Халқ тили билан адабий тил қадимги даврларданоқ фарқланган. Биз ҳозирда "эски туркий адабий тил" деб атаётган тил ёзма манбаларда халқ тилидан фарқли ўлароқ бир қанча ном билан юритилган.

Маҳмуд Кошғарий туркий тилларни текширап экан, аввал бор диалектлар билан адабий тил орасидаги фарқни кўрсатиб берди. Уларни чуқур таҳлил қилиб, илмий хуносалар чиқарди.

Маълумки, XI асрда туркий тилларнинг гарбий диалектлари шарқий диалектлардан ўзаро фонетик, лексик, морфологик, услубий жиҳатдан фарқ қиласр эди. Маҳмуд Кошғарий диалектлар орасидаги ана шу узига хосликларни кўрди ва уларни тасниф қилди. У гарбий диалектларни

асосан "ўғуз тили", шарқий диалектларни эса "турк тили" номи остида умумлаштириди. Етакчи шарқий диалектларга асосланган "турк тили" қадимги туркий адабий тилининг давоми бўлиб, у қорахонийлар ўлкасидаги асосий шеваларни асос қилган адабий тил эди. Маҳмуд Кошгарий қорахонийлар марказий ўлкасида яшайдиган халқнинг тилини умумий адабий тилнинг асоси деб ҳисоблаган. Шунинг учун у адабий тилни марказий ўлкаларга нисбат бериб баъзан "хоқония тили" деб ҳам айтади. У шундай ёзади: "Тилларнинг енгили ўғузча, энг тӯғриси, яхшиси йағма, тухсы кабиларнинг тили ва шунингдек, Ила, Эртиш, Ямар, Этил водийларидан уйғур шаҳарларигача бўлган жойларда яшовчилар тилидир. Буларнинг ичидаги очиқ ва равон тил — хоқония ўлкасида яшовчиларнинг тилидир. Баласағуналиқлар сүғдча ва туркча сўзлайдилар. Тыраз ва Мадинатулбайза шаҳарларининг халқлари сүғдча, ҳам туркча сўзлайдилар. Испижаб [ҳозирги Чимкент] дан то Баласағунғача бўлған аргу шаҳарларининг ҳаммасида яшовчиларнинг тилида ҳам камчилик бор. Қашқарда канжакча сўзлашадиган қишлоқлар бор. Шаҳар ўртасида турувчилар хоқоний туркласида сўзлайдилар" (I, 66). Демак, "Девону лугатит турк" да бошқа туркий диалектларга нисбатан айтилган "турк тили", "хоқония тили" атамалари бу адабий тилдир.

Юсуф Хос Ҳожиб "Қутадғу билиг" достонининг кириш қисмида шундай жумлани ўқиймиз: Мачин алымлары ва ҳакимлары қамуғ иттифақ болдылар-ким Машриқ вилайатында, Тўркистән элләриндә Буғрахон тилинчә бу китабдаги йаҳшырақ ҳаргэз ким эрсә тасниф қылмады (Мочин олимлари, донишмандлари бир қарорга келдиларки, Машриқ вилоятида, Туркистон элларида Буғрахон тилида бирор кимса ҳаргиз бу китобдан яхшироқ (китоб) ёзган эмас).

Жумлада "Буғрахон тили" деган атама бор. Бу ўринда "Буғрахон тили" қандайдир ҳукмрон табақаларга хос тил эмас, балки Буғрахон тасарруфидаги хақларга тушунарли бўлган адабий тилдир.

Адаб Аҳмад Юғнакийнинг "Ҳибату-л-ҳақойиқ" асарида "Кошғар тили" деган атама қўлланилган:

Тамамы эрур Кашгарый тил билә,  
Айытмыш адъб риққати тил билә.  
Агар билсә Кашгар тилин ар киши,  
Билўр ол адибның нәким аймыши.

(Асарнинг тили бошдан-оёқ кашғарчадир. Адіб (ана шу) бадий тил билан айтган. Агар ҳар киши кашғар тилини билса, у киши адібнинг барча айтганларини билади).

Кўринадики, бу байтларда тилга олинган "кашғарий тил"— бу адабий тилдир. Адіб Аҳмад ўз асарини ана шу адабий тилда яратган.

Демак, ёзма манбаларда тилга олинган "турк тили", "хоқония тили", "Бухрахон тили", "Кошғар тили"— буларнинг ҳаммаси адабий тилнинг атамалари. Кейинчалик, XIV—XV асрлардан бу номлар ўрнида "чиғатой тили", "чиғатой туркийси" атамалари қўлланила бошлаган.

## ЭСКИ ТУРКИЙ АДАБИЙ ТИЛИНИНГ ЁЗМА ЁДГОРЛИКЛАРИ

### "ҚУТАДГУ БИЛИГ"

"Қутадғу билиг" ("Бахтга етказувчи билим")<sup>1</sup> XI аср туркий бадий ёзма адабиётининг энг қимматли ёдгорлигидир. "Қутадғу билиг"— ўн уч минг мисрадан зиёд, маснавийда битилган достон. Унинг муаллифи баласағунылик Юсуф Ҳос Ҳожиб бўлиб, муаллиф, китобнинг ёзилиш тарихи ҳақидаги маълумотларни асарнинг ўзидангина оламиз. Бирон манбада ҳозирча бу ҳақда қўшимча хабар учрамайди. Юсуф достонини ёзган пайтида ёши элликдан ошган эди. Бу ҳақда китобда шундай қайд этилади:

Тэгүрди мэнэ элги эллик йашым,  
Қуғу қылды кузғун туси-тэ башым.  
Оқыр эмди алтмыш мэнэ кэл тэйү,  
Пусур чықмаса йолда бардым сайу.  
"Эллик ёшим менга қўл тегизди,  
Қора (кузғун) тусидек бошимни оқ қилди.  
Олтмиш ёш энди менга кел деб чорламоқда,  
Йўлда тўсиқ [бевақт ўлим] чиқмаса, (у) сари бораман".

Китоб Кошгарда ҳижрийнинг 462 сида (мелодий 1069—1070) ёзиб тугалланган. Бу ҳақда шундай қайд этилади:

Йыл алтмыш эки эрди төрт йуз билә,  
Битийү түгэттим бу сез үлгүлә.

<sup>1</sup> Юсуф Ҳос Ҳожиб. Қутадғу билиг (нашрга тайёрловчи Қ. Каримов). Тошкент, 1971.

"Тўрт юз олтмиш иккинчи йил эди,  
Бу сўз (лар) ни ўлчаб, ёзиб тутатдим".

Юсуф ўз асарини қисқа муддатда — бор-йўғи ўн саккиз ойда ёзиб тамомлади:

Тұгал он сәкис айда айдым бу сәз.  
"Бу сўз (лар) ни ўн саккиз ойда туталладим".

Асардан яна маълум бўлишича, муаллиф уни ёзиб туталлагач, қорахоний ҳукмдорлардан бўлган Тавғач Буғрахонга тортиқ қиласди. Хон Юсуфни тақдирлаб, унга хос ҳожиблик унвонини беради. Қорахонийлар замонида саройдаги юқори лавозимлардан бири ана шу унвон билан юритиларди.

Асар ўз даврида жуда катта шуҳрат топди. У Шарқда туркий шоҳнома даражасига кўтарилиди. Муқаддимада қанд этилишича, Туркистон элларида, турк тилида ҳеч ким ўша даврда бу китобдан яхшироқ китоб ёза олмаган. Асар қайси мамлакатга бориб етса, гоят яхшилигидан, жозибасидан ўша эллининг донишмандлари, олимлари уни қабул қилиб, ҳар қайсилари бир турли ном бердилар. Чинликлар "Адабу-л-мулук", мочинликлар "Айну-л-мамлакат", машриқликлар "Зийнату-л-умаро", эронликлар "Шоҳномайи туркий", баъзилар "Пандномайи мулук" дедилар. Туронликлар уни "Қутадғу билиг" деб атадилар.

"Қутадғу билиг" нинг бизга қадар уч қўлёзмаси сақланниб қолган. Венада сақланаётган қўлёзмаси уйгур ёзувида, қолган икки — Намангандар ва Қоҳира қўлёзмаси эса араб хатидадир.

Уйгур хатидаги қўлёзмасини 1439 йилда ҳиротлик котиб Ҳасан Қора Сайил Шамс кўчирган. Мазкур қўлёзма Ҳиротдан Туркиянинг Тўкат шаҳрига, бу ердан эса 1474 йилда Истанбулга келтирилган. XIX асрга келиб европалик шарқшунос Хаммер Пургштал Истанбулдан уни сотиб олиб, Вена сарой кутубхонасига олиб бориб топширади. Асарни биринчи бўлиб Жауберт Амеде фанга маълум қилди. 1870 йилда венгер олими Херман Вамбери асарнинг муҳим қисмларини таржимаси билан нашр қилди. Ўтган юзийилликнинг 90-йилларидан бошлаб бу нодир асарни ўрганиш ишига В. В. Радлов киришиди.

1896 йилга келиб Қоҳирадан асарнинг яна бир қўлёзмаси топилди. Бу қўлёзманинг охирги саҳифалари бўлмаганилиги туфайли кўчирилган даврини аниқ кўрсатиш

қийин. Мутахассислар китобнинг ёзув хусусиятларига таяниб, уни XIУ асрда кўчирилган деб тахмин қиладилар.

Асарнинг учинчи қўлёзмаси 1913 йилда Намангандан топилди. Бу қўлёзма фанда Наманган (баъзан Фарғона) нусхаси деб юритилади. Ҳозир у Ўзбекистон ФА нинг Шарқшунослик институтида сақланмоқда. Унинг ҳам охирги варақлари бўлмагани учун, кўчирилган даври аниқ эмас. Хат турига қараб бу қўлёзмани сақланган нусхаларнинг энг эскиси деб ҳисоблайдилар (XIII—XIУ асрлар).

"Қутадгу билиг"нинг тузилиши шундай. Асар қисқача насрый муқаддима билан бошланади. Унда ўз даври таомилига кўра тангрига ҳамд, пайғамбар ва ҷоҳар ёрларга наът айтилади. Сўнгра ушбу китобнинг аҳамияти, номланиши, хонга тортиқ қилинишию муаллифга хос ҳожиблик унвонининг берилиши, шунингдек, асар тўрт рамзий қаҳрамоннинг савол-жавоблари, мунозараси асосига қурилганлиги ҳақида маълумот берилади.

Насрий муқаддимадан кейин 77 байтли шеърий муқаддима келади. Унда ҳам юқорида баён этилганлар энди шеърий тарзда берилади. Сўнгра асар мундарижаси берилб, мавзуга ўтилади.

"Қутадгу билиг" 73 бобдан иборат. Боблардан дастлабки ўн биттаси дебочадир. Уларда анъанавий ҳамд, сано, наът, Тавғач Буғрахонга мадҳ, етти сайёра ва ўн икки бурж, билимнинг қадри, тилнинг фойда ва зарари, китоб эгасининг узри, эзгулик, билим, уқув-идрокнинг хосияти, китобга ном берилиши ҳақида гап боради. Ўн иккинчи бобдан асар мазмуни бошланади. Бобларнинг энг сўнгисида асар муаллифининг ўз-ўзига панди баён этилади.

"Қутадгу билиг"— дидактик достон. Унинг сюжети у қадар мураккаб эмас. Муаллиф асар қаҳрамонлари қилиб тўрт рамзий образни таnlайди: Қўнтуғды (чиққан кун)— адолат тимсоли бўлиб, элиг ўрнида, Айтмолды (тўлган ой)— давлат тимсоли бўлиб, вазир ўрнида, Өгдўлмииш (ақли расо)— ақл тимсоли бўлиб, вазирнинг ўғли ўрнида, Озғурмыйш (уйғонган)— қаноат тимсоли бўлиб, вазирнинг қариндоши бўлиб келади. Асар давомида мана шу қаҳрамонлар орасида савол-жавоб, мунозара кечади. Уларнинг суҳбатлари асносида муаллиф ўзининг илғор фалсафий қарашларини, ахлоқ-одоб меъёрларини, жамият турли табақаларининг бурчу фарзини, қўйингки, ижтимоий ҳаётнинг ҳамма томонлари ҳақидаги фикрларини баён этади.

Айрим тадқиқотчилар Юсуф ўз асарини арузда ёзганлиги, муқаддимада унинг "Шоҳномайи туркӣ" деб аталганлиги, булардан ташқари Афрасиёб, Фаридун, Заҳҳокларнинг тилга олиниши каби бир қанча мисолларни кўрсатиб, "Қутадғу билиг" Фирдавсийнинг "Шоҳнома" си таъсирида ёзилган, деган фикрни айтадилар. Юқоридаги далиллар Юсуфнинг Фирдавсий асари билан яқиндан таниш бўлганлигини сира ҳам инкор этмайди. Лекин бу кўрсатилганлар асар "Шоҳнома" таъсирида ёзилган деган қатъий фикрни айтишга етарли асос бўла олмайди (асарда фалончи шоирдан таъсирланиб ёздим деган маълумотнинг ўзи ҳам йўқ). Бу дегани, Юсуф асарининг яратилишида ташқи адабий таъсирнинг ўрни умуман йўқ дегани эмас. Таъкидлаш лозимки, муаллиф бу асарини туркӣ адабиётнинг ўз анъаналари асосида яратди. Бунга "Қутадғу билиг" сюжетининг Фирдавсий танлаган сюжетга тамоман ўхшамаслиги, ўзига хослигини мисол қилиб кўрсатиш мумкин. Маълумки, "Шоҳнома" афсонавий ва тарихий шоҳлар тарихи ҳақидаги асар. Юсуф асарининг сюжети эса тамоман бошқа. Юсуф Хос Ҳожиб "Шоҳнома" таъсирида эмас, балки баён услубига мувофиқлиги учун маснавийни танлади. Фирдавсий қаҳрамонларининг тилга олиниши муаллиф дунёқарашининг кенглиги, қўшни халқлар адабиётини чуқур билганлигини кўрсатади. Бинобарин, Юсуф ўзининг фалсафий-ахлоқий қарашларини "Шоҳнома" даги каби афсонавий, тарихий воқеаларга боғлаб эмас, балки тўрт рамзий қаҳрамон ўртасидаги муносабатлар, уларнинг ўзаро суҳбати орқали баён этади. Ана шу жиҳатлари билан "Қутадғу билиг" соф маънода туркӣ адабиётнинг анъаналари асосида яратилган мустақил асардир. Шунинг учун у турк элидагина эмас, балки бутун Шарқда шуҳрат қозонди. Туркӣ адабиётнинг илғор томонларини ўзида мужассамлаштиргани, ўзига хос оригиналлиги туфайли ҳам бу асар "Шоҳнома" дек буюк даражага кўтарилди. Турли элларда унинг ҳар хил ном билан аталиши бежиз эмас.

**МАҲМУД КОШГАРИЙНИНГ "ДЕВОНУ ЛУҒАТИТ ТУРК" АСАРИ  
ВА УНИНГ ТУРКӢ ТИЛЛАР ТАРИХИНИ  
ЎРГАНИШДАГИ АҲАМИЯТИ**

XI асрда яшаб ўтган буюк олим, туркшуносликнинг асосчиси Маҳмуд Кошгариийнинг бизгача "Девону лугатит

турк" ("Туркий сўзлар девони") асари<sup>1</sup> сақланиб қолган. Мазкур асарда кўрсатилишича (I, 62), унинг туркий тил грамматикасига оид "Жавоҳирун наҳви фи лугатит турк" ("Туркий тилларнинг наҳвига оид гавҳарлар") номли асари ҳам бўлган. Лекин у китоби бизгача сақланмаган.

Девоннинг биргина қўлёзма нусхаси маълум. Мазкур нусхани, унинг ўзида қайд этилишича, Маҳмуд Кошгарийнинг ўз қўли билан ёзилган нусхадан дамашқлик котиб Муҳаммад бинни Абу Бакир ибни Абдулфатҳ ҳижрий ёб4 (мелодий 1265—1266) йилда кўчирган. Бу ноёб қўлёзма ҳозир Истанбулда сақланмоқда.

"Девону лугатит турк" ҳижрий 466 (мелодий 1074) йилда ёзиб тугалланган. Маҳмуд ўз асарини ёзиб тугатгач, уни ҳошимийлар сулоласидан, аббосийлар авлодидан бўлган Абулқосим Абдуллоҳ бинни Муҳаммадил Муқтадо биамриллоҳга армуғон қилди. Муаллифнинг ёзишича, у лугат устида узоқ йиллар давомида иш олиб борган. Фойдаланувчи ӯзига керакли сўзларни осонлик билан топиши учун сўзлар жой-жойига қўйилган.

Мундарижасига кўра девон икки бўлимдан иборат: муқаддима ва лугат қисми. Муқаддимада турк тилининг тутган ўрни, муаллифнинг девонни ёзишдан мақсади, сўз танлаш ва уларни жойлаштириш принциплари баён этилади. Шунингдек, турклар қўллаган ёзув ва унинг хусусиятлари, сўз ясалиши ва бошқа айрим грамматик қоидалар ёритилади. Сўнгра турк қабила ва уруғлари, туркий тил хусусиятлари, диалектларнинг фарқли томонлари ҳақида сўз боради. Муаллиф туркий халқлар яшаган ўлкалар акс этирилган харитани ҳам келтиради. Ушбу маълумотлардан кейин сўзлар изоҳига ўтилади.

Мазкур бўлимда, ўзининг таъкидлашича, у ўша даврда асосан истеъмолда бўлган сўзларнигина берган. Турмушда қўлланилмайдиган (яъни эскирган) сўзларнинг айримларини қиёс ўринида киритган холос. Бу эса XI аср тили ҳақида атрофлича хулоса чиқаришимизга имкон беради.

Лугат тузишда Маҳмуд Кошгарий араб лугатчилигидаги йўлни танлади. Девонда аввал исмлар, кейин феъллар келади. Исмларда ҳам, феълларда ҳам олдин сўз бошида ҳамзали сўзлар, кейин бошқа ҳарфлар билан бошланган сўзлар изоҳланади. У жаъми саккиз бўлимдан

<sup>1</sup>

Маҳмуд Кошгарий. Девону лугатит турк. I—III. Тошкент, 1960—1963 (таржимон ва нашрга тайёрловчи С. Муталибов).

иборат. Ҳар қайси булимда аввал икки ҳарфли сўзлар, кейин уч, тўрт ва шунга ўхшаш кўп ҳарфлилар жойлаштирилган. Бунда араб ҳарфлари назарда тутилади. Унда асосан ёзувдаги белгилар асосга олиниб, сўз нечта ҳарф билан ёзилса, шунча ҳарфли сўз ҳисобланган. Жумладан:

Икки ҳарфли сўзлар: **أَتْ** ат "от", **أُتْ** от "ўт, ўсимлик".

Уч ҳарфлилар: **أَلْبَ** алп "ботир", **أُوچْ** уч "нарсанинг учи" ва б.

Мұҳими, мазкур тартибда сўзлар такрорланган ундоши, таркибида бурун товушининг қатнашганлиги ва бошқа қатор хусусиятига кўра бўлимларга ажратилган.

"Девону лугатит турк" да муаллиф туркий сўзларнинг маъносини очиб бериш учун жуда кўп ҳалқ мақоллари, ибора, қўшиқлардан келтиради. Бу ҳақда у шундай ёзади: "Мен бу китобни махсус алифбо тартибида ҳикматли сўзлар, сажълар (қоғияли наср), мақоллар, қўшиқлар, раЖаз (ботирлар қаҳрамонлигини тасвирловчи парчалар) ва наср деб аталган адабий парчалар билан безадим" (I, 44—45).

Биз Маҳмуд Кошгарийга қадар туркий тил ҳақида махсус илмий асар яратган, туркий тилнинг қонун-қоидалари ҳақида фикр юритган олимни ҳали билмаймиз. Унинг "Девону лугатит турк" асари туркшуносликнинг дастлабки илмий асаридир. Мазкур асар дастлабкигина булиб қолмай, туркшунослик тарихида яратилган асарларнинг энг мукаммал ва буюгидир. Шунга мувофиқ, биз Маҳмуд Кошгарийни буюк тилшунос ва туркшуносликимизнинг асосчиси дея оламиз.

"Девону лугатит турк"— туркий-арабий изоҳли лугат. Лекин китоб араблар ва арабчани фан тили сифатида қўлловчилар учун тузилган оддийгина лугат эмас. У қораҳонийлар давридаги бутун туркларнинг иқтисодий, маданий, илм-фан соҳасидаги муваффақиятларини, давлат юритиш тадбирларини, фалсафий-иқтисодий қараашларини, урф-одатларини бой тил материали орқали таништирадиган мукаммал қомусдир. Ўз даври адабий ва умумхалқ тилининг бутун бир қўринишини акс эттирган, қонун-қоидаларини маълум қолипга туширган илмий тадқиқот асаридир.

Девонда тахминан етти ярим мингдан зиёд сўз ва иборалар келтирилган. Маҳмуд Кошгарий ўз китобида туркий ҳалқларга доир тарихий воқеаларни ҳам ёзиб

қолдирган. Унинг бу маълумотлари қадимги хитойча китобларда, араб, форс саъсҳларининг хотираларида қайд қилинганд мажмал жойларини ҳам тўлдиришга ёрдам беради. Яна бир эътиборга лойиқ томони шундаки, муаллиф туркий халқлар тўғрисидаги маълумотларни китоблардан-гина олмай, халқ орасидаги жонли далиллар, ривоятлар асосида ҳам ёритиб берган.

"Девону луғатит турк" да сўз ва бирикмаларнинг маъноларини изоҳлаш мақсадида адабий парчалардан ҳам келтирилади. Мазкур адабий парчалар қадимги туркий халқларнинг бадиий ижоди намуналариdir. Девонда 242 та адабий парча келтирилган. Ушбу парчалар ўша кезларда эл орасида машҳур бўлган достонлар, марсиялар, меҳнат ва муҳаббат, табиат тасвири, юрт манзаралари, қаҳрамонлик, овчилик тўғрисидаги халқ қўшиқларидан олинган. Девонда сўз ва иборалар маъносини изоҳлаш учун келтирилган мақоллар сони икки юздан ошади.

"Девону луғатит турк"— қомусий асар. Унда ижтимоий-сиёсий ҳаётнинг барча соҳасига оид сўз топиш мумкин. Шунингдек, жуда кўп соҳага доир маълумотлар келтирилади.

Жумладан, асарда ўсимликлар дунёси, чорвачилик, ҳайвонот оламига оид сўзлар ҳам келтирилади. Улар орқали биз ўша даврдаги туркларнинг ҳаёт тарзи, табиат билан муносабатини билиб оламиз. Асарда келтирилган касб-ҳунарга оид лексика эса бизга X—XI аср ҳунармандчилиги, маданий ҳаёти қайдаража тараққий қилгани ҳақида тасаввур беради. Шунингдек, китобда маданий-маиший ҳаётни кўрсатувчи далилларга ҳам дуч келамиз. Айниқса, овқатларни тайёрлаш йўллари, май ачитиш усуллари, чолгу асбоблари, кийим-кечаклар, турли маросимлар билан боғлиқ расм-руsumлар ҳақидаги маълумотлар қизиқ.

"Девону луғатит турк" да ўша давр ҳокимият қурилишига доир атамалар, даражаю унвонлар, табақаю гуруҳларни ифодаловчи сўзлардан берилади. Асарни ўқиб уша замон ҳарбий ишларию тактикасигача тасаввурга эга бўлиш мумкин.

Унда бирон бир воқеа-ҳодисага боғлиқ халқ афсона ва ривоятларидан келтирилади. Ўрни билан айрим сўзларнинг этимологияси ҳам берилади. Қўйингки, "Девону луғатит турк" туркий халқлар ўтмишининг, тилининг кўринишидир.

## АҲМАД ЯССАВИЙ ДЕВОНИНИНГ ТИЛИ МАСАЛАСИ

Аҳмад Яссавийнинг номи Марказий ва Кичик Осиё, Афғонистон, Эрон, Кавказ орти мамлакатларида кенг шуҳрат топган. Эл орасида ҳатто "Мадинада Муҳаммад, Туркистонда Хўжа Аҳмад" деган сўз юради.

Аҳмад Яссавий 1103 йили Сайрамда таваллуд топиб, 1166 йили Туркистонда вафот этган деб таҳмин қилинади. Шунга қарамай, айrim манбаларда, масалан, Мавлоно Ҳисомиддин Сигнакийнинг рисоласида кўрсатилишича, Яссавий 130 йил ҳаёт кечирган.

Яссавийнинг бизгача "Девони ҳикмат" асари етиб келган. Унинг ўз даври ва унга яқин даврларда кўчирилган нусхалари йўқ. XV асрга оид айrim шеърий парчалар ва XVII асрда кўчирилган нусхаларигина маълум. "Девони ҳикмат" XIX асрнинг II ярми ва XX аср бошларида Тошкент, Қозон ва Истанбулда тошбосмада бир неча марта нашр этилган.

Аҳмад Яссавий ижодиёти туркий адабиёт ва адабий тилининг жуда мураккаб даври бўлиб, яқин ўтмишда чала ўрганилган, ўрганилса ҳам, нотўғри таҳлил қилиб келинган.

Маълумки, Яссавий XII асрда ўз мактабини яратган буюк дин арбоби ва машҳур туркигўй шоирдир. Шунинг учун унинг издошлари, муридлари кўп бўлган. "Девони ҳикмат" нинг сўнгти тошбосма нусхаларида Яссавий муридлари томонидан тўқилган ҳикматлар ҳам учрайди. Бундай ҳодиса ўзбек адабиёти тарихида учраб туради. Чунончи, уни "Девони Машраб" да ҳам кузатиш мумкин. Ёки улуг Алишер Навоий устози Мавлоно Лутфийга ўз ҳурматини билдириб, унинг баъзи шеърларини девонига кириптган, айrim ҳолларда ўз фикрини исботлаш учун Лутфий ижодига муражгаат қилган эди.

Яссавий шеърларидағи айrim мисралар ўзидан кейин ўтган муаллифлар асарларида ҳам баъзи ўзгаришлар билан такрорланади. Жумладан, уни "Бақирғон китоби" га солиштириб кўрайлик.

Чунончи, "Девони ҳикмат" да:

Хожа Аҳмад қул бил турур сатыб йэсун дарвэшлар.  
Эй, Хожа Аҳмад сэн бўкун қылғыл ибадат түн-күн.  
Қул Хожа Аҳмад суҳбатда, дам урармэн аҳадда.

"Бақирғон китоби" да:

Ҳаким Сулаймāн қулдур, сатыб йэсүн дарвэшлар.  
Кул Сулаймāн билдин, бүтүн қыл ибādat түн-кун.  
Кул Сулаймāн суҳбатда дамба-даммэн аҳадда ва б.

Бу мисралардаги каби ўхшашликлар Яссавий, Навоий,  
Сүфи Оллоёр, Хувайдо ва Чустий шеърларида ҳам кўзга  
ташланади. Масалан, Яссавийда:

Ҳар сары барса ошал йары парвāз этэр.

Навоийда:

Ҳар дам аны көргэли көнглум қуши парвāз этэр.

Яссавийда:

Аҳл дил болған киши гамгин көңгүнни шāд этэр.

Навоийда:

Қыл умид (и) бирлэ гамгин хāтиrimни шāд этэр.

Ушбу мисралар орқали улуғ Алишер Навоий устоз сўфи шоир Аҳмад Яссавий ҳикматларидан хабардор бўлгани, ундан илҳомланганини кўрамиз.

"Девони ҳикмат" эски туркий адабиёт ва адабий тилининг обидаларидан бири сифатида катта аҳамиятга эга. Ундаги шеърларнинг кўпчилиги халқ оғзаки ижодида кенг ёйилган қўшиқ шаклидаги тўртликлардан ташкил топган. Тўртлик — қўшиқ шаклида яратилган шеърлар халқ сўзлашув тилига яқин бўлганлиги билан характерланади. Маълумки, бу шеърлар, асосан, қадимдан мавжуд бўлган бармоқ ва аruz вазнида яратилган. Шунга кўра Яссавий шеърларида умумхалқ тилига хос сўз ва шакллар, бадиий тасвир воситалари кенг ишлатилган. Унинг шеърларининг оммага тушунарли бўлганлиги, содда, равон ва халқ қўшиқлари услубида ёзилганлиги сабабли туркий тилли халқлар орасида тилдан-тилга ўтиб, ҳозиргача кўйланиб келмоқда.

Яссавий ҳикматлари тилининг халқ тилига ва ҳозирги ўзбек адабий тилига яқинлиги бежиз эмас. Ҳикматларни қадимги турклар томонидан айтилиб келинган қўшиқлар тилидаги соддаликнинг, вазн ва услубдаги оддийликнинг анъянавий давоми сифатида қараш, бизнингча, тўғри бўлса керак. Агар Маҳмуд Кошгариининг "Девону лугатит турк" асарида келтирилган мавсум-маросим қўшиқларини кўздан кечирсак, бунинг гувоҳи бўламиз. Чунончи, Маҳмуд Кошгарийда:

Көрүб иңчүк қачмадың,  
Йамар сувын кэчмәдин,  
Ташарыңны сачмадың,  
Йэсүи сэнни ар бери.

Түрлүг чечәк йарылды  
Барчын йаӡым кәрилди,  
Учмақай эри көрүлди,  
Тумлуг йанаңа көлгүсүз.

### Аҳмад Яссавийда:

Дунйа мәниң дәгәнләр,  
Жиҳан малын алғанлар,  
Кәркәс қүшдәк болубан,  
Ул харамга батмышлар.

Мулла муфти болғанлар,  
Нәҳақ да' вә қылғанлар,  
Ақни қара қылғанлар,  
Ул тамуқа кирмишләр.

Қазы, имам болғанлар,  
Нәҳақ да' вә қылғанлар,  
Химәр йаңылыг болубан,  
Йүк астыда қалмышлар.

Ҳарәм йәгән ҳакимлар,  
Ришват алыб йәгәнләр,  
Өз бармагын тишеләбен,  
Қорқуб турууб қалмышлар.

Татлыг-татлыг йәгәнләр,  
Түрлүк-түрлүк йәгәнләр,  
Алтун тахт олтурғанлар,  
Туфрақ ара йатмышлар.

### Сулаймон Бақирғонийда:

Барча йахши, биз йаман,  
Барча буғдай, биз саман.

Ўзбек адабиёти тарихининг билимдони Мақсад Шайхзода Аҳмад Яссавий асарларининг тили ва услуби ҳақида қуйидаги фикрни билдирган эди: "Шубҳасизки, Хўжа – Аҳмад Яссавийнинг ёзиб қолдириган "Ҳикмат" китоби кейинча тил жиҳатдан ва маъно томонидан қанчалик ўзгаришларга дучор бўлмасин, унинг асл вазни аввалги ҳолича қолган. Чунки бировлар илгариги вазнни шунча

илдизидан ўзгартириб, қайтадан ишлашлари амри маҳол бўлар эди. Бу асарнинг вазни эса автори аввалида ўзи ўйлаб ишлаган ҳолида сақланиб қолган".<sup>1</sup>

Юқоридаги фикрга асосланиб, Аҳмад Яссавийнинг "Девони ҳикмат" асари асл нусхада этиб келмагани учун унинг тил хусусиятларини ўрганишда кейинги даврда кўчирилган ва нашр этилган нусхаларидағи айрим фарқларни рўкач қилмасдан, балки "Ҳикмат"ларни эски туркий адабий тилнинг манбаларидан бири сифатида ўрганиш мақсадга мувофиқдир. Унинг "Ҳикматлар" десони XII аср туркий адабий тилининг тараққиётини белгилашда бой манба бўла олади. Шунинг учун ҳеч иккиласдан "Девони ҳикмат" асари XII асрдаги эски турк адабий тилининг луғати ва муҳим грамматик хусусиятларини кўрсатувчи асосий манба сифатида ўрганилавериши керак.

Улуғ аллома Аҳмад Яссавийнинг адабий тил тарихидаги энг катта хизмати адабий тилни жонли сўзлашув тилига яқинлаштириш бўлган эди. "Девони ҳикмат"ни ҳозирги ҳар бир ўзбек ёки туркий халқлар вакили ўқиб bemalol тушуна олишининг ўзи фикримизнинг далилидир.

Аҳмад Яссавий шеърларидаги инсоний гоялар — аҳлоқ, одоб, поклик, тўғрилик, ислом дини ақидалари ва ҳадисда илгари сурилган маърифий фикрлар сода, равон тилда баён қилиб берилади. Ана шу нуқтаи назардан қараганимизда, ҳозирги ўзбек адабий тили анъанавий тарихий адабий тилнинг давоми эканлиги аён бўлади. Табиийки, "ҳозирги ўзбек адабий тили туркий рун (урхун-энасой) ёдномаларига, шунингдек, Маҳмуд Кошварийнинг "Девону луғатит турк", Юсуф Хос Ҳожибининг "Қутадғу билиг", Аҳмад Яссавийнинг "Девони ҳикмат", Аҳмад Юғнакийнинг "Ҳибату-л-ҳақойиқ", сўнгроқ Навоий, Заҳириддин Бобур асарларигача бориб тақалади.

Яссавий асарларининг диалектал хусусиятлари ҳақида турлича қарашлар маълум. Машҳур олим Фуад Кўпрулузода Яссавий асарлари қарлуқ лаҳжаси негизида тараққий этиб, ўғуз лаҳжаси таъсири сезиларли бўлган

1

Аҳмад Яссавий. Ҳикматлар. Тошкент, FaFuР Ғулом номидаги Адабиёт ва санъат нашриёти. 1991, 23-б.

шарқий турк тилида яратилган, дейди. Унинг тил хусусиятлари "Қутадғу билиг" асари тилига яқинлигини курсатади.

Т. Менцел Яссавий "Девон"и шарқий турк тилида ёзилган. Унинг тили "Қутадғу билиг" ва урхун битиглари тилига яқиндир дейди. Проф. А. К. Боровков эса Яссавий асарларининг нодир ва ишончли нусхалари етиб келмагани учун унинг тил хусусиятлари ҳақида аниқ фикр билдириш мүмкін эмаслигини бир неча бор тақрорлайди. Таъкидлаш керакки, Яссавий девонининг тили ва услубияти бўйича кузатувлар Кўпрулузода ва Менцелларнинг қарашларини, асосан, тасдиқлайди.

Аҳмад Яссавий асарларида ишлатилган сўзларнинг аксарияти XI—XII асрларда қарлуқ қабила уюшмаси тили — лаҗжаси негизида ташкил топган — шаклланган ва XIII—XIV асрларда анчагина ривожланган туркий элат адабий тили асосида яратилган бадиий асарлар лугат таркибида мавжуд эди. Бу адабий тилнинг негизини қарлуқ (чиғил, уйғур, аргу, тухси) лаҗжаси ташкил қилиши билан унинг шаклланишида ўғуз ва қипчоқ хусусиятларининг иштироки ҳам сезилари бўлган эди.

Хуллас, Аҳмад Яссавий давридаги эски туркий адабий тилининг негизини Тошкент, Самарқанд—Бухоро, Сайрам—Қорабулоқ—Туркистон тип шеваларидан излаш мумкин.

Аҳмад Яссавий "Девон"ининг лексик хусусиятлари бўйича кузатувлар кўрсатадики, унда, асосан, эски туркий лексик қатламга оид сўзлар билан бирга, араб ва тоҷикфорс тилларидан ўзлашган сўзлар ҳам бор. Хусусан, арабча сўз ва шакллар ўзлашган қатламнинг катта қисмини ишғол этади.

Шу нарса маълумки, XII аср, Аҳмад Яссавий асарларидан бошлаб бадиий асарлар тилида соддаликка интилиш, ҳалқ сўзлашув тилига яқин тilda ёзиш анъанаси кучайган эди. Бу анъана Навоий илк замондошлари Лутфий, Атойи, Саккокий, Ҳофиз Хоразмий, Юсуф Амирий, Гадоий шеъриятида ҳам давом этган.

Қиёсланг, Яссавийда:

Мәниң бир дафтарым бар йўз минчэ ҳикмат,  
Оқыған бандалар көргәй фарағат.

Бу ăламда мэнىң төрт дафтарым бар.  
Киши хâр әйләсә болгай өзи хâр.

### Лутфийда:

Мәни шайдă қыладурған бу көнүлдүр, бу көнүл,  
Хâру расвâ қыладурған бу көнүлдүр, бу көнүл.

### Саккокийда:

Қара көз бирлэ ғамза қылыб йұз мин жафâ қылма,  
Карашма бирлэ ăламны мәниң-тәг мубталâ қылма.  
Мәниң бу хаста жâйымға сәнин дардың эрүр марҳам,  
Кийаматта тәги ҳаргиз бу дардыңға давâ қылма.

XI— XII асрлар Мовароуннахр, Афғонистон, Эрон, Кавказ орти ва шимолий Ҳиндистонда адабий тил анъанасида тохик-форс тилининг ўрни катта эди. Марказий Осиёда қорахонийлар ҳукмронлиги бошланиши билан туркий тилининг мавқеи орта борган. Аҳмад Яссавий ана шу даврда яшаб, туркий тилда ижод қилған эди.

Хуллас, улуғ аллома Хўжа Аҳмад Яссавий XII асрда ўзининг асарлари орқали туркий адабиёт ва адабий тилининг мавқенини жаҳон миқёсига кўтарган.

Ҳибату-л-ҳақойиқ. Эски туркий тилининг муҳим ёдгорликларидан бири XII—XIII асрда яшаб ижод этган адаб Аҳмад Юғнакий (Адаб Аҳмад ибн Маҳмуд Юғнакий)нинг "Ҳибату-л-ҳақойиқ" ("Ҳақиқатлар армуғони") асариdir.<sup>1</sup> Асарнинг номи қўллёзмаларда турлича тилга олинади: бирида "Айбату-л-ақайиқ", иккинчисида "Ҳибату-л-ҳақайиқ", уйғур хатидаги бошқа бир нусхасида "Атабату-л-ҳақайиқ" (Ҳақиқатлар эшиги) деб ном қўйилған. Мазкур асар 250 байтдан ошироқ, маснавийда ёзилған бўлиб, мазмунан панд-насиҳат руҳидадир. "Ҳибату-л-ҳақайиқ"нинг бизгача олти қўллёзма нусхаси етиб келган. Шулардан учтаси тўла ҳажмли нусхалар, қолганлари асардан олинган парчалардир.

Улардан дастлабкиси (фанда А нусха деб юритилади) уйғур хатида бўлиб, 1444 йилда Самарқандда Зайнул Обидин исмли котиб томонидан кўчирилган. Асарнинг бу

1

Қаранг: Маҳмудов Қ. Аҳмад Юғнакийнинг "Ҳибатул ҳақойиқ" асари ҳақида. Тошкент, 1972.

нусхаси 246 байтдан иборат. У ҳозир Истанбулда сақланмоқда.

Асарнинг иккинчи нусхаси (фанда Б нусха деб юритилади) 1480 йили Истанбулда Шайхзода Абдураззоқ бахши томонидан уст сатрида уйғур, остида араб ҳарфлари билан кўчирилган. Мазкур нусха Истанбулдаги Аессофия кутубхонасида сақланастган 4757 рақамли мажмуанинг биринчи асаридир.

"Ҳибату-л-ҳақойиқ"нинг навбатдаги нусхаси (С нусха) фақат араб хатида кўчирилган бўлиб, 242 байтдан иборат. Олимлар таҳминига кура XV аср охири XVI аср бошлирида кўчирилган.

Р. Р. Аратнинг маълумотига кўра<sup>1</sup> Анқарадаги Маориф кутубхонасида сақланувчи мажмууда туркча байт ва туртликлар орасида "Ҳибату-л-ҳақойиқ"дан олинган бир жуфт байт ҳам бор.

"Ҳибату-л-ҳақойиқ"дан олинган яна бир кичик парча Берлин Фанлар академияси қўллэзмалар фондининг туркий матнлари орасида сақланади.

"Ҳибату-л-ҳақойиқ" фанга маълум бўлгандан бери му-таксисслар томонидан кенг ўрганилмоқда. Туркияда Н. Осим, Р. Р. Арат каби олимлар уни ёълон қилди. Ўзбекистонда мазкур асарни ҳар томонлама урганган олимлардан бири Қ. Маҳмудовдир. У асарнинг тили бўйича тадқиқот ишлари яратди. асарнинг танқидий матнини тузиб, ҳозирги ўзбек тилига ўгирди. Қозогистонлик олимлар А. Қуришжонов ва Б. Сағиндиқовлар ҳам асарни нашр эттиридилар.

Ўғузнома.<sup>2</sup> "Ўғузнома" туркий халқлар орасида қадим замонлардан кенг тарқалган, узоқ тарихий жараённи ўзида акс эттирган қаҳрамонлик достонидир. Бу достон халқ оғзаки ижодининг характерли хусусиятларини ўзига сингдириб, бадий жиҳатдан мустаҳкамланиб, оғиздан-оғизга кучиб келган.

Ўғузхон ҳақидаги ривоятлар бизгача бир қанча вариандада етиб келган. XIII аср тарихчиси Рашидиддиннинг "Жоме-ут-таворих"ида, уйғур хатидаги "Ўғузнома" достонида, Абулғози Баҳодирхоннинг "Шажарайи турк"

<sup>1</sup> *Edid Ahmed Yugneki. Atebetu'l-hakajik.* R. R. Arat. Istanbul. 1951, S. 34—36.

<sup>2</sup> Қаранг: Щербак А. М. Огуз-наме. Мухаббат-наме. М., 1959. С. 13—110.

ва "Шажарайи тарокима" асарларида, "Дода Қўрқут" китобида Ўғузхон ҳақида ҳикоя қилинади. Булардан ташқари "Ўғузнома" достонининг Истанбулда сақланувчи араб ёзуви варианти ҳам бор. Ўғузхон ҳақидаги асарлардан энг қадимгиси уйғур хатидаги "Ўғузнома" достонидир. У ҳозир Париж Миллий кутубхонасида сақланмоқда. Асарнинг ана шу варианти эски туркий тил даврида кўчирилгани туфайли бу давр тилини ўрганишдаги аҳамияти каттадир.

Қўлёзма 21 варақ (42 саҳифа) дан иборат. Қўлёzmанинг ёзилган даври ҳақида ҳар турли фикрлар айтишади: айримлар уни XIII аср охири XIV аср бошлирига мансуб десалар, бошқалар XV аср қўлёзмаси дейдилар. Бундай фикрларга унинг бирон ерида кўчирилган йили қайд этилмаганлиги, шунингдек, ёзув хусусияти билан уйғур хатидаги бошқа матнлардан ажралиб туриши сабаб бўлган. Мазкур нусха, албатта, дастлабки эмас, у қандайдир бошқа қўлёзмадан кўчирилган.

"Ўғузнома"— бадиий жиҳатдан пишиқ асар. У қадимги туркларнинг афсона, ривоятларини ўзида умумлаштирган. Достонда акс этган воқеаларни туркий халқларнинг жуда қадимги ҳаёти билан боғлашга асосимиз бор. Унда акс этган воқеалар ўз илдизи билан узоқ даврларга бориб тақалади. Шу жиҳатлари билан бу асарнинг қадимги туркий адабиётимизни ўрганишдаги аҳамияти қатта. Асар, ўз навбатида, эски туркий тилнинг муҳим ёдгорлиги ҳамdir. Унинг тилида қадимги туркий тилга хос хусусиятлар (жумладан, *адақ* "оёқ", *адұғ* "айқ", *суғы* "суви", *қағар* "қор" каби) билан бир қаторда эски туркий тилга хос хусусиятлар (жумладан, мўғулча сўзларнинг қўлланилиши каби) аралаш кузатилади.

Асар тили содда, халқ тилига яқин.

**Муқаддамату-л-адаб.** Эски туркий тилнинг муҳим ёзма ёдгорликларидан яна бири XI асрнинг охири XII асрнинг бошларида яшаб иход этган хоразмлик олим Маҳмуд ибн Умар Замахшарий<sup>1</sup>нинг "Муқаддамату-л-адаб" ("Адаб илмига кириш") номли асари.

Маҳмуд Замахшарий ўз даврининг удумига кўра асарларини араб тилида яратди. У назм ва наср билан ёзилган бадиий асарлар, шу билан бирга тилшунослик, адабиёт-

1

Қаранг: Рустамов А. Маҳмуд Замахшарий. Тошкент, 1971.

шунослик, фалсафа, ислом тарихи ва бошқа фанларга оид әлликдан ортиқ илмий асарлар муаллифидир. Бу асарлари билан у Ўрта Осиё илми тараққиётига самарали ҳисса қўшди. Олим меросининг маълум қисми бизгача сақланиб қолган.

Замахшарий буюк тилшунос ҳамдир. У ўз асарлари билан араб адабий тилининг ва араб тилшунослигининг ривожига катта ҳисса қўшди. Шу билан бирга унинг туркшунослик тарихидаги хизматлари ҳам оз эмас. "Муқаддамату-л-адаб" бунинг яққол далилидир.

Асар кўп тилли лугатdir. Унда араб лексикаси ва грамматикаси материаллари форсча, баъзи нусхаларида хоразмча, туркча ва мӯғулча таржимаси билан берилган. Унинг қўлёзмалари Германия, Миср, Ҳиндистон, Туркия, Эрон, Россия ва Ўзбекистон фондларида сақланмоқда. Асар қўлёзмаларининг ҳаммаси бир хил эмас: баъзиларида арабча-форсча сўзликнинг ўзи бўлса, бошқаларида туркий ва мӯғулча сўзлик ҳам киритилган (қадимий нусхаларидан бирида маълум гуруҳ хоразмча сўзлар ҳам бор). Ўзбек тарихий тилшунослиги, жумладан, лексикографияси учун, табиийки, унинг туркий таржимаси бор нусхалари қимматлидир.

Тошкентда туркий сўзлик киритилган қўлёзмалардан бир қанчаси сақланади.<sup>1</sup> Улар Ўзбекистон ФА Шарқшунослик ҳамда Қўлёзмалар институтларининг фондларида-дир.

"Муқаддамату-л-адаб" беш қисмдан иборат. Улар: исмлар, феъллар, ёрдамчи сўзлар, исмларнинг турланиши, феълларнинг тусланиши. Маҳмуд Замахшарий ўз асарида сўзларнинг асл маъносинигина бериб қолмасдан, уларнинг кўчма маъноларини ҳам муфассал келтиради. Туркий сўзларнинг ҳам арабча, ҳам форсча таржималарининг мавжудлиги бундай сўзларнинг маъносини тўғри аниқлашда катта ёрдам беради.

Лугат тузилиши ҳақида тушунча ҳосил қилиш учун қуйидаги мисолларни келтирамиз:

---

1

Исломов З. "Муқаддамату-л-адаб"нинг Тошкент нусхалари. "Адабий мерос". Тошкент, 1988, 3(45), 41—45-б.

Арабча	Форсча	Туркий	Маъноси
ибил	шутурон	тэвэлэр	туялар
савр	гов	өкүз	хўқиз
бақара	модагов	иник	сигир
калла албаъиру	мондэ шуд шутур	арды тэвэ	туя чарчади
шабба алфарасу	баржаст ва бози кард асп	сэкрэди дагы оиннады ат	от сакради ва ўйнади

**Туркий тафсир.** Туркшуносликда "Ўрта Осиё тафсири" номи билан юритилувчи асар Қуръони Карим бир бўлагининг туркий таржимаси ва унинг шарҳидир. Чунончи, дастлабки қисмлари таржима, сўнгти бўлимлар сураларнинг шарҳидан иборат. Асар қўллэзмаси Қаршидан топилган бўлиб, ҳозир Россия ФА Шарқшунослик институтининг Санкт-Петербург бўлимида сақланмоқда<sup>1</sup>. Асарнинг яратилган пайти ҳам, Қарши қўллэзмасининг кўчирилган даври ҳам номаълум; бирор ерида қайд этилмаган. Тахминларга кўра XII—XIII асрларга мансуб.

Тафсир тилида *з* лашишдан *й* лашишга бўлган фонетик жараён (*з* > *з* > *й*) акс этган. Шунинг учун унда бир сўзининг *з* билан бирга *з* ёки *й* ли шакли ҳам учрайди: құзы—құзы—қууу (қуий) каби. Бундай хусусият "Қисаси Рабғузий" асарида ҳам кузатилади. Шунингдек, асар тилида ўғуз гуруҳ лаҳжаларига хос ҳодисалар ҳам мавжуд. Чунончи, сўз бошидаги *t* ундоши жарангли *ð* га айланади: дэгүл—эмас, дэгрә—доира, чекка, дўксалэр — (агар) тўқсалар. Суз охирида *-f* ва *-g* тушиши мумкин: улу — улуғ, қапу — эшик, толу — толы — тўлиқ, элли — 50. Баъзан морфологияда ҳам шундай ҳодиса кузатилади: ғөрән — кўрган (сифатдош шакли), жўналиш келишиги қисман *-a*, *-ə* қўшимчаси билан ясалган: йэрә — ерга, ашақа — пастга.

Асар лексик жиҳатдан "Қутадғу билиг", "Девону лугатит турк", "Ҳибату-л-ҳақойиқ" асарлари тилига яқин. Бу асарлар лугатида қўлланилган кўҳна сўзларнинг катта гуруҳи ушбу ёдгорликда ҳам учрайди. Масалан: асығ — фойда, ашну — аввал, ал — ҳийла, найранг, азу — азу — ёки, элиг — қўл, эт-өз — тану жон, ийиг — касаллик, йўмғы — бари, отру — рўпара, өргү — оқ, баса — сўнг,

1

Қаранг: *Боровков А. К. Лексика Среднеазиатского тифсира XII—XIII вв. М., 1963.*

*өгди* — мақтов, *саңчы* — элчи, *су* — лашкар, *тапуғ* — хизмат, *тұмлуғ* — совуқ ва б. Асар тилица синонимлардан унумли фойдаланилган. Жумладан "аёл, хотин" маъносида *урагут*, *хатун*, *аэрмат*, *айал*, *киши*, *тиши* сўзлари, "қўл" маъносида эл, элиз, қол, "шаҳар" маъносида эл, улус, кэнт, урам, шаҳар, шаҳристон сўзлари қўлланилган ва б. Синонимик қатордаги сўзлар келиб чиқишига кўра тарихан турли тиллардан ўзлашган бўлиши мумкин. Масалан, юқоридаги синонимлар орасида *аэрмат*, *айал* сўзлари арабчадан, кэнт суғдчадан, шаҳар, шаҳристон тожик-форс тилларидан ўзлашган.

Синоним сўзларни жуфтлаш орқали ҳам янги маъно ҳосил қилинади: *эш-барқ* — *турап* жой, *қап-қазаш* — қариндош-уруг, қон-қардош, *тога-көзсүз* ёки *қарагу-көзсүз* — кўр, кэнд-улус — шаҳар, *ортак-эш* — дўст, ўртоқ. Мисоллар: Эши-барқы *байт-ул-муқаддасда* эрди — унинг уйи Байтул муқаддасда эди; *Қапы-қазашы тэрди* — Қариндош уруғларини терди (йиғди). *Үкүш кэндлар-улуслар бар эрди* — Кўп шаҳарлар бор эди.

Умуман туркий тафсир тили эски туркий тилни ўрганишда ўта қимматли манба бўла олади.

Аттуҳфа.<sup>1</sup> Араб тилица ёзилган ушбу асар туркий тил (қипчоқ тили) грамматикасига бағишлиланган. Унинг тўлиқ номи "Аттуҳфатуз закияту филлугатит туркия" ("Туркий тиллар ҳақида ноёб туҳфа") бўлиб, туркшуносликда қисқача қилиб "Аттуҳфа" деб атайдилар. "Аттуҳфа" бизгача бир нусхадагина етиб келган. Қўллэзма ҳозир Истанбулда сақланади. Асарнинг ёзилган даври, ўрни, муаллифи ҳақида бирон ерда қайд этилмаган. Муаллифнинг "Мен бу асарда қипчоқ тили (хусусиятлари)га асосландим. Чунки энг кўп қўлланадиган тил қипчоқ тилидир" деган маълумотига асосланиб, мутахассислар асар қипчоқларнинг салтанати даврида (XIII аср) Мисрда ёзилган деган фикрни айтадилар.<sup>2</sup>

"Аттуҳфа" уч бўлимдан иборат.

Биринчи бўлимда асарнинг яратилиш тарихи, қипчоқ тилининг товуш қурилиши ва имло хусусиятлари ҳақида қисқача маълумот берилади.

1

Аттуҳфатуз закияту филлугатит туркия. Тошкент, 1968 (Таржимон ва нашрга тайёрловчи С. М. Муталлибов).

2

Ўша асар, 5-б (суз боши).

Иккинчи бўлим араб-турк луғатидан иборат. Мазкур луғат бўлимида сўзлар араб лексикографияси қоидасига мувофиқ тартибда жойлаштирилган. Бу қоидага кўра арабча сўзлар, бошида келган ҳарфларга қараб, алифбо тартибida гуруҳларга ажратилган (ҳамзали сўзлар, ۋ Ҳарфлилар, ڦ Ҳарфлилар, ڦ Ҳарфлилар бўлими... тоъҳарфлиларгача). Ҳар қайси бўлим яна ўз ичидаги бир қанча (энди бош ҳарфларига қараб эмас, балки сўзларнинг маъносига қараб) гуруҳларга бўлинган. Бунда ҳам қатъий қоида бор: аввал исмлар, кейин феъллар келади (жумладан, сўз бошида ҳамза келган сўзлар қўйидаги гуруҳларга ажратилган: от ранглари, от асбоблари, ер ва унга боғлиқ нарсалар, ейиладиганлар, замон ва пайт, томонлар. Шундан сўнг феълларга ўтилади). Мана шу тартибда жойлашган сўзлар қаршисида уларнинг туркий таржимаси ҳам келтирилади. Мисоллар келтирамиз:

اوەدك	بەط	ئەردىк (ўрдак)
اوی و او	بېت	ئىي (уй) ва э:в (уй)
ق پو		قاپۇ (эшик)
کانت	بىلز	کەنәт (шаҳар, қишлоқ)

Луғатда ўша давр лексикасида мавжуд бўлган сўзларнинг катта қисми акс этган. Унда қумған // қөкәвүр (қумгон), тавшан // қыйан (қүён), үлкәр // йәдикәр (Хулкар) каби синонимлар ҳам, ҳатто сўзларнинг фонетик варианatlари ҳам, ўрни билан, келтириб ўтилган (жумладан, a: вурчуқ // a: ғырчақ (чарх), талик // тәшик (тешик) каби).

Асарнинг учинчи бўлимида туркий тилнинг грамматик қонун-қоидалари баён этилади. Мазкур бўлимда сўз таркиби, сўз ва шакл ҳосил қилувчилар, ҳар қайси туркумга хос категориялар, синтактик муносабатлар ва туркий тилнинг бошқа шу каби хусусиятлари ўша давр тилшунослиги нуқтаи назаридан таҳлил этилган. Маълум бир қоида айтилгач, мисоллар билан таъкидланади. Бу бўлимдан эски туркий тил грамматикасига оид жуда куп материал олиш мумкин.

Умуман, "Аттуҳфа" туркий тилнинг мукаммал илмий грамматикасидир. Шунинг учун ушбу асарнинг эски туркий адабий тилини ўрганишдаги аҳамияти катта.

Қисаси Рабғузий<sup>1</sup>. XIV аср турк насрининг қимматли ёдгорликларидан бири Бурхон ўғли Насируддин Рабғузийнинг "Қисаси Рабғузий" асари. Рабғузий Хоразмдаги Работ ўғуз деган жойнинг қозиси эди. Бу ҳақида асар муқаддимасида шундай таъкидланади: "... Бу китабны түзгән, тә'ат ийолында тизгән, ма'сийат йабанын көзгән, аз азуқлуғ, көп йазуқлуғ Рабат оғузының қазисы Бурхан оғлы Насируддин уруғы... андағай айттур". Рабғузий ушбу асарини мусулмон мүғул бекларидан бири Насируддин Гүқбуганинг илтимосига кўра ҳижрий 709 (мелодий 1309—1310) йилда ёзган. Тажу-л-умарә ва муҳиббу-л-уламә бэгләр уруғы, йигитләр арығы, улуғ атлығ, қутлуғ зәтлығ, эзгу қылқлығ, ислам йарығлық, мөгүл санылығ, мусулман динлығ, әдамийлар инәнчи, мө'минлар күвәнчи, ҳимматы эдиз, ақлы тәғиз бэгимиз Насируддин Тоқбуға..."

Муқаддимада таъкидланишича, Рабғузий пайғамбарлар ҳақида яратилган қиссаларнинг билимдони эди. У ўзига қадар яратилган қиссаларнинг ишончлиларини ҳам, аниқ бўлмаганларини ҳам яхши биларди. Шунинг учун ундан улуғ анбиёлар ҳақида асар ёзиб беришини илтимос қиласидилар. "Тарих йўз эллиниң аввалида қасуд битилдиким, пайғамбарлар қиссаларынга ғайат рағбатым бар. Тэкмә йэрда тэкмә ким эрсәдә булынур ба'зисы мустақим бар, ба'зисы нামустақым. Бир анчасы муқаррар ва бир анчасы мубаттар бар. Бир азының сөзләри кэсүк бар, бир азының мақсадлары өксүк. Эмди сәнуң зиммақдын чықған, қаламуңдын ақған, китабатма сәниң, ибаратма сәниң болуб бизгә "Қисасу-л-анбийа" болса, оқумақға кэрәклиг, өгрэнмәкгә йарағлығ болғай эрди, тэб илтима́с йаңлығ ишарат болды эрса, нечемә өзумни ул ишкә лайық, ул амалға мувәфиқ эрмәсин билмиши эркән өзумни ағырлаб нафс сақламыш болуб оғур болсун тэб бу ишкә оградымыз."

"Қисаси Рабғузий"нинг турли даврларда кўчирилган қўлләзмалари бизгача етиб келган. Мавжуд қўлләзмаларнинг энг эскиси XУ асрга мансуб бўлиб, ҳозир Британ музейида сақланмоқда. Эски қўлләзмалардан яна бири Россия ФА Шарқшунослик институтининг Санкт-Петербург бўлимида

1

Насируддин Бурхонуддин Рабғузий. Қисаси Рабғузий. I—II (Нашрга тайёрловчилар: Э. Фозилов, А. Юнусов, Ҳ. Дадабеев). Тошкент, 1990—1991.

С—245 рақами остида сақланмоқда. У XV—XVI асрларда кўчирилган деб тахмин қилинади.

Асрнинг бошқа қўлёзмалари кейинги асрларда кўчирилган бўлиб, уларнинг тили вақт тақозосига кўра ўзгариб борган. XIX асрнинг иккинчи ярми ва XX аср бошларида асар Тошкент, Қозон шаҳарларида литография асосида ҳам бир неча бор нашр қилинган.

Хусрав ва Ширин.<sup>1</sup> XIV аср туркий адабиётининг муҳим асарларидан бири Қутбнинг "Хусрав ва Ширин" достонидир. Асар Низомийнинг шу номли достонига ўхшатма тарзида яратилган. Унинг бизгача бир қўлёзмаси сақланган холос (ҳажми 280 саҳифа). Қўлёзма 1383 йилда Мисрда кўчирилган бўлиб, ҳозир Париж Миллий кутубхонасида сақланмоқда.

Қутб ўз достонини Олтин Ўрда хонларидан бири Тинибекка багишлайди. Асар 90 бобдан иборатдир.

Асар тили фонетик, лексик, морфологик жиҳатдан ўзи билан деярли олдинма-кетин Олтин Ўрда адабий муҳитида яратилган Хоразмийнинг "Муҳаббатнома"си, 1391 йилда Мисрда яратилган Сайфи Саройининг "Гулистон" асарлари тилидан фарқланади. Асар тили эски туркийдан эски ўзбек тилига ўтиш жараёнини акс эттирган дейиш мумкин. Унинг тили ҳақида тасаввур туғдириш мақсадида асардан қўйидаги шеърий парчани келтирамиз:

Нэтэг шаҳ тапғына бир барга-мэн тэб  
Бу кенгул қазгусыны тарга-мэн тэб  
Керуб кенлум ким асру рагбатым бар  
Буйурды ким қатығлан эмди эй йар  
Раван эй Қутб тәркин кеч болур бил  
Нэ билгэйлэр сени сөзлётмэсэн тил  
Низамий назмы йаңлығ туз сөзунни  
Анын билгут ханыңга бу өзүнни  
Ханым бирла малика атына бир  
Китабы қылғуқа қыл тэди тадбир

Наҳжу-л-Фарадис<sup>2</sup>. XIУ аср туркий насли намуналаридан бири Маҳмуд бин Али бин ас-Саройининг "Наҳжу-л-Фарадис" асаридир. Бунинг маъносини асар сўнгида берилган қўйидаги жумладан билиш мумкин: Бу китабкэ Наҳжу-л-Фарадис дэйү исм қылышы ма'нисы учмақлар-

1

Қаранг. *Наджип Э. Н.* Историко-сравнительный словарь тюркских языков XIУ века, книга I, М., 1979.

2

Қаранг: *Наджип Э. Н.* ўша китоб, 51—67-б.

ның ачуқ йолы тэмәк олур (Бу китобга "Наҳжу-л-Фарадис" деб исм берилди, маъноси жаннатларнинг очиқ йўли демак). Асар 1357—1358 йилда Олтин Ўрданинг пойтахти Сарой шаҳрида битилган.

Асарнинг бизгача бир қанча қўлёзмаси сақланган. Улар Истанбул, Қрим (Ялта), Қозон ва Санкт-Петербургда сақланади. Булар орасида энг мукаммали ва қадимиylари Истанбул ва Қрим нусхалари. Қозон ва Санкт-Петербургда сақланаштаганлари бирмунча кейинги асрларга мансуб бўлиб, тўла ҳажмли қўлёзмалар эмас. Асарнинг айrim қисмларидир.

"Наҳжу-л-Фарадис" ҳар қайсиси ўн бўлимдан иборат бўлган тўрт бобдан ташкил топган. У исломнинг қонун-қоидалари, мусулмонликнинг фарзлари ҳақида маълумот берувчи диний-ахлоқий характердаги асар бўлиб, этнографик, тарихий маълумотларга бой. У тил ёдгорлиги бўлибгина қолмай, балки туркий адабиёт тарихини ўрганишда ҳам қимматли манбадир. Асар содда тилда ёзилган. Айrim мисоллар келтирамиз:

Тақы қўзэгуси эрди "Яна қуёви (ҳам) эди"  
Бу қулны мэн ызмадым "Бу қулни мен юбормадим"  
Ахшам болмышда кэдин "Оқшом бўлгандан кейин"  
Эшумгэ бардым "Уйимга бордим"  
Бу йашуқ йэрда туур "Бу яқин ерда туур"  
Бир қач тәвә "Бир қанча түя"

Муҳаббатнома<sup>1</sup>. Хоразмийнинг мазкур асари 1353 йилда яратилган бўлиб, дунёвий адабиётнинг энг ажойиб намуналари қаторида туради. Бизгача асарнинг уйғур ва араб ёзувларида кўчирилган бир қанча қўлёзмаси етиб келган. Уйғур хатидагиси уларнинг энг қадимгисидир. У 1432 йилда Яздан Мансур баҳши кўчирган мажмуададир. Мажмуага "Муҳаббатнома"дан ташқари "Сирожу-л-қулуб", "Роҳату-л-қулуб", "Масъала китоби" каби насрый асарлар, Лутфий ва бошқа бир қанча ўзбек мумтоз адабиёти намояндаларининг ғазаллари, айrim тўртликлар, ҳошияяга эса Камол Исфахонийнинг форсий девони киритилган<sup>2</sup>. Мажмуа ҳозир Британ музейида сақланмоқда (тартиб рақами Оғ8193).

<sup>1</sup> Қаранг: Щербак А. М. Огуз-наме. Махаббат-наме. М., 1959. С. 113—170.

<sup>2</sup> ўша асар, 115—123-6.

Қўлёзмада "Муҳаббатнома" достонидан кейин унинг кўчирилган санаси шундай қайд этилади: Тамам болды Муҳаб (б) атнामа китабы. Қутлуғ болсун тарих сэкиз йуз отуз бўштэ чычқан йыл ражаб айның алтысында Йазд шаҳринда Мир Жалал(ид)дин буйурған учун бу фақир Мансур бахши бит(и)ди.

Асарнинг бошқа нусхалари араб ёзуви дадир. Араб ёзуви нусхалардан бири XУI аср бошларига (1508—1509) мансуб, Қўлёзма Британ музейида Ad. 7914 рақами остида сақланади. Бу қўлёзмаси илм дунёсига дастлаб топилган нусхадир. Ганжай, А. Шчербак, А. Нажиб дастлаб мана шу юқорида тилга олинган икки қўлёзма асосида нашрлар эълон қилдилар. Кейинчалик асарнинг араб хатидаги яна икки қўлёзмаси маълум бўлди. Турк олими У. Сартқая мазкур нусхаларни нашр эттирган. Мазкур икки қўлёзма тўлиқ эмас.

## МАҲМУД КОШГАРИЙ ТУРКИЙ ДИАЛЕКТЛАР ҲАҚИДА

Маҳмуд Кошгариининг "Девону лугатит турк" асари эски туркий тилнинг диалектал хусусиятларини ўрганишда қимматли манбадир. Мазкур асарда, ўрни билан, диалектлар орасидаги фарқлар, уларнинг фонетик, лексик-семантик, морфологик жиҳатлари баён этилади. Муаллиф таъбири билан айтганда, унда "Ҳар бир қабиланинг ўзига хос хусусиятларига кўра қиёсий қоидалар тузилган" (I, 47).

Маҳмуд Кошгарий диалектларнинг катта бир гуруҳини (бу ўринда етакчи диалектларга асосланган адабий тил назарда тутилади) "турк", маълум бир диалект, қабила, уруғларни уларнинг номи билан (жумладан, ўгуз, қипчоқ, чигил ва б.) умумлаштиради. Ора-орада уларнинг етакчи диалектлардан (яъи и "туркча"дан) фарқли томонлари, ўзига хосликлари қайд этиб ўтилади.

Суғдақ, канжак, аргулар, хўтанилилар, тубут ва тангутларнинг баъзилари суғда ва туркча сўзлашувчилар гуруҳига киритилган. Муаллиф туркча ва суғда сўзлашувчилар ҳақида гапириб, уларнинг тилида "бузуклик бор" лигини қайд этиди (I, 65). Чамаси бу ўринда мазкур икки тилли халқларнинг туркий тилни бузиб гапиришлари назарда тутилган.

Қўйида девонда берилган диалектал хусусиятлар ҳақидаги маълумотлар устида тўхталамиз.

Диалектлардаги ушбу фонетик хусусиятлар кўрсатилади. Турклардаги сўз бошида келувчи *й* ўғуз ва қипчоқларда тушеб қолади ёки *ж*<sup>1</sup> (эҳтимол ч?)га айланади: йэлкин — элкин "мусофир"; йылығ сув — ылығ сув "илиқ сув"; йинжӯ (йинчӯ) — жинжӯ (чинчӯ) "дур, марварид"; йуғду — жуғду (чугду) "туяниңг узун юнги" (I, 67); йэтти — жэтти (чэтти) "етишди"; йундум — жундум (чундум) "ювиндим" (II, 364), йиги — жиги (чиғи) "пишиқ" (III, 249). Кошгарийнинг таъкидлашича, "турклар билан ўғузлар орасидаги бу хусусият ўзгармовчи, доимий бўлган (II, 364).

Сўз бошидаги *м* ни ўғузлар, қипчоқ ва суворинлар *б* га айлантирадилар: мэн — бэн "мен", мун — бүн "шўрва" (I, 67).

Сўздаги *т* ни ўғузлар ва улар яқинидагилар *ດ* га айлантирадилар: тәшәй — дәшә(й) "туя", өт — өд "тешик" (I, 67); тақы — дақы "тагин" (II, 227).

Туркий қабилаларнинг кўпгина сўзларида *ດ* ўғузларда *т* га айланади: бүгдә — бүктә "ханжар", иигдә — ииктә "жийда" (I, 67).

Сўз ўртаси ва охирида келган *й* ни аргулар *и* га алмаштирадилар: қой — қон "қўй", чығай — чыған "камбағал"; қайу — қану "қайси" (I, 67).

"*и* билан *ф* маҳражлари орасидаги" (I, 68) ини ўғузлар ва уларга яқин турувчилар *в* га айлантирадилар: эш — эв "уй", aw — av "ов" (I, 68).

Ўғуз ва қипчоқлар (халачларнинг бир тоифаси) сўз бошидаги *қ* ни *х* га айлантирадилар: қайу — хайу "қайси" (III, 237), қызым — хызым "қизим", қанда — ханда "қаерда" (III, 238).

Тишиш *з* ли сўзларни қўллашда Маҳмуд Кошгари туркий диалектларни уч гурухга бўлади:

1) Тишиш *з* билан сўзловчилар. Буларга чигил ва бошқа туркий қабилалар киритилади. Жумладан "чигилча" деб кўрсатилган сўзлар: бозун "халқ" (I, 379), азын "бошқа, бўлак" (I, 105).

2) Яғмо, тухси, қипчоқ, ябақу, татар, қай, жумул ва ўғузлар *й* га айлантирадилар, ҳеч маҳал *з* билан

1

Девонда ч билан ж бир ҳарф воситасида (*ж*) ифода этилган. Нашрга тайёрловчилар бу ҳарф билан келган сўзларни *ж* билан, яъни йинжӯ, жығай шаклида транскрипция қилганилар (қаранг: I, 67). Назаримизда бундай сўзларни йинчӯ шаклида транскрипция қилиш маъқулга ўхшайди. Чунки туркларда *ж* лашиб кейинги ҳодиса. Қадимда унинг ўрнида ч келган.

сўзламайдилар; қазын — қайын "қайнин дарахти", қазын — қайын "қайнаға" (I, 68), азрық — айрық "ажриқ, бир ўт" (I, 136), базрам — байрам "шодлик куни" (I, 447).

Айрим ўринларда бу диалектлар "з ни й га айлантирувчилар" деб кўрсатилган: боузун — бойун "жамоа" (III, 183), кәзүк — кәйүк "намат ва кигизлардан қилинган ёмғир ёпинчиғи" (III, 182).

3) Қипчоқ, ямак, сувор, булғорлар ҳамда русларга ва Румга қадар бориб тақаладиган бошқа қабилалар з га айлантирадилар: азақ — азақ "оёқ", тоғды — тоғды "тўйди" (I, 68), қазын — қазын "қайнин" (I, 383).

Шунингдек, ўғузлардаги й ни қипчоқлар з га айлантирадилар: өйлә — өзлә "пешин" туш вақти" (I, 137).

Ўғуз ва қипчоқларда товуш тушиш ҳодисаси кузатилади: тамғақ — тамақ "бўғиз", чумчук — чумук "олақарға", бараган — баран "бораверадиган", ураган — уран "ҳадеб ураверадиган" (I, 69).

Диалектларда, Кошғарийнинг мисол келтиришига кўра, чининг ж га (сирғалувчи) кўчиши [эринч — эринж "манишат", фарогат" (I, 152)], жаранглиниг жарангсизлашуви [бышық — яғмоларда бышығ "пишиқ" (I, 360)] каби фонетик параллелизмлар, шунингдек, метатеза [қошны ўғузларда қонши "қўши" (I, 408)] ва бошқа фонетик ҳодисалар ҳам кузатилади.

Морфологик хусусиятлар. Девонда ўша давр диалектлари орасидаги морфологик ўзига хосликлар ҳам ёритилган.

Жумладан, кўпчилик туркларда буйруқ бирлик учун бар, икки киши бўлса, барычлар иккигу (икковингиз боринг), кўплик учун барычлар қамуғ шаклида қўлланилган. Барық шакли ҳурматни ифодалаган. Ўгуз ва қипчоқлар бирликда бар, кўпликда эса барық дейдилар. Ҳурмат маъносида барықыз дейдилар (II, 51).

Турклар ўтган замонда ҳурмат маъносида бардықыз дейдилар. Ўгузлар эса буни фақат кўпликда (ҳаммангиз бордингиз) қўллаганлар (II, 52).

Феълнинг ўтган замон шаклини ҳосил қилишда диалектлар икки гуруҳга ажралади: яғмо, тухси, чигил, арғу, ўйғур, то Чингача бўлган ҳамма қабилалар -ды, -ди // -ты, -ти аффиксини қўшиб ясайдилар: барды "борди", кэлди "келди" каби. Бу шаклини ўғуз ва қипчоқларнинг баъзилари — суворинлар -дуқ, -дуқ аффикси орқали ясаналар. Буларда бирлик ва кўплик шаклда фарқ қилмаган:

мэн йа қурдуқ "мен ёй қурдим", биз йа қурдуқ "биз ёй қурдик" (II, 64), ал келдүк "у келди", биз келдүк "биз келдик" (II, 65). Бўлишсиз шаклини ҳам солиштиринг: бармады (туркларда) — бармадуқ (ўғузларда) "бормади" (II, 66).

Феълнинг келаси замон шакли ўғузларда қисқарган аффикс орқали ясалган: бошқа туркларда барырман — ўғузларда барыран "бoramан", бошқаларда йа қуарар-мэн — ўғузларда йа қуаран "ёй қураман" (II, 68).

II шахс бирликда шахс-сон -и аффикси билан ясалган: тапындың. Баъзи аргулар тилида у-*f* (-г)га айлантирилган: тапындуғ "топиндинг", сэн аны қачурдуғ "сен уни қочирдинг" (II, 194).

Чигил, қашгар, аргу, барсаған, уйғур ва юқори Чингача бўлган қабилаларнинг ҳаммаси-гучы, -гучи // -қучы, -кучи аффиксли сифатдоши қўллаганлар: қапгучы "ўғирловчи" сувғарғучы "суғарувчи", сағқучы "соғувчи" (II, 55). Ўғуз, қипчоқ, яғмо, уғроқ, суворин, бажанак, то русларгача бўлганлар унинг ўрнида сифатдошнинг -дачы, -дәчи // -тачы, -тәчи аффиксли шаклини қўллаганлар: бардачы "борувчи", турдачы "турувчи" (II, 53).

Чигил, яғмо, тухси, аргу, уйғур, то юқори Чингача бўлган ҳамма қабилаларда "исми замон", "исми макон" феъл ўзагига -*ғу*, -*ғу* // -қу, -қу аффикси қўшиб ясалган бўлса, ўғузлар, қипчоқ, бажанак, булғорларда феълнинг буйруқ шаклига -асы, -еси аффикси қўшиб ясалган: Бу йа қурғу оғур эрмәс — Бу йа қурасы оғур тәғүл "Бу ёй қурадиган пайт эмас", Бу турғу йэр эрмәс — Бу турасы йэр тәғүл "Бу турадиган жой эмас" (II, 71).

Лексик хусусиятлар. Маҳмуд Кошғарий ўз давридаги диалектларнинг лексик хусусиятларини ҳам кўрсатишга ҳаракат қилган. Мазкур асарда ўша даврда истеъмолда бўлган сўзлар ўрин олган булиб, умумхалқ тилининг лексик бойлиги акс эттирилган. Айрим ўринларда туркий бўлмаган сўзлар ҳам (жумладан, сұғча) келтирилади, бу эса ўзлашган сўзларнинг маълум қисми ҳам луғатдан ўрин олганини кўрсатади. Муаллиф сўзларни изоҳлар экан, ўрни билан уларнинг қайси бир диалектга мансуб эканлиги, диалектлардаги ўзига хос маъно хусусиятлари ва бошқа муҳим томонлари ҳақида ҳам тўхталиб ўтади. Бу эса ана шу сўзнинг диалектал табиатини очиб беради.

Шу ўринда Маҳмуд Кошғарий томонидан маълум бир диалектга мансуб деб изоҳланган сўзлардан келтирамиз.

Ўғузлар қўллайдиган сўзлар: *ашақ* "тубан, қуйи" (I, 97), *алық* "қуш тумшуғи" (I, 98), *экин* "экин, экин экиладиган ер" (I, 107), *үйэз* "кичик чивин" (I, 112), *арсу* "ҳар бир жўн нарса" (I, 48), *ҳар* (чар) "вақт" (I, 312), *чэр* "рӯпара" (I, 312), *эндәк* "сатҳ" (I, 130), *өркән* "қайиш" (I, 132), *эйлә* "шундай" (I, 137), *этрәк* "ранги сариқ одам" (I, 127), *памук* "момиқ, пахта" (I, 360), *төләк* "тинч ва оғир киши" (I, 368), *сынду* "қайчи" (I, 395), *қарынчақ* "чумоли" (I, 460), *сәчә* "чумчук" (III, 238) ва б.

Чигиллар қўллайдиган сўзлар: *уд* "сигир" (I, 80), *ажуи* "дунё" (I, 106), *узи* "икки тог орасидаги кенғ йўл" (I, 116), *айбақ* "кал" (I, 139), *вотки* "эваз, бадал" (I, 149), *чекәк* "чечак касаллиги" (I, 369), *саман* "сомон" (I, 392), *қучғунды* "пиёз" (I, 454).

Қарлуқча сўзлар: улъичым "ўғилчам, қарогим" (I, 86), *суғут* "сузма" (I, 337), *ыт* *кәрди* "ит вовуллади" (II, 15)

Қипчоқча сўзлар: *өкил* "кўп" (I, 103), *аба* "айиқ" (I, 113), *сулақ* "қора жигар" (I, 390), *ажан* "икки елканли кема" (I, 144).

Арғуча сўзлар (арғулар икки тилда сўзлашувчилар деб кўрсатилади — I, 65): *урзуқ* "оғил, молхона" (I, 124) *изрик* (< ирик) "қаттиқ нарса" (I, 128), *оғла* "ёш йигит" (I, 149), *қызы* *киши* "бахил одам" (I, 315), *бўк* "бурчак" (I, 321), *чигит* "пахта уруғи, чигит" (I, 337), *көзәж* "кўза" (I, 341), *қазық* "ёғоч идиш" (I, 363), *тудрыч* "гўнг" (I, 422), *баштар* "ўроқ" (I, 424), *битрик* "писта" (I, 441).

Яғмоча сўзлар: *чарун* "чинор дарахти" (I, 392), *чигни* "сурғи" (I, 408).

Булғорча сўзлар: *авус* "мум" (I, 91).

Барсағанча сўзлар: *арығ* "чодир пардаси" (I, 94), *тунак* "зиндон" (I, 387), *сөкти* "кепак" (I, 394), *ачы* "кеекса хотин" (I, 114).

Қашқарча сўзлар: *сибут* "кашнич" (I, 337), *бұтық* "кичик меш" (I, 358).

Туркманча сўзлар: *қарыт* "ўғирлаш, талаш" (I, 338), *тақуқ* "товуқ" (II, 330).

Канжакча сўзлар: *кәнбә* "бир ўсимлик" (I, 393), *көркә* "ёғоч коса" (I, 405).

Девонда бир гурӯҳ сўзлар бир қанча диалектлар учун умумий бўлган деб кўрсатилади. Жумладан, қуйидаги сўзлар ўғуз ва қипчоқларда қўлланиши таъкидланган: *алығ* "ҳар нарсанинг қайтарилиши" (I, 95), *арық*, *заиф*" (I, 97), *чуфға* (чувға?) "йўл бошловчи, раҳбар" (I, 400). Ёки яна мисолларни кузатинг: эбмәк "нон" (яғмо, тухси ва баъзи ўғуз ва қипчоқлар сўзи) (I, 126), *урға* "катта дарахт" (ўғуз ва аргуча) (I, 148), бинэк "уруг" (аргу ва баъзи диалектларда) (I, 367).

Айрим сўзлар бир диалектда маълум бир шаклда бўлса, иккинчи диалектда унинг ўрнида бошқа сўз қўлланилган. Бу нарса Маҳмуд Кошғарий томонидан ҳам алоҳида қайд этилган. Масалан, бошқа турклар идиш, коса, пиёлани *айақ* десалар, ўғузлар унинг ўрнида *жанақ* (чанақ) сўзини қўллаганлар (I, 112), турклар *азын* (бошқа, бўлак) десалар, ўғузлар *аӡруқ* деганлар (I, 124), бошқалар камар, тўқа ва эгарнинг бошига ўрнатиш учун олтин-кумушдан ишланган зийнатни *устам*, ўғузлар эса *сахт* деганлар (I, 131), турклар *алмыла* (яъни олма) десалар, ўғузлар *алма* сўзини қўллаганлар (I, 150), бошқа турклар ҳар бир оқ рангни *өруқ*, ўғузлар *ақ // а:қ* деганлар (I, 153) бошқалар шароб, мусаллас, майни *сүчик*, Ила водийсида яшовчилар (яғмо, тухси ва чигиллар) майни қызыл *сүчик* деб атаганлар (I, 387). Кўпчилик турклар чықты десалар, яғмо, тухси, ябоқу, қипчоқ ва баъзи туркман уруғлари худди шу маънода *ташықты* сўзини қўллаганлар: Эр эвдин *ташықты* "Одам уйдан ташқарига чиқди" (II, 131).

Лексик қатлам орасида бир диалектда маълум маънода, бошқасида иккинчи маънода қўлланувчи сўзлар ҳам бўлган: Чигил туркларида улуши сўзи "қишлоқ" маъносида қўлланилган бўлса, Баласагун ва уларнинг юқори ёнидаги аргулар тилида "шаҳар" маъносини англатган (I, 94), бошқа туркларда иңэк сўзи "сигир" маъносида қўлланилган бўлса, ўғузлар тошбақанинг урғочисини шу сўз билан атаганлар (I, 135), бошқалар ошхонани *ашлық*, ўғузлар боғдоини *ашлық* деганлар (I, 137), бошқа турклар бургутни ва Муштарий юлдузини *қара қуш* деб атаган бўлсалар, ўғузлар тия оёқларининг учига ҳам шу сўзни қўллаганлар (I, 319). "Кэнд — ўғузлар ва улар билан яқин турувчилар тилида қишлоқ". Кўпчилик турклар наздида

вилоятдир" (I, 330), бошқа турклар құрт (ҳашарот)ни құрт деганлар, фақат үғузлар бүрини шундай деб атаган (I, 328), бошқалар одамлар орасидаги шодлик ва күлгини баҙрам, үғузлар ҳайт кунини байрам дейдилар (I, 447). Түрклар сән сүзини кичикларга, хизматчиларга ҳамда сүзловчидан даража, мартаба, ёшда қуи бұлған кишиларга нисбатан құллаганлар. Үзларидан юқори ҳурматли кишиларни сиз деганлар. Үғузлар эса, аксинча, катталарга сән, кичикларга сиз, деб құллайдилар. Күпликда ҳам шуни ишлатғанлар (I, 326). Күпчилик түркларда өзілді "сувалди, чапилди" маъноларини англатған бұлса, уйғурларда бу сүз "бўйнига урмоқ" маъносидадир (II, 135).

Полисемантик сўзларнинг баъзи бир маънолари айрим диалектлардагина амал қылған. Чунончи, үғузларда чақды сўзининг "эшиттири", айтди" маъноси ҳам құлланылған: ол сөзүг аның қулақта чақды "у сўзни қулогига эшиттири" (II, 24). Соқды (майдалади; чўқиди; чақди) сўзининг "чақмоқ" маъноси үғузларга хосдир: аны йылан соқды "уни илон чақди" (II, 26).

Бир груп сўзлар диалектларда услубий жиҳатдан ҳам чегараланған эди. Жумладан, қылды салбий маънода ҳам құлланылғани сабабли, үғузлар ундан қочиб, унинг ўрнида этти сўзини құллайдилар: эр йўкунч этти "одам намоз ўқиди". Турклар эса қылды сўзини құллаганлар (II, 33). Ёки түрклардаги тэкинді — "эришди, муяссар бўлди" маъносидаги сўзни, девон муаллифининг ёзишича, үғузлар "ёқтирмайдилар" (II, 166).

Үзлашган сўзларнинг миқдори бўйича ҳам диалектлар орасида фарқ бўлған. Буни Маҳмуд Кошғарийнинг куйидаги маълумотида ҳам кўрамиз: "Үғузлар форсийлар билан аралашгач, баъзи сўзларни унутдилар ва уларнинг ўрнига форсийча сўзлар қўллай бошладилар: қумған ўрнида офтоба; бақан ўрнида ҳалыда (бўйин тумор)" (I, 406).

## ЭСКИ ТУРКИЙ АДАБИЙ ТИЛИНИНГ ФОНЕТИК ХУСУСИЯТЛАРИ

Ёдгорликларнинг ёзув ва товуш хусусиятлари эски туркий тилда ёпиқ ә унлиси ҳам фарқланғанидан далолат беради. Мазкур унли олд қатор ә нинг торайиши нати-

жасида унга эш (вариант) сифатида шаклланди. Юмшоқ, ўзак, шаклларнинг маълум қисмида сўз боши ва сўзниң биринчи бўғинидаги *ә* ёки *и* эски туркий тилда э га айлана бошлади. Қадимги туркий тилда *әт* — эски туркийда *эт*, *әб* — *эш*, *әл-ил* — *эл*, *әш-иши* — *эши*, *йэр-ийир* — *йэр*, *йәти-йити* — *йәти* "7", *бәг* — *бәг* каби. Шунинг учун ҳам эски туркий тилда унлилар сони қадимгидан битта ортиқ: *ә*, *ә*, *ә*, *ы*, *и*, *о*, *ө*, *ү*, *у*.

Араб хатида ёдгорликлар тилидаги тўққиз унли уч ҳарф ва ҳаракатлар билан ифода этилган: | ҳарфи *a*, *ә* билан бирга *ә* ни, ۋ ҳарфи *o*, *ө*, *ү*, *у* ларни, ى эса *ы*, *и* билан бирга *ә* ни ҳам англатган. Уйғур ёзувида бу унлилар тўрт хил шакл воситасида ифода этилган: *a*—*ә*—*ә*; *ы*—*и*—*ә*; *o*—*у*; *ө*—*ү*

Эски туркий тилда ҳам бирламчи чўзиқ унлилар фарқланган. Бундай чўзиқлик ёзма ёдгорликларда ҳам маълум даражада акс этган. Жумладан, уйғур хатида чўзиқлик ҳарфларни иккилантириб ифода этилган. "Қутадғу билиг"нинг уйғур ёзуви Вена қўлёзмасида ана шундай чўзиқликни кузатамиз: *ө*:*ч* "ўч", *у*:*з* "ҳунарманд", *қ*:*ш*—"қўшмоқ", *т*:*р* "уйнинг тўри", *қ*:*ү*:*ш* "қуш", *т*:*ү*:*ш* "туш" каби. Араб хатида чўзиқлик алифу мадда (۱) ва қўши алиф (۲), баъзида унлиларни тўлиқ ифодалаш билан ифода этилган. Жумладан, Маҳмуд Кошғарий бир қатор сўзларни қўш алиф билан келтиради: ۱۱*a*:*ч* "оч", ۲۲*a*:*ш* "ош, овқат", ۳۳*a*:*w* "ов", ۴۴*a*:*л* "ҳийла", ۵۵*a*:*й* "ой" каби.

Ёдгорликларда чўзиқлик доимо ёзува фарқланаверманган. Ёзувда фарқланмаган бўлса ҳам улар, ўрни билан, чўзиқ талаффуз қилинаверган. Шу билан бирга, чўзиқлик қисқа ёки оддий товушга айлана олиши мумкин бўлган. Шунга кўра чўзиқ унлиларни оддий унлиларнинг фонетик варианти сифатида қарашиб тўғрироқ бўлади.

Консонантизм борасида ҳам эски туркий ёдгорликлар тили қадимги туркий ёдгорликлар тилидан маълум жиҳатлари билан фарқланади.

XI—XIV аср ёзма ёдгорликлари тилида жарангиз *n*, *m*, *c*, *ш*, *ч*, *қ*, *к*, *х* ундошлари, жарангли *b*, *v* (~ *w*), *d* (~ *z*), *з*, *ж*, *ғ*, *г* ундошлари, *м*, *н*, *қ*, *р*, *л*, *й* сонорлари, шунингдек, ўзлашган сўзларда *ж*, *ф*, *ҳ* ундошлари мавжуд.

Ҳозир биз *в* деб уқийдиган товуш едгорликлар тилида икки хил: лаб-лаб (*ө*) ва лаб-тиш (*ω*) товуши сифатида фарқланган. Бу даврда *w* етакчи булиб, у *v* га вариант сифатида қўлланилган: *v-w*. Шунингдек, эски туркий тилда тишора *ڙ* ундоши ҳам мавжуд бўлиб, у *d* га вариант сифатида қўлланилган: *d-ڙ*.

Араб хатида *b* билан *n*, *k*—*g*, *ch*—*χ* ундошлари асосан бир хил ҳарфлар билан ифода этилган (جـ بـ). "Қутадғу билиг", "Девону луғатит турк", "Тафсир", "Муқаддаматул-адаб"да *v* дан фарқли ҳолда *w* учун алоҳида ҳарф бор (فـ // ڻـ). Эски туркий тилнинг дастлабки ёдгорликларида ("Қутадғу билиг", Девон каби) узлашган сўзларда учровчи ж учун ҳам маҳсус ҳарф (ڢـ) қўлланилган: اڙوٽ اچون "дунё". Кейинчалик мазкур ж урнида *v* учрайди (ачун).

Уйғур хатида *b*—*p*, *v*—*w*, *c*—*z*, *t*—*d*, *k*—*g*, *q*—*f*—*x*, *ch*—*χ* лар ёзувда фарқланмаган. Ўрни билан, у ёки бу товуш сифатида уқилаверган.

Урхун-энасой ёдгорликлари тилида суз бошида келувчи *b* эски туркий ёдгорликлар тилида *m* га айланган: буң—муң "мунг", бән—мән "мен", биң—миң "1000" каби.

Сўз ўргаси ва охирида келувчи *b* эса *w* (баъзан *v*) га айланади: әб—әw // әв "үй", әб—aw // әв "ов", суб—суw // суv "сув", табар — ta w var // тавар "мол, товар" ва *b*.

Урхун-энасой битигларидаги назаллашган *и* бу даврда *ü* га айланган. қои—қоӣ "қўй", чығай—чығай "камбагал".

Урхун ёдномаларида фақат *қ* билан келувчи сўзлар бу давр тилида *қ* билан ҳам, *х* билан ҳам учрайди: қаған — хақан "хоқон", қалық — қалық // ҳалық "осмон", қалы — ҳалы // қалы "агар", қатун — ҳатун "хотин" каби.

Эски туркий ёдгорликлар тилида *d* лашишдан *й* лашишга ўтиш жараёни акс этган. Эски туркий тилнинг дастлабки ёдгорликларида *d-ڙ* билан қўлланувчи сузлар кейинги давр ёдгорликларида з ҳамда *й* билан келади: adaқ~azək~айақ; ҹـ ҹـ ҹـ ҹـ ҹـ ҹـ. Ҳатто баъзи асаларларда бир сўзнинг *d* // *ڙ* // *z* // *й* ли вариантлари учрайди. Масалан, "Тафсир"да: әдҹ // әڙҹ // әйҹ. Бу хусусиятлар манбалар тилида *d* лашишдан *й* лашишга силжиши жараёни акс этганлигидан далолат беради.

Эски туркий тилда араб ва форс тилларидан ўзлашган сўзларда қўйидаги хусусиятлар кузатилади:

Сўз бошида *n*, *g*, *л*, *з*, *в*, *r*, *ð* ундошлари кела олади: панд "панд", ганж "ганж", Луқман — исм, заҳмат "заҳмат", дӯа "дую", вафа "вафо", рабат "работ" каби.

Ўзлашган сўзларда *ҳ*, *ф*, *ж* ундошлари ҳам учрайди: шаҳим "шоҳим", насиҳат "насиҳат", испаҳсалар "си-паҳсалар", фида "фида", ажун "дунё".

Турклар ўзлашган сўзлардаги 'айн (ء) ни талаффуз қила олмаганлар. Бу товушни улар туркчалаштирганлар: -ақл "ақл", -асл "асл", -умур "умр" ва б. Шунингдек, турклар ўзлашган *س* *ظ* *ط* *ڦ* ларни ҳам талаффуз қила олмаганлар. Уларни *t*, *c*, *з*, сифатида талаффуз қилганилгар. Лекин ўзлашган сўзларга ёзув принципи қўйланилган, яъни арабчада қандай ёзилса, туркий матнларда ҳам шундай ёзилган. Мисоллар: مُسَالَة masal, мэрас, نِيَاز nizam, بَصَر sabar, طَهَّا ata.

## ЭСКИ ТУРКИЙ АДАБИЙ ТИЛИНИНГ МОРФОЛОГИК ХУСУСИЯТЛАРИ

### Сўз ясалиши

Эски туркий тилда сингармонизм қонуни (унлилардаги танглай ва лаб уйғунлиги, ундошлардаги жаранглилик ва жарангсизлик уйғунлиги) амал қилгани сабабли ўзакка қўшилувчи аффиксларнинг ҳам фонетик вариантлари мавжуд. Жумладан, от ясовчи -*f* нинг юмшоқ -*g* варианти ҳам бўлган. Ўзакнинг табиатидан келиб чиқиб, у ёки бу варианти қўшилган. Масалан, *айт* сўзи қаттиқ бўлгани учун унга -*f* қўшиб янги сўз — *айтығ* (сўроқ) ясалган. Ёки *утуг* (дазмол) сўзи тарихан *от* (олов)га эмас, балки *ут-* (қизитмоқ, куйдирмак; Навоийда *ут* — каллани ўтга тутиб, тукини тозалаш) сўзига боғланади. Шунинг учун унга аффикснинг юмшоқ -*g* варианти қўшилган. *От* га боғланганда эди, унга -*f* қўшилган бўларди, чунки *от* қаттиқ ўзак. Сўз ва аффикс орасидаги бундай уйғунликни кўрсатувчи мисоллардан истаганча келтириш мумкин: натижаси бир — сингармонизм қонунига амал қилинган.

Ҳозирги ўзбек адабий тилимизда сингармонизм, маълум даражада, чекланган бўлишига қарамай, туркий тилнинг қадимий хусусиятини кузатиш мумкин. Масалан, ўтоқ сўзида қ нинг қўшилганлиги табиий, чунки ўт (ўсимлик) тарихан қаттиқ ўзак (*от*). "Ўтказиб қўймоқ" маъносидаги ўтказ сўзига юмшоқ-каз қўшилади, чунки ўт- (*от*)

юмшоқ ўзак. "Дарахт ўтқазмоқ" маъносидағи ўтқаз сўзида эса-қаз келади, бунинг сабаби ўт (от) қаттиқ ўзакдир. Ёки ташқи, ичкни сўзларидағи -ки билан -ки бир аффикснинг икки хил вариантидир: таш сўзи қаттиқ бўлгани сабабли унга -ки; ич сўзига эса, аксинча, -ки қўшилади. Лекин қишики, ёзги сўзларида уйғунлик бузилган — уларга ўринсиз ҳолда юмшоқ -ки, -ги қўшилган. Бу ҳозирги ўзбек тилида сингармонизмнинг бузилганлиги натижасида содир бўлган. Аммо сингармонизмни сақлаган бошқа туркий тилларда ушбу сўзлар қышқы, йазқы шаклидадир.

Энди ҳозирги тенгқур сўзига эътибор берайлик. Ушбу сўздаги тенг — юмшоқ, қур — қаттиқ морфема. Тарихан юмшоқ ўзакка аффикснинг қаттиқ варианти қўшилмаган. Демак, бу сўздаги қур қўшимча эмас, мустақил сўз бўлиб чиқади<sup>1</sup>. Яъни тенгқур тарихан қўшма сўздир. Қур ҳам "тенг" маъносини билдирган: тенг + тенг = тенгдош.

Кўринаидики, тил тарихида аффиксация усули билан сўз ясалишида фонетик принцип етакчи ҳисобланган.

Энди эски туркий адабий тилидаги сўз ясовчи аффиксларни кўриб чиқайлик.

Бу давр тилида от ясовчи қуйидаги аффикслар қўлланилган.

а) исмдан от ясовчи аффикслар:

-чи, -чи: отачы "табиб, тапуғчы" "хизматчи", этукчи "этикдўз", элчи "эл бошловчи".

-лық, -лығ, -лик, -лиғ // -лук, -луғ, -лук, луг: чығайлық "гадолик", бағырсақлық "мехрибонлик", кенилиқ "тўғрилик", қөзлук "қўзойнак", әлиглик "қўлқоп".

-даш, -дәш // -таш, -тәш: қолдаш "ҳамроҳ", қадаш "қариндош", көңулдәш "кўнгилдош", түдәш "рангдош, турдош".

-дурал, -дүрүк: сақалдуруқ "қалпоқ боричи", бойундуруқ "бўйинтуруқ", көмүлдүрүк "от жабдуқи".

-лағ, -лақ, -ләғ, ләқ: тарығлағ "экинзор", өдләк "замон".

-дук, -дүк: бурундуқ "жилов, нўхта".

-дың, -дин: айдың "оидин".

-сақ, -сәқ: қуруғсақ "меъда".

-суқ, -сүк: бағырсуқ "ичак".

<sup>1</sup> Тарихан қўшма сўз қисмлари турлича бўлиши ҳам мумкин. Масалан: Кўнтуеды — исм.

- ут, -ят: *өгүт* "үгит", *насиҳат*".
- чақ, -чәк: *бағырчақ* "әшак түқими", *тәринчәк* "хотин-ларнинг енгиз киними, нимча".
- чүк, чүк: *йаңчүк* "ҳамён; тұрва".
- ч: *ашыч* "қозон".
- б) феълдан от ясовчилар:
- ғ, -ғ: *батығ* "чуқур", *айтығ* "сұроқ", *йарағ* "қурол", *қануғ* "әшик", *қошуғ* "құшиқ", *битиг* "китоб", *билиғ* "билим", *өлүг* "үлилк".
- қ, -қ: *йазуқ* "гунох", *қонуқ* "мсәхмон", *қарақ* "куз", *йүргәк* "юрак", *кәчік* "кечиг, ўтиш жойи", *тұнаш жойи; зиндон*", *тиләк* "тилак", *бичәк* "пичоқ".
- м: *ақым* "оқим", *сағым*, *соғим*; *соғышлик*", *өлүм* "үлим", *алым* "олим (қарз)", *бәрим* "берим (қарз)", *кәдим* "күйим".
- ч: *өкүнч* "үқинч", *инәнч* "ишонч", *сақынч* "қайғу", *сәвинч* "севинч", *умунч* "умид".
- ыт, -ит // -ут, -ят: *сыгыт* "йиги", *йанут* "жавоб", *коғыт* "күйим", *қонут* "жой".
- мақ, -мәк: *қысмақ* "сиртмоқ, тузоқ", *чақмақ* "чақмоқ".
- ғу, -қу, -ғу, -қу: *бығу* "пичоқ", *қанағу* "наштар", *кулғу* "кулги", *сүпүргү* "супирги", *кәрғү* "күйим".
- ғә, қә: *бүлғә* "доно", *өғә* "ақлли, билимдон", *тилкә* "тилим, булак".
- ғақ, -қақ, -ғәк, -қәк: *йатғақ* "соқчи", *турғақ* "посбон", *орғақ* "ұроқ".
- ғүн, -қүн, -ғүн, қүн: *тұтғүн* "асир, тутқун", *қачғын* "қочоқ".
- сығ, -суғ: *күн батсығ* "күн ботар, Ғарб", *күн туғсуғ* "күн чиқар, Шарқ".
- ыш, -иши // -уш, -үш: *тоқуш* "уруш", *үқуш* "үқувидрок", *чықыш* "фойда, манфаат".
- и: *ақын* "сел", *экин* "экин", *түгүн* "түгүн", *боғун* "бүгүн".
- мыш, -миш: *йәмиш* "мева".
- мур: *йағемур* "ёмғир".
- Сифат ясовчи қүйидаги аффикслар құлланилган:**
- лығ, -лиғ // -луғ, -лүғ: *йарағлығ* "яроқли", *үқушлуғ* "заковатли", *күчлүг* "кучли", *үнлүг* "овозали".
- сыз, -сиз // суз, -сүз: *йарағсыз* "яроқсиз", *этсиз* "гүштсиз", *көрксуз* "курксиз", *тубсуз* "тубсиз".

-сақ, -сәк: бағырсақ "күнгилчан", тапуғсақ "садоқатли", уදуғсақ "хүшёр".

-сығ, -сиг: құлсығ "құлсімон", әрсиг "әрсімон", бәгсиг "бексімон".

-қы, -ки: йақы "баҳорғи", әйдыхы "ёзги", қышқы "қиши".

-ғ, -қ, -ғ: ачығ "аччиқ", құруғ "құруқ", иұмшақ "юмшоқ", сұчуг "ширин", сәвег "севимли".

-л: қызыл "қизил", түгәл "тугал".

-н: толун "тұлин (ой)", тұзун "тұғри", әркин "әркін".

-уз, -үз: йавуз "ёвуз".

-ры, -ри: әгри "әгри".

Эски туркий тилда равишилар қуйидаги аффикслар орқали ясалған:

-ла, -лә: чынла "чиндан".

-лайу, -ләйү: адығлайу "айқадек", арсанлайу "арслондек".

-тәг: тәтир -тәг "туядек", бұлымт-тәг "булутдек", оқ-тәг "үқдай".

-ча, -чә: тиләкчә "тилаганича", кәдимчә "күйиш учун керагича".

-ру, -рү: үәттеру "тугал", бұттеру "бутунлай".

Феъл ясовчи қуйидаги аффикслар учрайди:

-а, -ә; -γ, -у, -ы, -и: ата "ата", йашна "яшна", аша "оша", күңә "зұрлик қил", тұна "тұна"; ағруды "огирлашди", байуды "бойиди", кәңүди "кенгайди"; өлиди "хүл бўлди".

-ла, -лә: қышла "қишила", қарала "қора ранг бер", қылышла "қиличла", сұла "лашкар торт".

-да, -дә // -та, -тә: алда "алда", оқтатты "үқ оттирди", үндә "унда".

-ад, -әд, -аз, -әз: қутад- "бахтга етказ", муңад - "мунгли қил",

буқаӡты "буқа бўлди", эрәӡты "эрлар сафига ўтди".

- (а)р, -(әр): қарарды "қорайди", эсирди "эскирди", өргүәрди "оқарди", көкәрди "күкарди".

-ғар, -қар, -ғәр, -қәр: атғарды "отга миндириди", отғарды "ўтлатди", сұнғарды "сұғарди".

-сын, -син: улуғсын "ўзингни улуғ тут", эжсинди "ўз уйи ҳисобланди".

-ик: бирик "бирик".

-ал, -әл: оңал "үнгал, тузал".

-рәтт: өгрәт "ўргат" ва бошқалар.

## СЎЗ ТУРКУМЛАРИГА ХОС ХУСУСИЯТЛАР

Эски туркий ёдгорликлар морфологик жиҳатдан анча ўзига хос. Уларда бир томондан қадимий шакллар сақланган бўлса, шу билан бирга, тилнинг кейинги даврларида хос хусусиятлар акс этган. Бундан ташқари XI—XIII аср ёдгорликлари билан XIУ аср обидалари тилида маълум фарқни кузатиш мумкин. Жумладан, "Қутадгу билиг", "Девону лугатит турк", "Ҳибату-л-ҳақойиқ" асарларида кўпроқ урхун-энасой обидалари тилига хос хусусиятлар сақланган, "Мұхаббатнома", "Хусрав ва Ширин"нинг тили эса XV аср асарлари тилига яқинлашади.

"Қутадгу билиг", "Девону лугатит турк", "Ҳибату-л-ҳақойиқ" каби асарларда қелишиклар еттига. Мисол тариқасида, "Қутадгу билиг"<sup>1</sup> ва Алишер Навоий асарлари тилида қўлланилган қелишикларни солишириб кўрайлик:

Келишиклар	"Қутадгу билиг"да	Навоий асарларида
1. Бош к.	—	—
2. Қаратқич к.	-ның, -ниң, // -нуң, -нүң; -ың, -иң // -ун, -ун,	-ның, -ниң // -нуң, -нүң,
3. Жўналиш к.	-қа, -ға, -қә, -ғә; -а, -ә; -ғару, -ғәр; -ру, -ру; -ра, -рә;	-қа, -ға, -қә, -ғә; -а, -ә; -на, -нә
4. Тушум к.	-ғ, -г (-ығ, -иг // -уг, -үг); -ны, -ни; -н; -ы, -и	-ны, -ни; -н
5. Ўрин-пайт к.	-да, -дә // -та, -тә	-да, -дә // -та, -тә
6. Чиқиш к.	-дан, -дән, -дын, -дин; -тан, -тән -тын, -тиң - дун, -дүн; -да -дә	-дын, -дин // -тын, -тиң
7. Восита к.	-и (-ын, -ин // -ун, -үн)	

1

Каримов К. Категория падежа в языке "Кутадгу билиг". Автореферат канд. диссерт., Ташкент, 1962.

2

Абдураҳмонов F., Рустамов А. Навоий тилининг грамматик хусусиятлари. Тошкент, 1984, 51—68-б.

XV аср тилида келишиклар олтита. Қадимги туркий тил ва XI—XIII аср ёдгорликларида кўп учрайдиган восита келишиги бу даврда қўлланилмаган. Унинг вазифасини ўрин-пайт келишиги ва бирлэ-била-иля кўмакчиси бажара бошлайди.

Шунингдек, "Қутадғу билиг", "Девону лугатит турк"да тушум келишигининг -ны, -ни; -н; -ы, -и аффикслари билан бирга қадимий -ғ, -т аффикси ҳам кенг қўлланилган: *Байат аты бирлэ сөзүг башладым / Төрүтгән иғиғән кечургән изим* — Худо номи билан сўзни бошладим / Яратган, парваришлаган, кечирган эгамдир (ҚБ). *Отачы көзүг энчуләди* — Табиб кўзни даволади (ДЛТ). Тушум келишигининг бу аффикси ҳам кейинчалик истеъмолдан чиқсан. XI аср ёдгорликларида жўналиш келишигнинг -ғару, -қару, -ғару, -қару; -ғар, -қар, -ғар, -қар аффикси ҳам кейинги даврларда учрамайди.

"Қутадғу билиг", "Девону лугатит турк"да баъзан чиқиш келишигининг -да, -дә шакли ҳам учрайди: *Тақы мэндә йэргәк сэн айғыл ача* — яна мендан дурустроқ, очиқ қилиб ўзинг айт (ҚБ), *Көгүш тут йигитлик кечэр сэндә тэрк* (Йигитликнинг) қадрига ет, у сендан албатта қочади (ҚБ). Кейинчалик чиқиш келишиги бу шаклда ифода этилмаган.

Эски туркий тилда составли саноқнинг қадимги йэти йигирми (17), бәш отуз (25) типидаги тури учрамайди. Бу даврда саноқнинг янги усули қўлланилган: *отуз ики, он ики каби*.

Тартиб сон қўшимчаси -нч; -нчы, -нчи шаклида учрайди: *бәшинч* — бешинчи, *онунч* — ўнинчи, *йигирминч* — йигирманчи каби.

"Қутадғу билиг", "Девону лугатит турк" ёдгорликларида ики та -нди аффиксини қўшиб, икинди шаклида ҳам қўлланилган.

Жамловчи сон саноқ сонга -ғу, -ғу аффиксини қўшиш билан ясалган: *икәғу* — иккала, *учәғу* — учала. Ҳозирги -ала аффикси тарихан ўшанга бориб тақалади: *икәғу > икәғ > икәв > икәв + -лән > икәвлән > икәвлә > икәла*.

Эски туркий тилда кишилик олмошининг учинчи шахс бирлиги ол // ул бўлиб, келишиклар билан турланганда

*a (и)* - шаклини олади: *аңар*, *аны*, *андын*. Кишилик олмошлари турланганда мэндин, сэндин, биздә, сизгә билан бир қаторда мәниңдин, сәниңдин, бизиңдә, сизиңә шакларида ҳам учрайди.

Күрсатиш олмошларидан бу, ол // ул, ошбу, ошул, муны, мундағ, андағ кабилар құлланилган. Бу олмоши келишик құшимчасини олганда сүз бошидаги б м га айланади: муны, муның, муңар; ол // ул олмоши *a (и)-* га ўзгаради: *аны*, *анда*.

Сүроқ олмошларидан *ким*, *нә*, *нәчә*, *нимә*, *нәкү*, *нәлүг*, *нәчүк*, *нәрәк* (нима учун), *нәкү-тәг* ~ *нә-тәг* (қандай), *қайу* ~ *қану* (қайси), *қайды* ~ *қанда*, *қайуқа* (қаерга), *қанча*, *қач* (қанча), *қачан* кабилар мавжуд.

Эски туркii ёдгорликлар тилида ўзлик олмоши өз билан бирга баъзан қонду олмоши ҳам учрайди.

Белгилаш олмошларидан қамуғ, барча, тәгмә кабилар құлланилган.

Сифатдошнинг -дачы, -дәчи // -тачы, тәчи; -дуқ, -дүк // -туқ, -түк; -ғлы, -ғли; -ғу, -ғү // -қу, қу; -ғұчы, -ғүчи // -құчы, -қүчи; -асы, -әси; -р (инкор шакли -маз, -мәз // -мас, -мәс); -ғалыр, -ғәлір; -мыш, -миш; -ған, -ғән // -қан, -қән; - (ы)ғсақ, - (и)ғсәк; - (ы)ғсық, - (и)ғсик; - (ы)ғсы, - (и)ғси; -нды, -нди аффиксли шакллари құлланилган. Мисоллар: *бардачы* — борған, *көрмәдүк* — күрмаган, *көрүгли* — күрадиган, *қылғу* — қиладиган, *кәлгүчи* — келувчи, *қурасы* — қурадиган, *йұрырда* — юрганда, *сүш бөрмәсгә* сут бәр (ДЛТ), *көнгәлір* — түғриланаётир, *қазмыш арық* — қазилган ариқ, *төрүтеген* — яратган, *кәлигсәк* — келган ва б.

Равишдош -*a*, -*ә*; -*у*, -*ү* (-*йу*, -*йү*); -*б*; -*бан*, -*бән*: -*мадын*, -*мәдин* // -*мады*, -*мәди*; -*ғалы*, -*ғәли* // -*қалы*, *қәли*; -*ғач*, -*қәч* // -*қач*, -*қәч*; -*ғынча*, -*ғинчә* // -*ғүнча*, -*ғүнчә* аффикслари билан ясалган: *түзә* — тузиб, *мәңзәтү* — қиёслаб, *сынайу* — синаб, *битиб* — ёзиб; *кәзібән* — кезиб, *бигмәдин* — билмай, *алғалы* — олгани, *эшиткәч* — эшиткач, *тозмағынча* — түймагунча каби.

Харакат номи -*мақ*, -*мәқ*, -*иши* (-*ыш*, -*үш*) аффикслари, шунингдек, баъзан -*ғу*, -*ғү* // -*қу*, -*қү* билан ҳам ясалган: *түзмәк* — тузмоқ, *бақыш* — қараш, *боқиш*, *айытғу* көрәк — айтиш керак; *Қатығ ланғу* ашну тил алғу көрәк / Бу тилдин йағы қылқы билгү көрәк —

Мустаҳкамланиб, сўнг тил олиш керак, бу тилдан ёв қилигини билиш керак (ҚБ).

XI аср тилида ўтган замон феълининг -ды, -ты аффиксли шаклидан ташқари, ўрни билан, сифатдошнинг -мыш; -дуқ аффиксли шакллари ҳам ишлатилган. Сифатдошнинг -дуқ аффикси бир неча хил грамматик вазифани бажарган. Жумладан кесим вазифасида келиб, ўтган замон маъносини ифодалайди. Лекин унинг мазкур вазифаси айрим диалектлар, ёдгорликлар билан чекланган. -дуқ аффиксли шакл бу вазифада келганда учинчи шахс шаклида қўлланилган бўлиб, биринчи ва иккинчи шахслар учун ҳам шу шакли ишлатилаверган. Шахс-сонни ифодалаш учун кишилик олмошлари қўлланилган. Шунга асосан -дуқ маъно жиҳатдан -ды, -ты аффиксидан фарқ қилмайди: *Мэн йа қурдук* — Мен ёй қурдим (ДЛТ); *Өзүң тапламадуқ бару кэлмәкиң* — Бу ерга келмагинги ўзинг манзур кўрмадинг (ҚБ).

-мыш, -миш аффикси ҳам ўрни билан ўтган замон шакли сифатида ишлатилади: *Йэмә йақшы аймыш бу өглуг киши* — Мана бу оқил киши янада яхшироқ айтибди (ҚБ).

"Қутадғу билиг"да шахс-сон бошқа воситалар орқали ҳам ифодаланиши мумкин: *Сәнә бәрди бу панд өзүм эй оғул* — Бу пандни ўзим сенга бердим, эй ўғил.

Мисолда биринчи шахс бирлик ўтган замон феълига эмас, ўзлик олмошига қўшилиши натижасида ифода этилган.

Шунингдек, иккинчи шахс бирликни кузатайлик: *Муну сөзләдим сөз эшилти өзүң* — Мана, сўз сўзладим, сен (эса) эшилдинг.

Ҳозирги-келаси замон -р (-ар, -эр, -ыр, -ур // -ур, -yr); -йур, -йур, инкор шакли эса -маз, -мәз // -мас, -мәс аффикслари билан ясалган: қалыр — қолади, сөзләйур — сўзлайди, болмас — бўлмайди каби.

Келаси замоннинг учинчи шахс бирлиги -ғай, -ғәй // -қай, -қәй, шунингдек, унинг қисқарган -ға, -ғә // -қа, -қә аффикси билан ясалган: қалғай — қалға (қолади) каби. Биринчи ва иккинчи шахс бирлиги эса -мән, -сән боғламаларини қўшиш орқали ҳосил қилинган: *барғамән* — *борғайман*, *кәчурғәй-сән* — (бошдан) кечирасан, ўтказасан.

Хозирги ўзбек тилидаги буйруқнинг иккинчи шахс қўшимчаси -гин эски туркий тилда -ғыл, -гил // -қыл, -кил; -ғын, -гин // -қын, -кин шаклида қўлланилган: *турғыл* — *турғын* каби.

Хозирги ўзбек тилидаги буйруқнинг учинчи шахс бирлиги -син ўрнида -сун, -сүн; -сұны, -сұни; -су, -сү қўлланилган: *тәгүрсүн* — етказсин, *йашасуны* — яшасин, *тәбрәсү* — тебрансин.

Истакнинг биринчи шахс бирлиги -айын, -әйин; -айы, -әйи: -ай, әй, кўплиги эса -алым, -әлим; -алы, -әли ёрдамида ифода этилган: *бараіын* — борайин, *сыналым* — синайлик.

Эски туркий тилда шарт майлининг қадимги -сар, -сар шакли учрамайди, фақат -са, -сә қўлланилган. Характерлиси, "Қутадғу билиг"да -са, -сә аффиксли шакл биринчи ва иккинчи шахс бирликда шахс-сон қўшимчасини қабул қилмайди. Шунинг учун бу ўринда ёрдамчи воситалар қўлланилади. Жумладан, мэн, сэн (мә, сә) олмошларини келтириш билан шахс-сон ифодаланади: *Нәкүлуг тэсә-сэн* уқушуз *турур* — ўқув-идроксиз қандай бўлади, десанг. Кәрәклиг *турур* бу қадаш *айса-мә* — Мен (сенга) айтсан, бу кераклидир, қариндош.

Шунингдек, гап таркибидағи ўзлик олмошига шахс-сон аффиксини қўшиш билан ҳам ҳосил қилинган: *Киши аслы билмәк тиләсә өзүң* — Сен ўзинг киши аслини билишни истасанг ва б.

Эски туркий тилда кўмакчилардан бирлә ~ билә, учун, ўз ~ ўзлә, ичрә ~ ичиндә, ара, тана ~ танару (томон), баса (яна, кейин), кәдин ~ кәзин ~ кәйин, отру (рўпара), отру (сўнгра), адын ~ азын (бўлак), соң, бару (бери), тэги (қадар), ўзу (кейин, изма-из), ашну (олдин, аввал), бурун кабилар қўлланилган.

Биритиувчи боғловчилардан тақы, йэмә ~ йана, ма, ҳам, у, ва, айиув боғловчилардан йа, азу, ара..., ара... қўлланилган. Шунингдек, валэкин ~ валэким зидлов боғловчиси, на инкор боғловчиси, ҳарки, қалы, апаң (агар) каби эргаштиувчи боғловчилар учрайди.

Сўзга қўшиб қўлланиладиган юкламалардан -му; -мы, -ми; -оқ, -өк; -ла, -лә; -чу, -чү; -мат, -мәт, мустақил юкламалардан ош // уш, кәрәк, магар кабилар ишлатилади.

Эски туркий тилда эй, айа, ӣараб, илаҳи ~ илаҳа, дарифа каби ундовлар бўлган.

## ЁДГОРЛИКЛАР ТИЛИНИНГ ЛЕКСИК ХУСУСИЯТИ ҲАҚИДА

Лексик жиҳатдан қадимги ва эски туркий тил ёдгорликларининг фарқи уқадар катта эмас. Қадимги туркий ёдгорликларда қўлланилган сўзлар эски туркий тил даврида ҳам деярли сақланган. Характерлиси, ёзма обидаларнинг, айниқса кўҳналарининг, лугат таркиби асосан туркий сўзлардан иборат. Бу эса тилимиз ўша даврларда ёқ гоятда тараққий этган, чексиз имкониятга эга бўлганидан далолат беради.

Ёдгорликлар сиздан бизнинг орамизни кўп юзийилликлар ажратиб туради. Табиийки, ўтган давр мобайнида тилимиз анча ўзгарди. Ўша кезларда мавжуд бўлган сўзларнинг маълум қисми ҳозирда истеъмолдан чиққан. Масалан, ёдгорликлар тилида қўйидаги сўзлар кенг қўлланилган: ажун—дунё, олам, адын ~ азын—бошқа, ал—ҳийла, алын—пешона, алтын — ост, арығ — тоза, арқыш — карвон, ақы ~ аҳм—сахиӣ, ағы—ипаклик, билғэ — доно, бодун ~ бозун—халқ, ҷигағӣ ~ ҷигағай—камбағал, иғ—касаллик, йағуқ—яқин, ўула—чироқ, қандил, йунд—от, йилқи, уюр, мөңгуз — шоҳ, сандувач — булбул, сү, чэриг — лашкар, төрғу — қонун, өкүз — дарё ва б.

Ёдгорликлар лугат таркибининг катта қисмини ҳозирги туркий тилларда қўлланувчи сўзлар ташкил этади: оғул — ўғил, қыз — қиз, көз — кўз, көңгил — кўнгил каби. Улар орасида товуш ўзгаришларига учраганлари ҳам кўни. Масалан, ёдгорликлардаги адақ ~ азақ ~ азақ ~ айақ — ҳозирги ўзбек адабий тилида оёқ шаклида, адығ ~ азығ ~ адүғ — айығ сўзи айиқ; эш ~ эв ~ үй ~ ўв — үй; эдэр ~ эзэр — эгар, эдгу ~ эзгу ~ эйгу — эзгу; буз ~ муз — муз; йадағ ~ йағағ — яёв; йағы — ёв; йағмур — ёмғир; кўргәк — курак, оғақ — ўроқ, тэвэ ~ тэвэй — туя ва б.

Шунингдек, айрим сўзлар ҳозирги тилимизда баъзи сўз ва иборалар таркибida ҳам сақланган. Жумладан, ёдгорликларда "пороль, белги" маъносида им сўзи қўлланилган. Бу сўз қадимги туркларнинг мақолида ҳам келган: Им билса, эр өлмас (ДЛТ). Ҳозирги ўзбек тилида эса у имла сузининг, им қоқди, имо қилди каби ибора-

ларнинг таркибида сақланган. Ёки ёдгорликларда эмгэк (меҳнат, заҳмат), қон- (тур) сўзларини ўзбек халқ тилида учратишимиш мумкин. Жумладан, Андижон шевасида: *Ғунажин эмгагини кўради; Қиши ўчоги тор, қўп уйингга бор.*

Ўзбек адабий тилида қўлланилмаётган қадимги сўзларнинг маълум қисмини ўзбек шеваларида ҳам учратиш мумкин.

Ёдгорликлар тилини ҳозирги ўзбек адабий тилига қиёслаганда айрим сўзларнинг маъноси кенгайганлиги ёки, аксинча, торайғанлиги ёки қадимий маъноси умуман истеъмолдан чиққанлигини кузатамиз. Жумладан, ҳозирги ўзбек тилида *тўн* сўзи, асосан, "чопон" маъносини билдиради. Қадимда унинг маъноси ҳозиргига нисбатан кенг: *тон* — кийимнинг барча турини англатган. *Тон* га бошқа сўзларни жуфтлаш орқали ҳам қўшимча маънолар ҳосил қилинган: *тон кэдим* — кийимнинг барча тури (кийим-кечак); *тон опрақ* ҳам худди шу маънодадир (*опрақ-кийим*); *тон толум* (*толум-қурол*) — қурол-аслаҳа. Масалан, ҚБ да:

Йэмә айту турса эрэт ҳалыдын  
Ачи ҳам тоқы йа тонын опрақын —  
(Яна лашкар ҳолидан хабар олиб турса,  
Уларнинг очи ҳам тўқидан ёки кийим-кечагидан  
(хабар олса).  
Бу Айтoldы этти көр ат тон толум  
(Бу Ойтўлди, қурол-жабдуқлари, отини ҳозирлади).

Ёдгорликлар тили синонимларга бой. Мисоллар: *эвлик, киси* (хотин); *бөгү, билгэ* (доно); *қарағу, көзсуз* (кўр); *өт, сав, әриг, өгүт, панд*; *адаш, қолдаш, эрдэш, дост*; *отачы, эмчи, ҳаким; кени, чын, түз; битиг, китаб; қапуғ, эшик* ва б.

Ёдгорликлар тилида омонимлар ҳам алоҳида ўрин тутади. Қуйидаги мисолларни кузатинг:

*Ал I* — ҳийла, алдов; *ал II* — ол, қизил; *ал III* — қуий. Булардан ташқари *ал*- (ол-) феъли ҳам бўлган.

*Балық I* — балиқ; *балық II* — шаҳар, қалъя; *балиқ III* — балчиқ, лой. Ҳозирги *Бешбалиқ*, *балиқтут* номларида "шаҳар" маъноси сақланган.

Ёдгорликларда: *көк I* — осмон, *көк II* — асос, илдиз; таг-туг, (*шариъат көки; көкүн ким*); *көк III* — озод, эркин

(көк түрк); көк IV — эгар чилвири; көк V — машаққат, меҳнат; көк VI — ранг; көк VII — тажрибали (көк бөри) ва б. Шулардан янги сўзлар ҳам ясалган: көкчин — оқсоқол, кекса; көклә — эгарни чилвирла.

Ҳозирги тилимизда уларнинг бир қанчаси мавжуд: I. Осмон. II. Кўк, сабза. III. Ранг. IV. Кийим тикиш жараёнида ҳам кўкли сўзи қўлланилади.

Ёдгорликларда: от I — олов, ўт; от II — ўт, ўсимлик; от III — дори; оғу, заҳар. От (дори) дан от эм (дори, даво), отачы (табиб) сўзлари ясалган.

От I — насиҳат; от II — ошқозон ўти; от III — ин. Булардан ташқари от- (ўтмак), от- (куйламак) феъллари ҳам бўлган.

Ёдгорликларда түз — текис (түз йэр), teng (бэш эрқек түз эрмәс); тўғри, рост маъноларда қўлланилган. Шунингдек, түз- (тузмак), тўз- (текисламак — ол йэриг түзди) феъллари ҳам қўлланилган.

Маълумки, тарихан ўзак қаттиқ бўлса, албатта унга аффикснинг қаттиқ варианти, аксинча, юмшогига қўшимчанинг ҳам юмшоқ варианти қўшилган. Ҳозир ҳам бунинг таъсирини кузатамиз. Масалан, туз (ош тузи) қаттиқ ўзак бўлгани учун унга аффикснинг қаттиқ вариантини қўшиб тузлук сўзи ясалган. От (ўсимлик)ка қўшимчанинг қаттиқ турини қўшиб ўтоқ сўзи ёки, аксинча, түз (тўғри, текис) юмшоқ ўзак бўлгани учун текисликин тузлук дейилади; от (ошқозон ўти)га эса юмшоқ қўшимча қўшиб ўтака сўзи ясалган. Бундай мисоллар тилимизда кўп.

Характерлиси, қадимги ва эски туркий тилнинг лексик бойлиги кейинчалик ҳам давом этди. Айниқса, классикларимиз аждодлар тилидан унумли фойдаландилар. Бунга Лутфий, Навоий, Бобур асарларининг тили яққол мисол бўла олади. Алишер Навоий ўзининг "Муҳокамату-л-лугатайн" асарида көк нинг 5 хил маъносини келтиради: I. Осмон. II. Оҳанг, куй. III. Атрофда кўкламак. IV. Оёқдаги қадағ. V. Сабза ва ўланг.

Ана шу асарида тўзнинг 6 хил маъносини фарқлайди: I. Ўқ, найза. II. Текис, дашт. III. Рост киши. IV. Созни тузмакка амр. V. Икки киши орасидаги келишиш. VI. Мажлис асбоби.

Туркий тилнинг ана шу лексик бойлиги ўзбек мумтоз адабиётида ажойиб шеърлар яратишга имкон берган. Лутфий туюқларидан келтирамиз:

Мэн көңүл бәрдим йанақың алына (ал-ы-на).  
 Болмадым вәқыф бу макр-у алына (ал-ы-на).  
 Эмди лабуд чара йоқ көрмәк кәрәк,  
 Ҳар нә тәнри салмыш олса алына (алын-а).

Ушбу туюқдаги биринчи ал "қизил", иккинчиси "хийла", учинчи алын эса "пешона" маъносида.

Ёки:

Тұз, бәгім, бу дамда суҳбат көкини,  
 Тут айаг, кәс дард-у ғамның көкини.  
 Илгиндин гар кәлса башқа тут айақ,  
 Көзгә илмән дүйнәнның йәр-көкини.

Бу туюқда биринчи кәк — "авж, куй", иккинчиси — "илдиз, асос", учинчиси эса "осмон" маъносида.

Ёдгорликлар тилида қадимги турклар ҳаётининг барча соҳаси: ҳаёт тарзи, машғулоти, жуғрефий шароити, илм-фан, маданияти ва бошқалар акс этган. Характерлиси, лугат таркибининг асосий қисми түркій сұзлар. Ҳатто, астрономик жисмлар ҳам ўша кезләрда туркій отлар билан юритилған. Жумладан, "Құтадғу билиг"да шундай астрономик номлар уңпайды. Сәкәнтиер — Зұхал, Оңғай // Қара құш — Мұштарий, Қөрүд — Миррих, Йашық — Шамс, Сәвіт — Зұхра, Тиләк — Орзу, Йалчық — Ой, Қозы — Ҳамал, Уд — Савр, Эрәндиз — Жавзо, Учық — Саратон, Құр Арслан — Асад, Бүғдай башы — Сунбула, Үлгү — Мезон, Чыдан — Ақраб, Йа — Қавс, Оғлақ — Жадий, Қөнәк — Дағын, Балық — һұт, Йәтикән — Етти қароқчи қолдуз, Йылдырық — Сириус, Адғыр — Айғир каби.

Ёдгорликлар тилида мучал йил номлари ҳам бор. Манбаларда улар шундай тарзда учрайди (тартиб бүйича):

	Урхун-энасой битигларида	Мәдмуд Кошгарийда	Хозирги ўзбек тилида
1.	кусьу	сычған йылы	сичқон йили
2.	иңәк	уд йылы	сигир йили
3.	барс	барс йылы	барс йили
4.	табышған	ташышған йылы	қүён йили
5.	лұ	нәк йылы	тимсоҳ йили
6.	йылан	йылан йылы	илон йили
7.	йылқы, йунд	йунд йылы	от йили

	Урхун-энсой битигларида	Махмуд Кошфарийда	Хозирги ўзбек тилида
3.	қон	қой йылы	қўй йили
4.	бичин	бичин	маймун йили
10.	тақығ ~ тақығы ~ тақығу	тақағу йылы	томуқ йили
11.	ыт	ыт йылы	ит йили
12.	лагзын	тоңуз йылы	тўнгиз йили

Маълумки, ўтмишда ноёб асарлар қайта-қайта кўчирилган. Эски туркий тил ёдгорликларидан баъзила-рининг ҳатто кейинги асрларда кўчирилган қўлләзмалари ҳам бор. Табиий, давр ўтиши билан сўзларнинг маълум груҳи истеъмолдан чиқиб, ўрида янгилари қўлланилади. Оқибатда, эскирган сўз янги замон кишисига тушунарсиз бўлиб қолиши мумкин. Шундай шароитда котиблар, бъязан асар тилини ўз даврига яқинлаштиришга уринганлар. Шунингдек, асар қўлләзмаларида бир сўз турли фонетик варианtlарда учрайди ёки кейинги қўлләзмаларда улар синонимлари билан алмашган бўлиши мумкин. Шу тариқа ҳар бир қўлләзмада, озми-кўпми, кўчирилган давр тили, маълум диалект хусусиятлари ҳам аралашиб қолади. Мисол учун "Қисаси Рабгузий"нинг XIУ асрда кўчирилган, ҳозирги пайтда Лондонда сақланаётган қўлләзмаси билан XVI асрда кўчирилган Ўзбекистон ФА Шарқшунослик институтида сақланаётган қўлләзмасини солиштирганда шундай лексик ўзгаришлар кузатилади<sup>1</sup>:

Лондон нусхаси	Тошкент нусхаси	Хозирги ўзбек тилида
кэсек	тограм	булак, қисм
ағыз	богуз	огиз
сақчы	тунқатар	соқчи
тиргүк	сутун	устун, тиргак
тобуз	тоқмақ	тўқмоқ
эрнек	бармақ	бармоқ
карагу	көр	кўр

<sup>1</sup> Юнусов А. "Қисаси Рабгузий"нинг текстологик тадқиқоти // Адабий танбашунослик. Қўлләзмалар институти олимларининг 1987 йилда йокарган илмий ишларининг препринти. Тошкент, 1989, 49—51-б.

Лондон нусхаси	Тошкент нусхаси	Хозирги ғазбада
қарабаш	эв қызи	оқсоч, чўри
анут-	йыгдур-	тайёрла-
йығыл-	йан-	қайт-
кузз-	сақла-	сақла-
оч-	сон-	ўчмоқ, сўнмок
урагут	за'ифа	аёл, хотин
урғ	насл	уруг, авлод, насл
қорган	қал'a	ўрда, қалъа
бозун	гурух	тӯда, қабила
күң	дадак	хизматкор
йарық, йашық	жиба, долга	уруш кийими, совут

Шунинг учун маълум асар тилини тадқиқ этганда, иложи борича, унинг энг эски қўллётзмаларидан фойдаланиш, мавжуд нусхаларни қиёслаб ўрганиш мақсадга мувофиқдир.

• • •

Юқоридагилардан кўринадики, адабий тил узоқ тарихий тараққиётни босиб ўтди. Қадимги ва эски туркий адабий тил энерцияси XV асрда туркий тилни янги бир босқичга кўтарди.

XIV асрнинг охирларидан адабий тил тарихининг янги даври — эски ўзбек адабий тили даври бошланади. Айниқса, XV асрда туркий тил ўз тарихи давомида энг ривожланган, классик босқичга эришди. Бу даврда адабий тил ривожига Лутфий, Атойи, Саккокий, Навоий, кейинчалик Бобур сингари улуғ кишилар катта ҳисса кўшди. Айниқса, Алишер Навоийнинг адабий тил тараққиётига қўшган улуши бениҳоя катта бўлди. Навоий тили туркий тилнинг чўққисидир.

Навоий тили ёки, умуман, XV аср тилининг муҳим хусусияти шундаки, у, биринчи галда, тилнинг узоқ ўтмишда пухта ишланган, қадимги, эски туркий тил даврларида сайқаллашган, тобланган тил анъаналарини давом эттирди. Буюк адилларимиз ўз даври тил бойлигини кўра билдилар, ўтмишнинг илғор томонларини ўргандилар, уни халқ тили анъаналари билан тўлдириб, ўз ижодида қўлладилар.

## ТАЛАБАЛАР ФОЙДАЛАНИШИ ЛОЗИМ БЎЛГАН АДАБИЁТЛАР

- Абдураҳмонов F.. Рустамов А.*  
Қадимги туркӣ тил. Тошкент. "Ўқитувчи" нашриёти, 1982.
- Абдураҳмонов F., Рустамов А.*  
Навоий тилининг грамматик хусусиятлари. Тошкент, "Фан" нашриёти 1984.
- Айдаров Г.* Язық орхонского памятника Бильге-кагана. Алма-Ата, Изд-во "Наука", 1966.
- Айдаров Г.* Язық орхонских памятников древнетюркской письменности VIII века, Алма-Ата, Изд-во "Наука", 1971.
- Айдаров Г.* Библиографический указатель литературы по енисейско-орхонским и таласским памятникам древнетюркской письменности. Алма-Ата, Изд-во "Наука", 1979.
- Аманжолов А. С.* К генезису тюркских рун. // Вопросы языкоznания. 1978 (2). С. 76—87.
- Алиев А.* Ўзбек адабий тили тарихидан материаллар (университетларнинг филология факультетлари студентлари учун қўлланма). II қисм. Тошкент, 1983.
- [*Алиев А.*] "Ўзбек тили тарихи" курси программаси. II қисм. Ўзбек адабий тили тарихи (Университетларнинг филология факультетлари учун). Тошкент, 1986.
- Аттуҳфатуз закияту филлугатит туркия. (Таржимон ва нашрга тайёрловчи С. Муталибов). Тошкент, "Фан" нашриёти 1968.
- Ахмедов Б. А.* Государство кочевых узбеков. М., 1965.
- Баскаков Н. А.* Введение в изучение тюркских языков. М., 1969.
- Батманов И. А.* Язык енисейских памятников древнетюркской письменности. Фрунзе, 1959.

*Боровков А. К.* Лексика Среднеазиатского тифсира XII—XIII вв. М., Изд-во "Наука", 1963.

*Благова Г. Ф.* Тюркское склонение в ареально-историческом освещении. М., Изд-во "Наука", 1982.

*Дадабаев Х.* Общественно-политическая и социально-экономическая терминология в тюркоязычных письменных памятниках XI—XIV вв. Ташкент, Изд-во "Фан", 1991.

Древнетюркский словарь. Л., Изд-во "Наука", 1969.

Изысканный дар тюркскому языку (Грамматический трактат XIV в. на арабском языке). Введение, лексико-грамматический очерк, перевод, глоссарий, грамматический указатель Э. И. Фазылова и М. Т. Зияевой. Ташкент, Изд-во "Фан", 1978.

*Исҳоқов М., Раҳмонов Н., Содиқов Қ., Тўхлиев Б.* Ўлмас обидалар (Ўзбекистон халқларининг қадимги ёзма ёдгорликлари бўйича тадқиқотлар). Тошкент, "Фан" нашриёти, 1989.

*Каримов К.* Категория падежа в языке "Кутадгу билиг". Автореферат докторской диссертации на соискание ученой степени канд. филол. наук. Ташкент, 1962.

*Каримов Қ.* Илк бадиий достон. Тошкент, "Фан" нашриёти, 1976.

*Малов С. Е.* Памятники древнетюркской письменности. М.-Л., Изд-во "Наука", 1951.

*Маҳмуд Кошғарий.* Девону луготит турк. Таржимон ва нашрга тайёрловчи С. Муталибов. I—III. Тошкент, "Фан" нашриёти, 1960—1963.

[*Маҳмуд Кошғарий*] Девону лугатит турк. Индекс-лугат. Тошкент, "Фан" нашриёти, 1967.

*Маҳмудов Қ. Аҳмад Юғнакийнинг "Ҳибатул ҳақойик"* асари ҳақида. Тошкент, "Фан" нашриёти, 1972.

*Маҳмудов Қ.* XIII—XIV аср туркий ёзма обидалар тилининг фонетик системаси. Тошкент, "Фан" нашриёти, 1990.

*Мелиоранский П. М.* Араб филолог о турецком языке. СПб., 1900.

*Наджип Э. Н.* Историко-сравнительный словарь тюркских языков XIV века. Книга. I. М., Изд-во "Наука", 1979.

*Наджип Э. Н.* Исследования по истории тюркских языков XI—XIV вв. М., Изд-во "Наука", 1989.

- Насилов В. М.* Язык орхено-енисейских памятников. М., Изд-во "Наука" 1960.
- Насилов В. М.* Древне-уйгурский язык . М., Изд-во "Наука" 1963.
- Насилов В. М.* Язык тюркских памятников уйгурского письма XI—XV вв. М., Изд-во "Наука", 1974.
- Рабғузий Носируддин Бурҳонуддин.* Қисаси Рабғузий I—IІ. Тошкент. "Ёзувчи" нашриёти, 1990—1991.
- Раҳмонов Н.* Турк хоқонлиги. Тошкент. А. Қодирий номидаги ҳалқ мероси нашриёти 1993.
- Рустамов А.* Маҳмуд Замахшарий. Тошкент. "Фан" нашриёти, 1971.
- Рясиәнен М.* Материалы по исторической фонетике тюркских языков. М., Изд-во "Наука", 1955.
- Содиқов Қ.* Эски уйгур ёзуви. Тошкент, Faфур Ғулом номидаги адабиёт ва санъат нашриёти, 1989.
- Содиқов Қ.* Аждодларимиз битиги. Тошкент, "Фан" нашриёти, 1990.
- Сравнительно-историческая грамматика тюркских языков. Фонетика. М., Изд-во "Наука", 1984.
- "Таржумон"— XIV аср ёзма обидаси. (нашрга тайёрловчи А. Юнусов) Тошкент. "Фан" нашриёти, 1980.
- Турсунов У. Ўринбоев Б.* Ўзбек адабий тили тарихи (Педагогика институтларининг филология факультетлари студентлари учун қўлланмана). Тошкент, "Ўқитувчи" нашриёти, 1982.
- Тўхлиев Б.* Юсуф Ҳос Ҳожибининг "Қутадгу билиг" асари. Тошкент, "Ўзбекистон" нашриёти, 1991.
- Фазылов Э.* Староузбекский язык. Харезмийские памятники XIV века. Том I—IІ. Ташкент, Изд-во "Фан", 1966, 1971.
- Харезми.* Мухаббат-наме. (Издание текста, транскрипция, перевод и исследование Э. Н. Наджипа). М., Изд-во "Наука", 1961.
- Шукуров Ш.* Ўзбек тилида феъл замонлари тараққиёти. Тошкент, "Фан" нашриёти, 1976.
- Щербак А. М.* Огуз-наме, Мухаббат-наме, М., Изд-во "Наука", 1959.
- Щербак А. М.* Грамматический очерк языка тюркских текстов X—XIII вв. из Восточного Туркестана. М.—Л., Изд-во "Наука", 1961.

- Щербак А. М.* Грамматика староузбекского языка М.—Л., Изд-во "Наука", 1962.
- Щербак А. М.* Сравнительная фонетика тюркских языков. Л., Изд-во "Наука", 1970
- Щербак А. М.* Очерки по сравнительной морфологии тюркских языков (Глагол). Л., Изд-во "Наука", 1981.
- Юсуф Ҳос Ҳожиб.* Қутадғу билиг. (Нашрга тайёрловчи Қ. Каримов). Тошкент. "Фан" нашриёти, 1971.
- Қаюмов А.* Қадимият обидалари. Тошкент. 1972.
- Қўчқортмоев И., Исабеков Б.* Туркий филологияга кириш. Тошкент, "Ўқитувчи" нашриёти, 1984.

## МУНДАРИЖА

"Ўзбек адабий тили тарихи" предмети, унинг мақсади ва вазифаси . . . . .	3
"Ўзбек адабий тили тарихи" курсининг мактабларда она тили ва адабиёт фанларини ўқитишдаги аҳамияти . . . . .	7
Ўзбек адабий тили тарихининг асосий манбалари . . . . .	9
Ўзбек адабий тилининг маданиятимиз тарихида тутган ўрни . . . . .	10
Адабий тил, умумхалқ тили ва шевалар . . . . .	11
Ўзбек адабий тили тарихини даврлаштириш ҳақида . . . . .	13
Ўзбек адабий тилининг шаклланишида бошқа системадаги тиллар иштироқи . . . . .	18
Ўзбек адабий тилининг номланиш тарихи . . . . .	35
Туркӣ тиллар ва улар орасида ўзбек тилининг тутган ўрни . . . . .	44
Қадимги туркӣ адабий тил . . . . .	48
Турк руний ёзуви ва унинг ёдгорликлари . . . . .	48
Үйгур ёзуви ва унинг ёдгорликлари . . . . .	52
Қадимги туркӣ адабий тил фонетикаси . . . . .	55
Қадимги туркӣ адабий тилининг морфологик ҳусусиятлари . . . . .	59
Эски туркӣ адабий тил . . . . .	65
Эски туркӣ адабий тилининг ёзма ёдгорликлари . . . . .	67
Маҳмуд Кошгариј туркӣ диалектлар ҳақида . . . . .	89
Эски туркӣ адабий тилининг фонетик ҳусусиятлари . . . . .	95
Эски туркӣ адабий тилининг морфологик ҳусусиятлари . . . . .	98
Ёдгорликлар тилининг лексик ҳусусияти ҳақида . . . . .	107
Галабалар фойдаланиши лозим бўлган адабиётлар	113

*Абдуғани Алиев, Қосимжон Содиқов*

**ИЗ-ИСТОРИИ УЗБЕКСКОГО  
ЛИТЕРАТУРНОГО ЯЗЫКА**

**На узбекском языке**

Издательство "Ўзбекистон"— 1994,  
700129,, Ташкент, Навои, 30

Бадиий мұхаррір *Соібназаров О.*  
Техник мұхаррір *Сабирова С.*  
Мусаҳҳиҳ *С. Тоҳирова*

Теришга берилди 06.08.93 Босишга рухсат этилди 04.04.94 Қоғоз би-  
чими 84×108 Г/32 "Таймс" гарнитурада юқори босма усулида босил-  
ди. Шартли б. т. 6,30. Нашр л. 6,37. Нусхаси 7000. Буюртма № 1213

Баҳоси шартнома асосида

"Ўзбекистон" нашриёти, 700129, Тошкент, Навоий кучаси, 30.  
Нашр № 124—93.

Оригинал-макет масъулияти чекланган "Ношир" жамияти техникавий  
ва программавий воситалар базасида тайёрланиб "Узгиризом"  
Картфабрикасида босилди. 700096, Тошкент,  
Муқимий кўчаси, 182.

**A 49** Алиев А., Содиқов Қ.  
Ўзбек адабий тили тарихидан: Университет  
талабалари учун дарслик.—Т.: Ўзбекистон,  
1994.—118 б.  
1. Автордош.  
ISBN 5-640-01712-X

Ўқув қўлланма дорилғунуларнинг ўзбек филологияси  
куллиёти талабаларига мўлжалланган бўлиб, унда энг қадимги  
даврдан то ХУ асрларга бўлган адабий тилимиз тарихининг  
бъази хусусиятлари ва унга алоқадор масалалар таҳлил қили-  
нади. Турк руний ёдгорликлари, Маҳмуд Кошгарийнинг "Де-  
вону лугатит турк", Юсуф Хос Ҳожибининг, "Қутадғу биљиг",  
Аҳмад Ютнакийнинг "Ҳибатул-ҳақойиқ", Хоразмийнинг  
"Муҳаббатнома", Қутбнинг "Хусрав ва Ширин", шунингдек,  
"Ўғузнома", "Наҳжул-Фародис" каби асарлар ҳақида маълумот  
берилади, уларнинг характерли тил ва услуб хусусиятлари  
курс материаллари савиясида баён қилинади.

81.2Ўзя73

№ 369—94  
Алишер Навоий номли  
Ўзбекистон Республикасининг  
Давлат кутубхонаси

▲ 0503020904-51 94  
M 351 (04) 94